

CARMINA

Diuerſorum

AVCTORVM

IN NVPTIIS

Illuſtriſſimorum, &
Excellentiſſimorum

DD. THADDÆI

BARBERINI

ET ANNÆ

COLVMNÆ.

Romæ Ex Typographia
R. Cam. Apoſt. 1629. 4

Superiorum Permiſſu.

ANNUAL REPORT

OF THE

AMERICAN

ASSOCIATION

FOR THE

PROGRESS OF

SCIENCE

AND ART

IN THE

UNITED STATES

OF AMERICA

FOR THE YEAR

1884

ILLVSTRISSIMO,

& Excellentiss. Principi

D. TADDAEO

BARBERINO

Arcis S. Angeli Præfecto.

Andreas Brogiottus F.



VM, tuis felicissimis
nuptijs Orbi terra-
rum spē fecisti pro-
lis Tibi tuisq; simili-
mæ; omnes quidem
populos, qui sese

VRBANI Octavi maximi sanctissimiq;
Pontificis imperio beatos prædicant,
& quibus spectatæ cognitæq; sunt exi-
miæ Tuæ virtutes, plurimum exhilara-
sti; sed applausit præcipuè Poetarum
chorus, & incredibili perfusus alacritate,
lætitiæ suæ magnitudinem effusissi-

mè declarauit. In hoc vberi gaudiorum prouentu multi pulcherrima, quæ pangebant Epithalamia, confestim expressa typis emiserunt in publicum; satiùs duxere plures offerre manu styloq; descripta Tibi, scilicet, atque Musis cecinisse contenti. illorum carmina veluti Sibyllæ folia passim dispersa volitabant per ora perq; manus doctorum virorum: at istorum opera in armarijs bibliothecarum, & in scrinijs recondita depromi demum, atque in lucem produci postulabant. Hæsitavi profectò diutiùs quàm par fuisset. prohibebat quippe festinare cupientem metus, quem mihi perspecta dudum Tua modestia incutiebat. tandem vt extaret tantæ celebritatis, & obsequij, quod Tibi deuoui, perenne monimentum, vtque consulerem Reipublicæ literariæ tot elegantissimorum poematum luminibus quâ suppressis, quâ sparsim intercidentibus grauiissimam iactu-

ram passuræ, illa hinc inde velut inter-
dicto de tabulis exhibendis coacta si-
mul edo, & iam Tibi meritò nuncupo,
cui colendo me in perpetuum obliga-
ui. Excipe igitur lubens (Excellentis-
sime Princeps) serò quidem delatum,
sed iamdiu destinatū munus: Et quan-
do res a Te præclarè fortiterq; gestas,
& Tuas, amantissimæq; coniugis Annæ
Columnæ Heroïnæ incomparabilis vir-
tutes commemorare infiniti foret ope-
ris, iustorumq; voluminum; sat mihi
sit in præsentia Te Musageten Hercu-
lem, Te litterarum Asylum & columen,
Te Litteratorum tutorem atque propu-
gnatorem compellare, vehementiusq;
rogare, vt Musas inter concrepantes li-
tuos, clangoresq; tubarum, tela inter
Martia pavidas, ac columbarum instar
cum baccis istis laureis Helicone de-
cerptis in gremium tuum conuolantes,
& vna cum illis faustissimum omen su-
scipias, easq; obiectu Tui paludamen-
ti,

ti, sicut Vlpianum Alexander Augu-
stus, a militari furore defendas, dum
illæ Genethliaca meditantur, & parant
liberis e coniugio tam auspicato Tibi
natis & nascituris, quibus ut senex, &
honoribus gloriaq; satiatus, litterarum
tutelam, quam a Maioribus Tuis ac-
ceptam diutissimè tenueris, hereditario
quasi iure tradas, voueo & apprecor.



Auctores Carminum Latinorum.



Braham Remmius	pag. 3
Amabilis Burzeus	9
Benedictus Milanus	23
Bonaventura Rondininus	34
Fabius Leonida	44
Franciscus Rogerius	50
Franciscus Rosserminus	69
Franciscus Carduccius	80
Franciscus Saccus	84
Georgius Conæus	97
Hieronymus Briuius	101
Hieronymus Bartholomæus	104
Hieronymus Petruccius	111
Ioannes Baptista Donius	115
Ioſeph Maria Suareſius	134
Ioannes Baptiſta Laurus	137
Ioannes Argolus	141
Incertus	147
Leuinus Hieliuſ	151
Læliuſ Gratianuſ	161
Lucas Holſteniuſ	162
Paganinuſ Gaudentiuſ	167
Terentiuſ Alciatuſ	171
Franciſcuſ Mancinuſ Capocciuſ	173

Pag. lin. Errata

Corrige

13	25	Deteriori	Deterior
14	7	Idaliame	Idalimue
	16	Pharos	Pharus
		aurem	aurum
15	23	Amadyadum	Amadryadum
16	8	laius	latius
	18	formamq.	formaq.
32	12	omnia	omina
33	12	caltus	cultus
	20	morte	more
76	28	Exultant	Exulant
91	17	Telonos	Gelonos
	18	ruinis	pruinis
	30	dicerat	dixerat
94	4	Io. Baptista Donius	Prolem. & Felicitatem.
112	17	licyonijs	Sicyonijs
119	12	aggerat	oggerat
122	17	epheto	ephebo
125	5	Heu	Neu
132	29	lupis	lupus
136	1	EIDTAION	EIDTAION
	6	δωσόμενα	πεπορευμένα
	7	χάμος	χάμος
	11	πύματα	πύματα

137
 138
 139
 140
 141
 142
 143
 144
 145
 146
 147
 148
 149
 150
 151
 152
 153
 154
 155
 156
 157
 158
 159
 160
 161
 162
 163
 164
 165
 166
 167
 168
 169
 170
 171
 172
 173
 174
 175
 176
 177
 178
 179
 180
 181
 182
 183
 184
 185
 186
 187
 188
 189
 190
 191
 192
 193
 194
 195
 196
 197
 198
 199
 200

EPITHALAMIVM

ABRAHAMI

REMMII.



PHOEBE, quid hesperios raperis tã serus in axes?
Quæ mora præcipites currus, quis languor
anhelos

Tardat equos? en lentæ imis de vallibus vmbrae

Nigranti incipiunt terras subtexere cælo.

Noctem prona dies, nox astra serena reducit:

Tu tamen emenso inuitus discedis Olympo,

Et quasi pœniteat, obliquo sidere ROMAM

Aspicias, auersusque iterum vestigia velles.

Longa remetiri, & primos remeare sub ortus.

Quippe Deū nūtu dū iungitur ANNA THADÆO,

Et genialis Hymen Connubia numine firmat;

Tantis fœderibus Tædas præferre iugales.

Et totum cuperes hæc gaudia ferre per orbem

Sed frustra occiduo iam merfos gurgite currus

Sistis in aduersum, & franis luctantibus hæres.

VESPER adest, plenoque nitens argentea vultu

Luna relectis per sudum cornibus ardet.

Conde caput rutilum: quid noctis gaudia differs?

Inuidus? en celebris THADDÆO iungitur ANNA.

ANNA Deos terris, BARBERINOSQUE datura
PONTIFICES, Urbis præsentia Numina Romæ.

At tu labentis reparator Iuppiter æui
Magne parens, vocitat quem prisca *Tam prætor* ætas :
Tu cælestis Hymen, cui templum thure recenti
Incalet, & quinis fumant altaria Tædis :
Vos dulces Genij, tuque ò pharetræ Cupido,
Quem fratrum numerosa cohors, Lususque, locique
Adstipant: Tiberinæ pater, cui tempora muscus
Lambit, & irrigui exiliunt de naribus amnes,
Dicite diuinos THADDÆI dicite amores :
Totus ut igne fluat, charæque infusus in ora
Comingis, ambrosijs legit oscula primæ labellis.
Ut varias miratur opes, ut frontis honorem
Purpureum, ut flauos crines, & tortilis auri
Cæsariem : ut tremulis tremulo instat lumine ocellis
Blandus, & alterno gaudet se vulnere lædi.
Dicite virgineos intacto ut purior igne
Spirat in amplexus : ut dextram dextera tangit,
Utque vnum geminos connectit Fœdus Amantes.
Nusquam alias terris, aut Cælo clarior ignis
Exitit: en gemino recreatur fidere mundus,
Astra polû, Romæ ipse se suo replet igne THADÆVS,
Et Cælum stellas, & habent sua sidera terra.

Nonne vides: quanto incedit pretiosus in ostro !
Quam purum irradiant undanti in murice gemmæ !
Quam dulces vultu illecebræ ! quam mellea verba !
Quam castos placido dispensat lumine nutus !
Talis fidereos inter pulcherrimus ignes
Ultimus eois se lucifer exerit undis.
Tales Oebalij dum se statione vicissim
Expediunt, micuere Dij: nec tu aureæ Titan

Pulchrior affulget terris, dum discutis umbras,
Et primis radijs nascentibus inficis Indos.

Patre mente refert, frons exprimit ardua Fratrem:

PATRVVS, Urbano spirat quoque totus in ore,

PATRVVS inmensi FLAMEN sanctissimus Orbis,

Cui nutu referare Polos, & aeneae Ditis

Robora diuulsis fas est perrumpere valuis.

Quid plura accumulem? dulci Ioue dulcius ardet,

Splendidior sole est, ipsisque benignior astris.

Hunc genuit Virtus, nascentem Vrania fouit

Blanda sinu, dedit hyblaos Astra liquores,

Et Themis aethereo paulatim affluevit olimpo.

Huic Maiors puero, inueni Cyllenius Alas

Astitit, hunc studiis florentem vidit Apollo.

Et iam sub pedibus dum totum despicit orbem

VRBANVS, mediisque sacrum caput inserit astris:

Huic superum chorus, huic hominum latus undique cingit

Agmina, quaque dies noctem, lucemque vicissim

Nox premit, in laudes tellus circumstrepit omnis.

O utinam & nobis vultu propiore liceret

Affari! coramque audire, ac reddere voces!

Sed quis diuinos ANNÆ celebrabit honores?

Quæ tanta vox digna Dea? tu pronuba Iuno,

Quæ sacra perpetuo connubia fœdere iungis,

Vos Charites, tuque o Charitum dulcissima mater

Alma Venus, cui paret Amor, cui tela Cupido

Exacuit, iussosque animis ferus imprimit ictus:

Vos etiam nimphæ Tiberis castissima proles,

Quæ pede molli agitis per mollia prata choreas

Dicite virginæ vultus atque ora Puellæ.

Vt casto ignotos sub pectore concipit ignes,

Vt vagus in venas celeri impetu perineat ardor.

Vt charū effusis THADDÆVM amplectitur vlnis ;
 Vt roseus premit ora rubor , frontisque pudicæ
 Innocuos humili componit lumine motus .
 Dicite maturis vt iamiam nubilis annis
 Virginitate tumet , blandos vt nescia fraudis
 Dirigit intuitus , vt charo in coniuge vulnus
 Lene sine arte facit , sensimque innoxia gliscens
 Flāma, suū alterno THADDÆVM accendit amore.

Ecquid in orbe prior vidit formosius ætas ?
 Quæ tales Atalanta oculos ; cui gratia Nymphæ
 Tanta fuit ; quæ tot radijs Arethusa refulsit ?
 Penelopen Ithaci laudent , Helenamque Mycenæ ,
 Cassandram Troes Peneia littora Daphnen .
 Vnā carminibus celebrabit ROMA COLVMNAM,
 Nil etenim Ausoniæ , nil toto pulcrius orbi est .
 Dicitur Alcides Gaditano in margine quondam
 Erexisse Arces geminas , extremaque mundi
 Littora constructis fessus vidisse Columnis .
 Hoc quoq; fecit Amor: nihil vltra quære THADÆE
 Nō orbes alios, nō formā, NIL DATVR VLTRA.
 Hanc tibi post longos cursus natura COLVMNAM
 Obijcit, hic meta est & amoris terminus hæret .
 Aspice quāmolli per eburnea colla flabello ,
 Perque comas zephyri tremulo certamine ludunt .
 Quāmbenè mista rosis in vultu lilia florent ! (res !
 Quāmdulcē Ambrosiam ! quāmpuros fundit odor-
 Talis mane nouo pulsas Aurora tenebris ,
 Florea gemmanti reficit violaria rore .
 Tali inter superos Hebe se fronte ferebat ,
 Dūm deuicto Orbe Alcidi pulcherrima nupsit .
 Tu quoque non alio proles Latonia vultu ,
 Virgineum pleno diffundis ab ore ruborem .

Quid

Quid loquar vltcrius? salienti clarior vnda est:
 Vellere candidior cigni, niueisq. ligustris,
 Purior electro, & violis formosior albis.
 Hanc ope multiplici, & diuinis dotibus auxit
 Nascentem Natura parens, pulcrosque sub artus
 Pulcrius ingenium infudit, quo possidet omnes
 Diuitias, quo sola Deas virtutibus æquat.
 Delia cincinnos in nodum adamante coerces.
 Iuno in fronte sedet, Charitumque exercitus omnis
 Pulcra verecundo suffundunt ora pudore.
 Casta Minerua oculos cœlesti temperat igne.
 Flora genas vario violarum munere vestit,
 Osculaque ambrosijs fragrantia odoribus implet.
 Ridet in ore Venus, dùmque ima labella resoluit,
 Cernis Erithræas duplici ordine surgere Conchas.
 Pomona in tremulis turgescit candida mammis.
 Brachia Cloris habet, roseos Aurora renascens
 Efformat digitos, penitusque argentea toto
 Corpore, se Thetis talos effudit ad imos.

O nimium felix tam pulcrâ coniuge coniux!
 Fortunatus hymen! iterumque orientia terris
 Tempora Saturni! & priscum sine sordibus aurum!
 Viuite coniunctis ò SPONSI, viuite fatis.
 Mutuaque vnanimis in fœdera iungite dextras.
 Gaudia sint semper præsentia: nulla serenos
 Polluat ymbra dies, sint puri ex æthere soles,
 Sit fœcundus amor, sit felix turba Nepotum.
 Æthereos vestris AP I B V S dent Numina succos.
 Proque fauo hyblæo, pro dulci munere mellis,
 Sit liquor Ambrosius, sint veri Nectaris haustus!

Sed quis ab Adriaca fragor igneus intonat Arce?
 Quæ noua per noctem facies? ecce agmine magno

Crinitas per inane faces longo æthera tractu
 Diuidere, & cælo stellas immittere cerno.
 Flammeus effusis discinditur ignibus aer,
 Sulphureique globi curuos sinuantur in arcus.
 Vnde hæc astra volat? quis ab æthere voluitur ignis?
 Anne iterum auratos Raptor Danaeius in imbres
 Liquitur? an cæcas fracta compage relaxat
 Terra vias? nunc flammivomo se turbine nimbus
 Tollit, & innumeros credas radiare cometas.
 Præpete nunc cursu se fax nitrosa resoluit,
 Et pluit in rores varios, nunc fulguris instar
 Signat in alta viam, & subiectam trajicit urbem.
 Iamque acies, iam mille vides volitare figuras,
 Seque sibi obijcere, & longos describere giros.
 Quin etiam cæco tormenta explosa fragore
 Immanè increpuere, ruit vapor ater in auras,
 Et vicinâ iugis reboantibus ALBA remugit.

Hæc tunc sunt, VRBANE PATER, te Roma iubete
 Gestit ouans, tibi tota parat Natura triumphos.
 Tu nouus es cælis Atlas, tibi Solis vtrunque
 Claustra parent, geminoque facis cōmercia mundo.
 Te cælum, te terra cupit, iamque arctior æther
 Contrahitur, mediisque locum tibi destinat astris.
 Sed te ROMA suum iactat, neque Gaudia sperant
 Hæc Superi, nisi Nestorceos expleueris orbis.
 V I V E io! æternos felix victurus in annos!
 Ultra æui, solisque vias, nostramque verendis
 Aduolui pedibus, precor, ò patiare Thaliam.

Tu quoq; Purpurei decus Ordinis, optime Diuū
 FRANCISCE, Ambrosio quæ Pax præit aurea vultu,
 Qui mandata Deum varias LEGATVS in oras
 Mercurio melior, firmanda in fœdera defers.

Qui

Qui populorum animos, & Sceptra hostilia solus
 Concilias, Regumque pio premis ore tumultus;
 Has cape primitias, donec tibi mellea Musæ
 Sacra ferent, plenoque APIARIA carmine condam.

A V G V R I V M
 EPITHALAMIVM
 A M A B I L I S
 B V R Z E I.

I Nuide quid fari pro hibes pauor: aut bona turbas
 Gaudia; Pars animis metus est si magna doloris?
 Ah sine laxatis prorumpat faucibus vltro
 Spiritus, infractumq. sonet: ne Nuncius omen
 Fœdet, & infestum referat fœlicia carmen
 Auspicia: An fari pigeat, quæ nosse iuuarit?
 Vos modo, pierij colitis quæ culinina montis
 Sicelides, vos aoniæ queis credita lymphæ
 Cura, sacerq. aditus vatum: vos trudite Diuæ
 Corde metû, horroremq; grauê; quæ monstra dedere
 Grandia monstra, sopor fessos dum mergeret artus,
 Relligione loci vestri, non omine rerum.
 Quin etiâ haud aliud, quâ vestrum insomnia numen
 Misit, & ingentes fixit sub pectore curas.
 Ergo ades o quicumq; Deum es, cui talia curæ:
 Vt seu ventûri sortes, seu fata peracti
 Innuis, expediam magnarum oracula rerum:

Nocte super media tacito labentia cursu,
 Astra reuoluebant ignes, vmbra^mq. tenebant;
 Cum subito in somnis visu mirabile monstrum,
 Et noua se rerum facies tulit obuia menti:
 Clara vaga primum late loca luce refulgent;
 Tum disiecta sinu scopulos, immaneq. Tellus
 Fundere visa iugum, quod se se attolleret ingens
 Ætheream procul in sedem, bifidumq. cacumen
 Promeret, astra iugis torquet quā magnus olympus.
 Ardua qua cliuo spatia incubuere supino,
 Saxaq., præruptaq. errant sine lege viarum
 Ambages; aut in se se redit vsque recurrens
 In spiras iter, aut callem premit inuia cautes:
 Spes datur vna Iugi, dederit quam meta laboris.
 In summo heroum species, formæq. Dearum
 Errabant nemore in magno: cui plurima circum
 Arbor inumbrabat saltus, interq; nitentes
 Æquora pingebant radij Telluris amœne.
 Flore renidet humus, modulis super obstrepat omnis
 Lucus, & vmbra^rum fingunt simulacra volucres.
 Ast vbi conualles inter, sacrosq; recessus
 Pandunt se spatia, & desidit in ima vorago,
 Ipsi se è terræ specubus (mirabile dictu)
 Ardua^mq. immanisq. ferebat in astra Columna.
 Non illam Boreas, non implacabilis vndis
 Eruerit torrens, non duro exscindere ferro
 Mortales valeant, non fato euertere Diui.
 Hoc Vulcanus opus, Cyclo^pum in sede reposta
 Dona Deum regi solido compegerat ære.
 Hic Smaragdos, hic Chrysolithos, nitidasq. pyropos
 Et varijs intexuerat discrimina gemmis.
 Præterea crebra celarat imagine molem

Con-

Conscia mens fati rerum, fortisq. futuræ.
 (Nota Ioui facies, animis miracula nostris)
 Plurima bella mari pugnata, & plurima terris
 Cernere erat, versas acies, partosq. triumphos.
 Hanc circum ignipotens immensum fecerat æquor,
 Mobileq. in duris pelagus, vaga brachia pandens
 Vnda ruebat, & vnda sequens super atra furebat
 In ripam, at vastos frangebant littora fluctus.
 Stabant armatæ diuersa parte carinæ
 Oceano in medio: Subtus mare feruere remis,
 Iamq. propinquare, & proris obuerrere proras.
 Iam gladios iras moliri, & stringere ferrum:
 Obnixa in se se stare, atq; hæere viro vir:
 Ære dari gemitus, animos spirare metalla,
 Fingere picta sonos, simulati mortua viuis
 Cyclosum ingenijs, & docta numinis arte
 Vibrabant alij præfixas ære sagittas,
 Pictaq. Lucinæ torquebant arma figuræ.
 Tum brevis exiguum vagina recluserat ensen
 Lethifero fuscum Chalybe, & mucrone reducto
 Circum errare comas se se impredientibus orbes
 Orbibus, & textus per crebra volumina nodus
 Deinde sintus aperire, & per media arma sine armis
 Corpora proripere, ac cæta spem quærere morte.
 Ollis insignes auro, & conchylide gutta
 Arma trabes ibant circum, flammæq; vomebant.
 Rarior his acies, sed spem nisi fallit imago,
 Dux melior, seu campus ager, seu prælia pontus,
 Marte feri ruere, & ferro dare corpora diti.
 Ire mari sanies, & plurima mortis imago.
 Desuper omnipotens artusq;, trabemq. nitentem
 Nube tegens belli casus, & fata regebat.

Inde fatifcebat puppesq. obuenterat ingens
 Classis, & eoas cita præcipitabat in oras.
 Fracta repens armis, & leuo numine Dium
 Terga alij premere, & fugientum in cessere turmas:
 Sternere vela mari, demittere corpora letho:
 Transtra volare vado, exhaustæ desidere puppes,
 Arma metu reici, fugiendo accersere lethum.
 Haud procul in summo præcellsam mœnibus Urbem
 Urbem mille foris, & portis mille patentem,
 Lemnius extuderat Pater, ac decorauerat auro.
 Hanc pius intrabat victor, lætusq. subibat
 Fronde comam cingens, curtu sublimis, & armis
 Illum omnis matrum, portisq. refusa virum vis
 Accipiebat ouans, & læta voce vocabat.
 Protinus ingruere, & se se agglomerare sine vlllo
 Ordine, deuicti populi, ferroq; sonantes
 Auroræ spolia, & prostrati Memnonis arma.
 Vt vero vna omnes aderant, arcemq. tenebant;
 Hic Sacra Senior redimitus tempora mitra
 Si non augurium decus oris, & insula fallunt,
 Auspiciumpugnæ magnum, & pars magna triumphi
 Patris in amplexus victorem, vlnisq. petebat.
 Ille verebatur, terræq; impresserat ora
 Relligione sacri vatis, pectusq. recuruans
 Optabat summas pronus contingere plantas.
 Has, aliasq. Deus celarat in ordine sortes,
 Fata Deum memorans, & magni Iussa Tonantis,
 Summa sed in vastum qua machina desinit æquor,
 Hic Pater ignipotens varias erexerat artes.
 Hic Brontū, Steropumq. manus, propriosq. labores,
 Aut Dium monumenta, aut effigies Heroum.
 Tymbræus medium se se attollebat Apollo

Ante alios vnus longe pulcherrimus omnes .
 Olli palla pedes se demittebat ad imos
 Ostro, auroq. nitens, baccisq. rigens adamantis .
 Sed sua tela Deo decrant hyperionis arma
 Non humeris arcus, non vlla pharetra sonabat :
 Pacem habitus, pacem species, pacem ora ferebant:
 Nec, nisi Cæsaries latos errasset in armos
 Sponte refusa sua, liquidaq. volubilis aura ;
 Ni mentum imberbis, gena ni sine crine niteret ;
 Nosse datum clarij vultus, vestemue fuisset .
 At non illa leuem spondebat forma Iuuentam
 Oris honos annos, maiestatemq. ferebat .
 Delphica præterea cingebat tempora laurus,
 Districtis auro folijs, & diuite gemma .
 Hanc circû fremere, & sonitû ingeminare perauras
 Hinc atq; hinc glomerata volucris agmina pennis
 His lita rore cutis, croceoque volumina gyro :
 His, & apum facies, & non imitabilis ordo
 Imperij augurium, sacrique insignia Regni
 Intulerat se se socium dextramq; tenebat
 Ipsa sub ora Dei Iuuenis . Quàm multa patebat
 Digna Deo species, & formosissimus heros .
 Qualis vbi phrygiæ arces, & mœnia Troiæ
 Alta petens Nireu te graia per arma tulisti
 Deteriori Diuis, hominum pulcherrime Nireu
 Te mare, te Tellus, te deperiere fluentia,
 Et Simois, & Xantus ad Ilion : ipse pelagum
 Nireæ Tros arsit, Nireo color arma fuere :
 Talem se immanis Iuuenis cultumq. coloremq.
 Extulerat, Deus ipse suam superauerat artem :
 Tantus honos formæ, at maior virtutis imago .
 Stridere deinde puer, volucrisq. recurrere penna .

Parnassum dixere homines Polyidmona Diui.
 Hic Sacer est Helicon, hic Bellerophontis aquarum
 Dulcis agit se nymp̃ha, & lene fluens Aganippe.
 Illa autem, ætheras quæ machina surgit ad auras,
 Non humana manus, Diui cui credita lemnos
 Hoc opus hic labor est, Deus hac Deus extitit arte:
 Ast operis quæ causa fuit, quæ causa laborum
 Expedio. Stringit laius qua littora Tybris,
 Et se Roma suo pandit super ardua Mundo
 Roma De um doinus, & musarum maxima cura;
 Illic Rex hominum triplici dans iura corona,
 Proh Superi quantum ille Iouis fert instar; at æquent
 Non Heroes eum meritis, non carmine musæ,
 Non ipsi pierate Dij, qui Sydera torquent,
 Hæc effata stetit, pressoque exhorruit ore,
 Magnū aliquid voluens animo: tum deinde profatur
 Ille sua cretum de gente, & sanguine claro
 Virtute insignem iuuenem, formamq. decorum
 Connubio iunxit, longum spem prolis in ævum.
 Olli pacta tori consors, tædeq. iugalis
 Creta columnarum antiqua de stirpe puella,
 Quæ virtute viro respondet, & æquat amorem,
 His inde auspicijs, tantarumq. omine rerum
 Continuo fremere, & Cælum super omne sonare
 Letitiaq. chorisq. Deum, tremere omnis Olympus.
 Tempore non illo Nympham locus abdidit vllus,
 Non Dryadas lucus, non saltus Oreadas vllus:
 Non ipsas Habuit Nereidas Amphitrite.
 Omnibus omnis erat Nymphis domus, omnibus vna.
 Interea Sicula residens Vulcanus in Ætna,
 Quod modocumq. vides tractæ sub Sydera molis
 Dona Deum Regi Solido contextuit arc.

Coniugij talis monumentum, & pignus amoris:
 Ast ea deinde Deus formosis munera musis
 Transmisit, læta viderunt dona Camænæ
 Vltro nos, vltro Vulcanus, Iupiter vltro
 Ex illo æternum stat ferrea turris ad axem,
 Inter & Aonias mediâ firmavimus arces:
 Illa insigne manet gentis, lateq. triumphis
 Alta micat pictis, maiorumq. admonet arma.
 Ast illa è medio quæ vertice surgit imago,
 Ore Heroa ferens, & maiestate tonantem,
 Ille Urbane tibi ante alios charissimus omnes.
 Hic Deus hic nobis à te venit alter Apollo:
 Hoc insigne tui posuit Deus, osque, habitumq.
 Huic Vatis dedit, & solemnibus exuit armis.
 Hunc circum glomerantur apes, insignia nota,
 Sacraq. tymbreæ cinxerunt tempora lauri.
 Protinus hinc atque hinc par sese tollit amantum,
 Cura tibi Venus, invidia sed proxima cura:
 Nympha Dei lauvam, dextram tenet arduus heros,
 Mutuus æquat honos, & forma reciprocatur ignes.
 Ipsa ante ora Dei stat Tritogeneia Pallas
 Æqua viro pariter Pallas, pariterq. puella
 Hanc viden, vt thalamū pperans Dea præsat amâtes
 Hand curam hanc, aut hunc virgo aspernata laborē,
 Tantus amor meriti Diuis, & cultus honesti:
 Illa deinde, retro quæ forma immanior exit,
 Ipse Deum bellis qui dat fera iura cruentis,
 Qui vada cæde virum spargit, qui proluic omnem
 Sanguine humū; at (neq; vos diuū Dij temnite vota
 Vota, piasq. preces) aut te, aut tua regna beata,
 Nulla annorum Urbane retro ventura vetustas,
 Nulla dies vnquam voluendaue nesciat hora

Tu Martem horrificum fulgentibus exuis armis,
 Tu clypeumque, lubasque procul, cristasq. minantes
 Sternis humi passim, galeasq. reuellis inanes.
 Heu quas ille virum strages, quam sæua dedisset
 Funera, fata malis tua ni propiora fuissent,
 Ni tua te tantum miseris fortuna tulisset.
 Hoc tuus ille labor (Pater) hoc noctesque, diesque
 Traxisti infomnes, animumq. per ægra tulisti.
 Sed tandem assiduo nimium indulgere labori
 Quid iuuat, aut nullum curis imponere morem?
 Parce tibi, tu Sancte, malis spem quærere parce,
 Et tibi te, & fessis serua tua numina rebus.
 Tuque adeo, quem tot iamdudum voluere casus,
 Tot rerum tentare vias, tot adire labores
 Flumina per, tractusq. maris, perque inuia saxa
 Hespera seu cum te tellus, seu clara triumphis
 Gallia te venientem vnjs optaret apertis,
 Vidimus; at magni meliora docentis ab ore
 Penderent Reges, simul atra resideret ira:
 Tu quoq; tu Martem durum, Venerande Sacerdos,
 Hesperij cum iam late concurrere in arma
 Ingruerent populi, bellumq. Europa cieret,
 Multa reluctantem premis, & pauidum exuis armis.
 Nec tantum Imperijs actus Iunonis iniquæ
 Amphytrioniades toto decus orbe redemit,
 Victor ab Augeæ Stabulo, aut Erymanthide ceruas
 Nec se memnonijs tantum tulit asper ab oris,
 Vicerit auroram liber licet, Oceanumque,
 Et rerum metas, & terrarum vltima claustra;
 Gloria quam magnum tua te sublimis agebat
 Irarum spolia, & populis meliora ferentem
 Rebus opem fessis, ipsa spem è morte trahentem.

O decus, ò heliconis honos, & gloria Romæ.
 At tibi Dij meritas, tali pro munere, grates,
 Quæ fors cumque pios manet, ac respectus honesti,
 Quisquis honos recto, patriaue refertur amori,
 Persoluant, & nulla tui sint inscia sæcla.
 Hoc illud, quod monstra vides procumbere passim
 Trunca solo: ah nimium musis inimica propago
 Tisiphoneque, pavorque, & inexorabile lethum.
 Ergo quam longum per sæcula se trahet ævum,
 Quam Romana diu Sedes dominabitur Orbi,
 Coniugij tanti monumentum, & gratia phœbo:
 Hoc opus Aoniæ disjunctæ culmina rupis.
 Hæc effata leues auras subijt, omnis & vna
 Artibus exiliijt sopor, ac se immiscuit umbris.
 Tum mihi se partes dubia inclinabat in ambas
 Augurio mens læta; novis sed territa monstris.
 Quod super est ò cœlicolæ, qui numine fata
 Ducitis, imperioque datis discrimina rebus
 Perficite augurium, tangunt bonâ si qua beatos,
 Auspicioq. iuvate pios: Vos vivite læti,
 Et decus Vrbano dignum servetis amantes.



IN IDEM.

EPIGRAMMA.



QUÆQUE domat Turcas, & quæ toto
imperat orbe,

Connubij iungit fœdus vtramque domum,

Ergo, VRBANE, rûa hæc firmabit Regna CO-
LVMNA,


Quæ lunata vagis agmina pressit aquis.

Non terræ Imperium, non fato obnoxia regna

Scilicet : Ipsa, Dij quæ posuere feret.

Quæq. valet Lunæ cursum frænare COLVMNA,

Cælorum in terris hæc modo regna feret .



Idem

Idem Græcè.

Η παρὲν ἐν θαλάμοισιν ἀεζιγόνουσι γάμοις
 ἱερὰ κατ' ἔργον δόμος, Τερπιδάμασι δόμος

Νῦν ἐκ παναθλίψασα, Σηνοφαῶν σίχος ἀνδρῶν
 σῆπτον ὑπὲρ ἀνέχει, Οὐρβανὲ σείο, κίων

ὃ κατὰς ἀλλοπερὶ σάλλον ἀμύσμιόροντε αἰετῶν,
 αὐτὸ δεμισομυθεῖς ὑβανίωνες ἔθλω

ὥς δε κίων δέρον ὅξω ἐροήσασα Σηήνης
 Οὐρανίαν ἀρχὴν ἐν χθονίοισι φέρει.



Idem Hæbraicè .

אשר שבה שכט לתקום

ורשמים לו צמים זרקים

שני בחתונה אחרו גדילים

גם הוא צמור שלי מקתר

צמות רזכות גאיות נור

מציב מחקים מלך דברים

דלא מארע שבטן זהיר

ולא רורה לו שמש נאיר


אלא הוסן דכטמר ירח

הוא רשמים שכט מנח



BENEDICTI MILANI

CARMEN.



C Inctus amaracino iuuenilia tempora flore
 Compede legitima geminos sociarat amantes
 Castus Hymen, castos velabant flāmea vultus:
 Alternæque faces, tædæque reciprocus ardor,
 Et thalamo sancita fides, nexusque iugales
 Spondebant celebres in posteritate Nepotēs.
 Iam BARBERINO regalis alumna decori
 Nupserat ANNA, duci, sociumque Heroa pudicis
 Heroïna iocis, licitoque afflabat amore.
 Cernere erat Latiam circumuolitare Columnam
 Gentiles (certum omen) apes, & ab arte magistra
 Nidorum latebras, & Dædala fingere tecta
 Mella datura fauis, prolis monumenta futuræ.

Publica cum trepidas cumularunt gaudia mentes
 Didita per Latium. saliant ad murmura famæ
 Pectora, successuque nouo, rebusque secundis
 Exultant alacres per compita festa Quirites.
 Lætitia gliscunt animi, perque ora, per omnes
 Erumpente notas. qualis cum viuïdus arctis
 Non bene conclusus compagibus æstuat ignis:

Impatiens & flamma moræ per mille retractat
Spiramenta vias, & dura repagula rumpens,
Ingenito victrix emergit ad æthera nifu.

Romulidum tali flagrant præcordia motu.

Nec se Roma capit, nec mitia promere differt

Ocia, quæ arrectis septena cacumina circum

Excepere iugis, probat ætas omnis, & ordo;

Lenior & solito lymphis Tyberinus amœnis,

Et Vaticanæ celebrant iactantius arces.

Ipse Quirinalis festiua fronde decorus

In primis exultat apex, ipse vbera terræ

Leniter acclius molles hilarare Hymenæos

Verficolorè iubet fœtu. viridaria flore

Halant aucta nouo, vernisque interlita gemmis

Hybla tuos, & Hymette, tuos vicere lepores.

Secreti rigua rorant aspergine fontes

Largius, & Domini sensus, & læta videntur

Argumenta animi tenui sociare fufurro.

Quin etiam in magnæ specië, monumentaq. pöpæ

Et faciles Dryades, & cætera numina ruris

Sepositos inter saltus, nemorumq. recessus

Visa leuès agitare pedes; cum pura sereno

Axe, facès inter radiaret luna minores.

Non mixtæ satyris Nymphæ, non Gratia triplex

In thyasis fecere moras, dum suaue canentem

Ad numerum motis comitantur Pana choræis.

Fallor an huc etiam celeres Helicone relicto,

Protinus è patria migrarunt sede Camœnæ?

Vocales certe numeri, socialiaque antris

Exaudita canis, viuacis carmina famæ,

Phœbææque lyræ, cytharæque, fidesque canoræ,

Et calamilæuis canor, & Berecynthia buxo

Tibia

Tibia multiforo, & curuæ testudinis aura.
 Pars niueæ dicit decus admirabile Nuptæ,
 Et facili mixtos cum maiestate lepores.
 Flagrantes oculorum orbes, duo sidera, carmen
 Sunt alij, grauis oris honos, & viua genarum
 Purpura, frons casti sedes Augusta pudoris,
 Antiquumque genus, priscaque ab origine ductum
 Nomen auis, atausque potens. hanc viuida virtus
 Coniugis egregij tangit, viridique iuuentæ
 Flore decens, vernique mouet vigor integer æui,
 Claraque natiua splendens à laude propago.
 Par venit ambobus laudis tenor: alter Achilles.
 Militiæ studijs, animisque ingentibus audit.
 Altera præstanti memoranda Polixena forma.

Nec non ante alias Phœbo dilecta sorores
 Calliope, reliquis agitare silentia iussis,
 Dulce laceffit ebur digitis cum voce locutis,
 VRBANVMQ. canit, cuius sub numine flammæ
 Vespere nocturno gestas Hymenæe maritas,
 A primo laudum relegens cunabula fonte.
 Ingenij dotes versatilis, almaque mentis
 Pabula primæuis felicius hausta sub annis,
 Vt madido studijs, altricis & arte Mineræ
 Occurrens blanditur honos; vt digna reportat
 Gymnade Palladia perfusus præmia sudor.
 Vt commissa viro iuris tutela latini,
 Romuleumque forum, decreraque pectoris imo
 Ex adyto bibulam memorat vulgata per urbem.
 Vtque bonis opulenta suis se grandis in actum
 Vis animi dederit latas spaciata per oras,
 Et curas complexa graues. scit Felsina diues,
 Aemiliæque ducem tellus experta sagacem,

Et placidis olim moderatæ fascibus vrbes,
 In tutoque locata quies. tu viua supremi
 Vox Patris, interpres, sacri mens alma senatus
 Regia consultis affatibus appetis ora,
 Rem Latij traſtas. pugnax te Gallia summo
 Munere perfunctum merito dignatur honore.
 Roma tibi reduci, flauus tibi Tybris, & omnes
 Ordinibus iunctis aſſurrexere Quirites.
 Factorum inſignem cumulo te dia tyaræ
 Gloria tergemina, varijs tu laudibus illam
 Condecoras, quæ prima tuæ miracula famæ,
 Quæ poſtrema ſequar. ſanctis an legibus urbem
 Præſide te dudum Spectatam, & moribus aureis?
 Iura, magiſtratusque fori confinia recti,
 Iuſtitiaque pios non excedentia calles?
 An ſclerum labes, commiſſaque vindice pœna
 Et grauibus multata odijs, data præmia iuſtis,
 Religionis opes, aſſertaque ſacra per aras?
 Ocia quid referam, quid nomina pacis, & vſus?
 Quid ſera militiæ dubijs exercita rebus
 Munera? non æris ſtrepitus, clangorue tubarum,
 Bellica non ſonitu ſiluerunt cornua rauco.
 Et tua per varios audita tonitrua tractus,
 Stant operum ſublime minæ. ſtante arce Quirini
 Caſtrenſem in ſpeciem pendentes aere moles,
 Et caſtigato depreſſior area cliuo.
 Nec timet incurſus Tyberini ad fluminis vndas
 Machina pugnaces tuto circumdata vallo.
 Auspicijs exerta tuis vexilla per auras
 Applauſis luſere Notis, micuere phalanges,
 Sub tua iura nouos currit vaga lympha meatus.
 Ponunt templa ſitum, renouantur ſtrata viarum,
 Et

Et foetus annonæ suos exponit, & ægras
 Prodigæ diuitijs inuisit adorea terras.
 Scilicet hoc deerat votis, hæc digna tuorum
 Summa operum, vt certam claræ spem gentis in æuū
 Protraheres, caperetque grauis te cura Nepotum,
 Venturi memores, alij sua facta metallo
 Mollius excudunt, & viuo marmore ponunt.
 Tu solers, animis decorum monumenta tuorum
 Perpetuis mansura notis incidere gestis:
 Fœdera dum sancis, dum connubialia firmas
 Iura, Pater, stabilique foves firmata tenore,
 Viue diu felix, Pylijque excede senectam
 Nestoris. æternos iam nunc pro munere tanto
 Victurum te fama potens transcribit in actus,
 Fatorumque minis, & morsibus eximit atris.
 Dixerat, assensu reliquæ, tenuique sequuntur
 Murmure fatidicas, oracula præscia, voces.
 Plaudentum interea densata frequentibus vndis
 Fortunata domus, Romanæ & flore iuuentæ
 Splendida delicijs, & gaza diuite fulget.
 Pendent parietibus Babylonica texta superbis
 Auratis distincta vijs, nitidoque paratu
 Lumina spectantium pascit pretiosa supellex.
 Nec mora. nectareis sternuntur lintea mensis
 Vellera, regali portantur fercula pompa,
 Blandior & genius conuiuia lauta ministrat.
 Diuitis argenti, flauique operosa metalli
 Pocula Lenæos præbent potantibus imbres,
 Artifici cælata manu, fulgentia cælo
 Qualia Mentoreo spectantur, & arte Myronis,
 Aut cælo Polyclete tuo; vel qualia Regi
 Eurycion Phrygio geniales format in vsus

In medio celebri signorum emblemate, Crater
 Lumine gemmarum bacchatus; & asper in orbem
 Formosus pretio lapidum, formosior arte
 Conspicitur viuis illic calata figuris
 Consilia, & causas, aptisque exordia metis
 Consona, quæ stabili iungunt connubia nexu,
 Finxerat ingeniosa manus; triplicemque decenter
 Materiem ternis distinxerat argumentis.

Prima notant, celeri quo pacto moenia Virgo
 Partenopæa fuga, celebrem Sirenibus oram
 Deserit, ætutum iussis accita paternis,
 Æneadumque lares repetit, Romamque vocantem.
 Hinc maris effigies, leni tractabilis aura
 Ridet, & æquoreas late supereminet undas
 Parthenopæ præstans; Acheloias vna sororum:
 Dulce suæ desiderium declarat Alumna
 Fronte, oculis, vultu. retinere videtur tantum,
 Et veras lacrimas, veros effundere flens
 Virginis ora gerit, candenti, & pectore formam
 Virgineam, nigrisque oculis, flauoque capillo.
 Semiferam profert postremo corpore pristina
 Parte alia roseo spectanda CO LV MN I A S
 Urget iter, sortisque suæ, decorumque florum
 Nescia, se puram diffusis induit aer.
 In faciem, quacunque pedes, liquidissima cæli
 Undique tempestas diffuso lumine ridet.
 Aliger at circa properantem, cœtus Amorum
 Mille volat, reuolatque vias. grauis arcus utroque
 Ex humero pendet, languens agit ocia herans:
 Oblitosque facès, iaculatricesque sagittas
 E' Domina videas oculis haurire fauillas.
 Quin alacres inter mensas, & nectaris imbres

Vitigeni, squamis ardens lita corpora fuluis
 Plurima currit APIS, crebrisque operosa frequentat
 Munera vesca choris, dapibusque assistit, & haeret
 Extrudas licet vsque procul, tamen vsque recurrit
 Præpetibus pennis, certum portendere iures
 Augurium, euentumq; bonum, & famulare volentem
 Exercere ministerium, Nuptamque fateri.
 Altera secretis referunt communia septis
 Consilia, atque alta sensus sub mente repositos,
 Inde per Aeneadam numerosam prodita pubem.
 Apparet domus interior, luxuque nitescit
 Regifico, turbæ sedes veneranda togatæ;
 Conuentus vbi consultos mens prouida Patris,
 Orbis apex vasti, rerum suprema potestas
 Conuocat, & grandes expromit pectore curas.
 Concilium Augustum, Romani sacra Senatus
 Lumina, concordēs in publica commoda cætus.
 Sic veteres olim, Roma dominante, feruntur
 Consulere in medium Proceres super vrbe tuenda,
 Vel super imperio, latos cum extendere fines
 Regnandi ambitio parat ad Garamantas, & Indos,
 Victricesque aquilas longe, dominoque dracones
 Expedit, & Latias victus timet orbis habenas.
 Dispositis residere locis ex ordine Patres
 Fecerat artis opus, squallentia mollius auro
 Pressa nitent gravium subsellia mole virorum.
 Picti auro spirant Proceres, & ab ore supremi
 Aspectu, gestuque putes pendere Parentis.
 Ille interocetum medius, venerabile Numen
 Expectata diu felicia gaudia promit
 Grandis amicitie fœdus, prudentia iuxta
 Assidet, & taciti solers sapientia veri,

Inspirantque sonos, atque aurea dicta secundant.
 Quin & fama sagax tanti prænuncia sensus
 Peruigil excubijs adstant centum auribus haurit,
 Et celebres centum sermones oribus edit.
 Illam & vulgantem voces, & lata ferentem
 Excipiunt auida gentes; diffusaque claram
 Ora per Ausoniam, valido quacunque tridente
 Concutit undosum Neptunus vterque profundum.

Tertia solemnem monstrant ex ordine pompam
 Coniugis & nexus vtriusque, ligataque leni
 Corda iugo, grandi spectacula digna theatro.
 Artifici formata manu; sudata labore
 Albani nitet unda lacus; nec florida longe
 Spectantum recreant oculos Oenotria Tempe
 Hospitio grauium domus opportuna virorum
 Parte alia, de more, pijs operatus ad aras
 Sacra facit, Diuumque sacros instaurat honores
 Integer Antistes iuris moderator, & æquus
 Arbiter VRBANVS. gemmata tyara corusco
 Accendit splendore comas, nota frontis, & index
 Principis, ex humeris apte dependet amictus,
 Intertexta auro vestis, gestamina nota
 Nata ministerijs solemnibus, ars quoque magna
 Aemula naturæ morès expressit honestos
 Immensum aspectu radiat iubar, edita vultus
 Lucundo grauitas ridet sociata lepore
 Omnia Numen habet gestusque, oculique, manusque,
 Et faciles nutus, & plena decoribus ora
 Nec non & superis cumulat dum altaria donis
 Liba ferens, cælum manifesta luce recludi
 Desuper, æthereosque in gyrum assistere Cives
 Fecerat, ingenuo præ se stellata iuuentus,

Aligeri iuvenes demonstrant gaudia vultu,
 Triticeaque latens sub imagine Numen adorant,
 Aurea plectra manu, doctoque feritur ab ictu
 Barbitos, æterna feruent solemnia pube.

Quin etiam thalamos, media inter sacra, iugales,
 Almaque præsentī sancit connubia nutu,
 Auspicio iungens dextrās, & corda duorum.
 Ipse videbatur casto deperditus igne
 Flagrantes haurire faces, & pectore toto
 Consortem luuenis, totis ardere medullis.
 Grandē sui specimen, spem, florida laudis adultæ
 Indicat in viridi spectabilis indole virtus,
 Et vigor, & forti spirans è pectore Mauors.
 Fœtibus autumnum grauidis, animique feraci
 Vbere distentum primo sub vere vigentem
 Actatem haud dubijs credas promittere signis.

Inde maritales Virgo circumdata comptus
 Tota laborato depicta renidet in auro.
 Arguit ipsa suam, sed circumfusa pudore
 Lætitiā. frænāt collecta modestia sensum.
 Exprimit ad viuū nitidas industria dotes;
 Sic decor, & gratis stipata leporibus extat
 Anceps forma bonum, duplicataque gratia crescit
 Laude pudicitia, plenoque exuberat auctu.
 Nec pretio ingenium, sumptus nec vincitur arte.
 Illuc Memnonio vectas ex æquore gemmas
 Longius, & Lybicos peregrini litoris orbes
 Contulerat locuples opulentia. quicquid arenis
 Mittit ab auriferis limo pretiosus Idaspes,
 Et Tagus, & Ganges, & copia diuitis Hebri:
 Arbiter hæc cernens Albanæ lubricus undæ
 Ceruleum fundo caput extollebat ab imo.

Mentis inops, hilari præcordia læcius æstro,
 Hic glauca canos umbratus arundine crines.
 E' latebris niueas accibat Naiadas, illæ
 Patris ad accitum per regna nitentia blandis
 Ludentes choreis, velatæ frondibus ibant.
 Hac, illac cursus agitant, alacresque recurfus,
 Et labyrinthæis intexunt orbibus orbes.
 Ludis stagna nouis, totumque humente videres
 Feruere pube lacum, & campos gestire liquentes.
 Viua putes, viuo labor omnia format in actû.

Ingeminant lætos iucundo murmure plausus
 Ausonij Proceres, & in omnia festa nitentem
 Exercent clamore diem, perque atria passim,
 Perque domus placidus sonat interiora tumultus.
 Præcipue Amborum, grato quibus aduenit ortu
 Connubialis Hymen, iactantur ad æthera laudes.

Christe parens rerum, nutu qui sæcula voluis;
 Cui sociale iugum, cui pronuba vincula curæ,
 Qui dum vrbes simili succrescere prole caducas
 Præcipis, æterno firmas connubia nutu;
 Egregios serua luenes, serua inclyta Romæ
 Pignora, in imperij columenque, decusque latini,
 Italiæ res aucturos, claramque daturus
 Progeniem, quæ te, tuaque immortalia iura
 Afferat in præcos, vindex pietatis, honores.

Vos quoque concordēs animis præstātibus ambo
 Viuire, flos luenum nitidissime BARBERINE,
 ANNA Columniadum splendor, generosa Virago,
 Gloria Romulidum, primo feliciter ortu
 Nacta duces, paritura duces; vt vitis ab vlmo
 Fulta viret, plantasque eadem suffulta maritas
 Ornat, & alterius complexibus altera pendet:


Sic

Sic amet, & stricta teneatur vterque cathena,
 Nil maius sibi Nupta velit, quam Coniugis ora;
 Nil sibi Vir potius, quam mutua gaudia Nuptæ
 Munera naturæ, niuæ ver dulce iuuentæ,
 Præsidium formæ, flammis augete pudicis.

Auguror è tanto sæcundum cespite germen
 Surgere posteritas sero spectabit ab æuo
 Heroum serien, rediuiuaque facta Parentum,
 Vitales quicunque olim prodibit in auras
 Hauriet è patrio documenta domestica fonte.
 Munia seu pacis meditetur, & ocia tractet
 Mitis amans cultus, vestigia laudis auitæ
 Virtutum in lato deprendet plurima campo:
 Non illi trabæ, lituique, sacræque tyaræ
 Defuerint, stimulis irritamenta decoris;
 Seu saga laudabit, gentilia signa sequetur,
 Iactaque ad externas victricia fulmina gentes;
 Vt coniuratas olim Rhodopæiæ vires
 Regia formidet, victæque Borysthenis vndæ
 Persoluant liqudum Tyberi de morte tributum.
 Sic reor, ingenti iam Bistonis aula timore,
 Edonijque duces, & barbara pectora mussant.



34
CARMEN NVPTIALE
BONAVENTURÆ
RONDININI
ROMANI.



VNdarum Princeps ò formosissime Tybri,
Sacra Dionæa velatus tempora myrto,
Surge vadis, famulæ visurus gaudia Romæ.
Iam vaga sed tardi rota temporis attulit orbi
Expectata diu Latij connubia Regni.
En BARBERINO donabitur Alma VIRAGO
ANNA, COLUMNENSES iter formosa PVELLAS,
Non ne vides, quantus Romana per oppida plausus
Æstuet ! vt digitis blandè pulsata loquantur
Fila Lyræ ! altisonis vt cantibus intonet Æther !
Montibus & septem vocis responderet imago !

Ast ego decipior, qui connubialia sacro
Fœdera non credam Tybrim agnouisse sub alueo,
Nonit ; & afflatus liquida dulcedine, Regem
Iuit ad æquoreum prænuncius ipse, LATINO
Ederet vt THALAMO Pelagi quoq; Regia plausus.

Forte coronatis musco successerat antris
Tybris, & AVSONII facta immortalia PATRIS,
Et magnos tacita versabat mente triumphos.
Terrarum emeritas qualis tractaret habenas,
Et de Romuleo sanciret culmine leges :

Vt

Ut coniuratos in damna reciproca Reges ,
 Et consanguineas per prælia frangere gentes
 Iusserit æterno coniungere fœdere dextas :
 Ut templa antiquis iam collabentia saxis
 In noua mutarit mansuro limine , & Urbis
 Non defecturo nunc aggere muniat Arcem.
 Cum subitò plausus bibulas meditantis ad aures
 Venit , Auentina qua surgunt ardua rupis ,
 Et Capirolino vicina Palatia Cliuo ,
 Assurgit vitreo TYBRIS miratus ab antro ,
 Et ferrugineum summa caput extulit vnda ;
 Plaudentum qua lata virum vox impulit aures .
 Ecce pharetratum volucrū videt agmen Amorum ,
 (Circensis quæ Roma dabat spectacula palmæ)
 Ire triumphali summa ad Capitolia pompa .

Flammeus inuehitur medio inter millia currus ,
 Cuius Amyclææ fræno seruire Volucres
 Exultant , candore nives , & lilia longe
 Vincentes , celerique Aquilonia flabra volatu .
 Astat Amor medius , folio spectandus eburno ,
 Bellanti similis , castiget ahenea quamuis
 Cassis nulla comas , nec fulgeret ægide pectus
 Horrendum Chalybum squamis , non hasta trabalis
 Dextram oneret , laterique comes non excubet ensis .
 Olli forma ferox , sed blanda ferocia , vultum
 Nulla pererrabat nubes lanuginis , illum
 Ipsa videbatur sibi delegisse voluptas
 Pro sede , & viniis afflasse leporibus ora ,
 Fert gemino sydus confertum lumine , pennis
 Vestitur tergum bicoloribus , inscia vestis
 Corpora sunt , humeros crinale perambulat aurum ,
 Ludibrium Phœbo , placideque volantibus auris .

Cernitur auratis fœcunda pharetra sagittis
 Ante pedes, quarum dignatur vulnere magnos
 Confodisse Duces, in vilia corda sagittas
 Exercere suas odit: sed dextra Columnam
 Ferre videbatur, cuius sub vertice terna
 Spectabantur APES festiuas pandere pennas,
 Et BAKBERINÆ formare insignia GENTIS.

At pennata cohors, geminato examine currum
 Quæ præit, exultat vario indulgere labori.
 Pars animat calamos, doctoque loquacia plectro
 Barbita, pars lituos, digitisque volantibus errat
 Dulcisonæ per colla Chelys, pars aere summo
 Pensilis, ad numerum mouet obsequiosa choreas,
 Pars sic inuictæ Pæana laborat Amori,
 Quo percussa cauis respondet hubibus Echo.

Vicit io Bellator Amor, da ferta merenti
 Roma, subit Tarpeia suo dum limina curru.
 Aspice, vt Heroum fortunatissima proles,
 TADDÆVS casti prostratus Amoris ab ictu
 Languet, vt solidis religentur corda catenis.

Vicit io Bellator Amor, da ferta merenti
 Roma, subit Tarpeia suo dum limina curru.
 Romuleas inter formosior Heroínas
 ANNA ministravit speculam captiua, resedit.
 Qua iaculator Amor, dum tela potentia torsit:
 Nimirum frontis fuit hæc speculator Ocellus.

Vicit io Bellator Amor, da ferta merenti
 Roma, subit Tarpeia suo dum limina curru.
 ANNA dedit teneri glomerabile verticis aurum,
 Quo formauit Amor digitis sua vincla magistris,
 Et Iuueni hexa mansuro corda reuinxit.

Vicit io Bellator Amor, da ferta merenti

Roma, subit Tarpeia suo dum limina curru.
 O quantum in calida fornace liquefcit Amoris
 Cor. leuiores fuis incendia pascit in antris
 Aetna Gygantæis buftum non mobile membris.

Vicit io Bellator Amor, da ferta merenti

Roma, subit Tarpeia suo dum limina curru.
 Non illi pugnator equus, non lucida cura

Tela, nec ardentes clypei, galeæque coruscis
 Terribiles cristis. aliò mens omnis oberrat,
 Semper & ardefcit promiffa virgine pectus.

Vicit io Bellator Amor, da ferta merenti

Roma, subit Tarpeia suo dum limina curru.
 Non cordi nemora, aut turbas agitare volantum
 Infidijs, equitumque manus in bella ferarum

Ducere, non virides indagine cingere saltus,
 Aut canibus montes, aliò mens omnis oberrat.
 Semper & ardefcit promiffa virgine pectus.

Vicit io Bellator Amor, da ferta merenti

Roma, subit Tarpeia suo dum limina curru.
 Quem non fanguineo Mauors in puluere belli
 Vincere iam potuit, dum tela nocentia campos
 Cæde cruentabant Ligurum. dum Martius ardor
 Trifte videbatur bellum importare Latinis.
 En fincerus Amor sub fræna potentia mifit.

Vicit io Bellator Amor, da ferta merenti

Roma, subit Tarpeia suo dum limina curru.
 Ne pudeat vinci fortiffime Ductor Amore.
 Ipfe renafcentis domitor Tyrinthius Hydræ,
 Expertus noftri fit quanta potentia Regis,
 Fo rmauit digitis molliffima fila fupinis,
 Et volucris tortum verfauit turbine fufum.

Ne pudeat vinci fortiffime Ductor Amore.

Æacides Troiæ fatum, dum Scyria Virgo
 Vrebat flamma iuuenilia corda potenti,
 Aptauit niueo gemmata monilia collo,
 Et picturato vestigia Syrmate duxit.

Ne pudeat vinci fortissime Ductor Amore,
 Mollia dum pariter vincuntur corda Puellæ,
 Non minus Hæc casti succensa Cupidinis igne
 Liquitur, & cordis non occultare latebris
 Tanta potest venas incendia lapsa sub imas.

Ne pudeat vinci fortissime Ductor Amore,
 Mollia dum pariter vincuntur corda Puellæ.
 Tu vero ante alias ò felicissima Virgo
 Limen adi, famulas & amati coniugis ædes.
 Non illum seruire tibi dat purpura vultus,
 Non fusus per membra nitor, sed nobile frontis
 Imperium, sanctusque pudor, mens ardua cunctis
 Apta ministerijs regalibus, aurea magni
 Vis animi, ingeniumque ferax, & gratia linguæ.

O vna ante alias fortunatissima Virgo
 Limen adi, famulas & amati Coniugis ædes.
 Sordet Erythræi soboles pretiosa profundi
 Gemma, vbi arenosis ignota moratur in aruis.
 Non aliter Virgo, thalamo matura iugali,
 Sordet, vbi tectis degit seruata paternis.

O vna ante alias fortunatissima Virgo
 Limen adi, famulas & amati Coniugis ædes.
 Candida si sterili nascantur lilia campo,
 Nullius agricolæ studio nutrita, nec imbre,
 Protinus exangues demittunt arida vultus.

O vna ante alias fortunatissima Virgo
 Limen adi, famulas & amati Coniugis ædes.
 Sic Rosa vernantum Regina tenerrima florum,

Ni matutinis humectet roribus ostrum,
 Et gremio excipiat nascentes hospita soles,
 Cernitur in medijs pallescere languida rhamnais.

O vna ante alias fortunatissima Virgo
 Limen adi, famulas & amati Coniugis ædes.
 Iungere felici noua iungere nupta Marito:
 Nam coniurato tibi prodiga sydera cœtu
 Affore præmonstrant vestra de stirpe Nepotes,
 Insignes bello, nulli pietate secundos,
 Maiestatem graues, blanda feritate timendos:
 Qui veterum titulos, & grandia facta Parentum
 Vincentes, superis scribeant sua nomina fastis.

Iungere felici noua iungere nupta Marito.
 Ecce serenato properat Concordia vultu,
 Quæ permansuris constringet corda catenis,
 Arridensque suis afflabit amoribus ambos.

O alios inter fortunatissimus Heros,
 O alias inter fortunatissima Virgo.
 At tu parce Puer populo expectate Latino,
 Ne foetæ lædas obstantia viscera Matris:
 Sed tibi cum cæco genitrix natura recessu
 Formarit vultus, nostræ ad commercia lucis
 Exhibis: magno sit forma simillima Patri,
 Et referat multum casta de Matre decoris.

Vicit io Bellator Amor, da ferra merenti
 Roma, subit Tarpeia suo dum limina curru.
 Contemplatus erat tantæ spectacula pompæ
 Tybris, & attonitas admorat cantibus aures.
 Cum taciti vultu depromens gaudia cordis,
 Effudit tales hilari de pectore voces.

Agnosco plausus. Salue ò Regina dierum
 Fortunata dies, quæ gaudia tanta Latino,

Quamuis tarda, vehis populo, nunc aurea nobis
 Sæcla reflorescent meliori fusa metallo,
 Virtutumque chorus patrijs delapsus ab astris
 Gaudebit Latijs errare licentius oris.

At vos Heroes consortia candida vitæ
 Ducite, & optatos Romæ proferte Népotes,
 Queis dilecta pedem prætendat ad oscula sacrum
 V R B A N V S gemini iustissimus Arbiter orbis.
 Cernite iam studijs popularibus edita vobis
 Gaudia, conceptis displosa tonitrua flammis
 Accendunt zephyros, atque impete nimbila frangunt,
 Tympana dant sonitus, & cornibus æra recuruis
 Mista gemunt, passim discors Concórdia vocum
 Auditur, quæ septenis sub collibus Echo
 Excitat, & superæ certant terrestribus, oræ
 Plausibus, exultant flammantibus astra pyropis.
 Lætatur furata novos è Fratre nitores
 Cynthia, quæ totum plenissima circinat orbem
 Argento, varijs induta coloribus arcum
 Explicat, & pingit Thaumantis Filia nubes.
 Sol quoque dat plausus, quamuis crinalia condant
 Fulgura, nec campos rubicundus inauret apertos,
 Ille adiit Dium stellata rosaria, festos
 Non defecturo Thalamos ut flore coronet.
 En etiam vobis ancillatura tenorem
 Permutat Natura suum, non plumbeus Auster,
 Non Aquilo dominum versabit in aere currum:
 At blande aspirans genitabilis aura Fauoni
 Expellet medio turgentia nubila calo
 In pluuias resoluta leues, fœcunda marito
 Rore suum Tellus gremium ambitiosa recludet
 Vndique odorato vestitum syrmate veris.

Torus inexplata dulcedine fluctuat Orbis ,
 Stellatusque polus, dant nulla sed æquora plausus
 Argumenta sui, liquida fortasse sub aula
 Nondum exultantis penetrauit nuncia Romæ
 Fama, meis ibo. transgressus cursibus Euros
 Nuncius, vt nostræ sit fama pedissequa vocis .
 Dixit, & excussi per nubes ocyor alis
 Fulminis æquorei subit Augustale Tyranni.

Regia confurgit centum suffulta columnis ,
 Quas durum fingunt imitata corallia saxum :
 Cui castigatos conchilia plurima muros
 Componunt, teretisque auro formata coronæ
 Proiectura viret magnis intexta smaragdis :
 Argento postes, hyacinthina saxa recurſu
 Dædaleo exornant asarota micantia, vitro
 Assurgunt niueo lucentia tecta : Quirites
 Cærulei hac peragunt cœtus, tum forte Senatus :
 Tecta frequentabat, medius Regnator Aquarum
 Neptunus solio se se attollebat in alto .
 Alga coercebat crines, regale Tridentis
 Pondus dextra gerit, populatis India gazis
 Multo accendebat saturatam murice vestem .
 At circumfusus numerosa sedilia Patres
 Accipiunt, mediæ Tybris successerat aulæ ;
 Talia Cæruleo retulit cum verba Tyranno .

Rumpitè nunc tandem importuna silentia cantu ,
 Barbitaque impulso taciturna laceſsite plectro
 Aequorei Proceres, Parcarum stamine fusa
 Aurea Romanis venerunt sæcula regnis .
 Iam BARBERINI generosus sanguinis hæres
 THADDAEVS thalami socialia fræna recepit,
 Iuncta Duci magni Soboles Augusta COLVMNAE

ANNA redorditur Romæ tam fausta merenti
 Tempora, Regali Iuuenum par nobile forma,
 Par genere, atque animis, par pubescentibus annis.

Plura locuturum Ponti frænator amicis
 Aggreditur dictis. Cælo gratissime Tybri
 Exoptata refers nostris connubia regnis,
 Et dudum seros quæ sperauere per annos.
 Nos BARBERINAS tranquilla per æquora Pinus
 Duximus, externas victor cum scanderet Vrbes
 FRANCISCVS, Latij referens mandata Parentis,
 Veximus & magni naualia docta COLVMNÆ,
 Cum premeret Supetis Othomania vela secundis:
 Sic, cum magnanimo desponsa Virago Marito
 Ancillatricem Pelagi nunc sentiat Aulam.
 Ite mei Ciues, myrto viridante capillos
 Nestite, & appositis læti discumbite mensis.
 Neu pudeat citharæ trepidantia fila volucris
 Pollicis attactu percurrere, cymbala molli
 Sollicitare manu parili discrimina vocum
 Alternata sonent numero; sic prælia Pontus
 Indicat proprijs gratanti plausibus Orbi.
 Nec minus acceleret Nympharum exercitus omnis
 Pandere anhelantes tanta ad Connubia dextras;
 Muneribusque suis Thalamos cumulare pudicos.
 Sardois Cloto nutrita corallia faxis
 Quærat, odorato sub gurgite quicquid Hydaspes
 Abscondit, Galatea ferat, scrutetur Erythram
 Cymodoce, Spathale baccis exhauriat Indum.
 Ægypti quicquid fecundus Aquarius amne
 Nilus alit, quicquid Myrrha sudator Orontes
 Expuit, aut Ganges natio pallidus auro,
 Nesæe Spioque legant, sed candida Doris

Artifici depingat acu, ornatura iugalem
Velamenta thorum, viuas reddentia formas.

Hic primum augusto ter Maximus ore Sacerdos
VRBANVS, triplici vittatus sydere crines,
Vaticana petat templa impellentia nubes,
Pandat vbi afflictis lustralia sæcula terris,
Et totum è cælo virtutum deuocet agmen.
Occurrant gemino terrarum è cardine gentes,
Poscentes veteris diuina piacula culpæ.
Cui prope FRANCISCVS Romanæ spiritus Urbis
Inuectus celeri sedata per æquora puppi
Tendat Aquitanas cursum Legatus in Vrbes:
Inde Madritani subeat penetralia Regis,
Et teneram sacro excipiat de Fonte Puellam.
Circumstent gemini nectentes mutua Reges
Fœdera: pugnaces demittat Iberia turmas,
Et reuocet famulos pacata Lutetia ciues.
Submittat se se moderanti Romula Fratri
Sceptra Quirinali rutilans ANTONIVS ostro,
Quem iuxta Rhodius Miles fulgentibus armis
Septus inhumanis meditetur funera Mauris.
Hoc Duce succumbent olim voluentibus annis
Hellepontiacæ vexilla minantia Lunæ.
Hinc generosa suum miretur Nupta Maritum
Tela coruscantem, Martique immanè minantem
Quæ Phaetontææ sudant Electra sorores,
Tollit & aerias ingens Ferratiæ turres.
Hos circum lætis soboles numerosa choreis
Applaudat, liquidum ventura sub æthera, quorum
Non erraturo depromet nomina cantu
Proteus. Hinc placido CONSTANTIA rideat ore
Contemplata Nurus CAROLO cum Principe prole.
Si-

Signabunt aurata tuos subtegmina Nuptæ
Fortunæ Parens simili sub imagine vultus.

Quem circum se se natorum Regius ordo
Explicit. Huic animum placet informare per artes

Palladias; Illis bello infundere decorum,

Et formidatos sub fræna vocare Batauos.

Hos sed Roma sinu complexa tuetur amico.

Venantes pulchram per facta ingentia famam:

Hæc ait: assensu fregere silentia Patres,

Nimpharumq. chori, dominam qui forte sub aulam

Intulerant gressus, mandata capeffimus omnes

Conclamant, testoque pedem eduxere volantem,

Atque hilares iusso se se accinxere labori.

C A R M E N

FABII LEONIDAE.



S Pargebat lætis sub libræ sydere campis
Pomifer autumnus manantia nectare dona:

Lucebatq. dies magno stellantis olympi

Sacra duci, qui celsa animas in sede locandas

Suscipit, & iusta decernit præmia lance.

Cum pater omnipotens ipsum diuina tenentem

Limina compellat, placidisq. ita vocibus inquit.

Aspi-

Aspicias, ò regni custos fidissime nostri,
 Vt tibi mortales plaudant! vt carmine nomen
 Extollant, laudesq. tuas! vt supplice fundant
 Voce preces, & thure Arabò tua templa vaporent!
 Ante alias en Roma vrbes te publica honoris
 Inter signa colit, bellatoremq. salutat,
 Igne tonans grauidis Tyberina ex arce metallis.
 Quippe tuæ fidei, meritisq. ingentibus ista
 Debentur: nec abire meo incommitata relinquam
 Munere: namq. alte memori sub pectore seruo
 Denictosq. tua stygios virtute rebelles,
 Et scissi purgata armis contagia cæli.
 Ergo dilectis, age nunc, pete, si quid alumnis
 Exoptas: promitto libens. Sic fatur: at ille,
 Ora verecundo tinctus formosa rubore,
 Regis adorauit solium, quod lumine septum
 Vndique inaccessò radiat: dein talia reddit.

Sūme parens, qui cūcta bonus producis, & ornas,
 Terrarum, cæliq. potens, te gloria solum,
 Te plausus, hymniq. decent: & muneris hoc est,
 Rector magne, tui, quòd turba fidelis honore
 Me decorat. Tu namq. prius nil tale merentem
 Donasti æterno regno, patriaq. beata:
 Sydereosq. inter ciues fulgere, tuisque
 Alloquijs, vultuq. frui me posse dedisti.
 Et, si tartareum bello superare draconem.
 Eualui: si me ille cadens in tartara secum
 Non traxit, tanto cum miscuit astra tumultu;
 Me tua (quis dubitet?) virtus, tua dextera rexit.
 Nunc autem quid plura petam? Sed, quando iubenti
 Parendum est, dicam, dominoq. audebo profari.

Iam quater exactis Sol mensibus aureus orbem

Compleuit, primumq. parat concludere lustrum;
 Ex quo commissi curam suscepit ouilis
 Urbanus: Regesq. supra sedet arbiter Orbis,
 Cinctus honoratam triplici diademate frontem.
 Tu nosti, qui cuncta vides, qua mente, quibusque
 Artibus ingenuis, æque & sapientibus ille
 Imperet: hinc partes, & munia principis implens:
 Hinc patris officium. Non illum recta sequentem,
 Aut metus, aut dona inflectūt. Quæ suadet honestas,
 Quæ legum præcepta iubent veneranda, tuetur:
 Virtutes, pacemq. fouet neue impia possint
 Prælia sacrilegis fidei prosternere sedem
 Ausibus; adiecto Romam munimine fulcit.
 Vitam etiam sancta pro religione pacisci
 Promptus, & extremis caput obiectare periclis.
 Hunc ego (quando meis regni primordia duxit
 Auspicijs) multos placidum regnare per annos,
 Felicemq. velim; duro sed turbine rerum, &
 Fluctibus implicitus varijs hucusque laborat.
 Singula quid memorem? Vidit Furialibus armis
 Prælia sæuire italicos instructa per agros;
 Vidit: & impulsus stimulis pietatis acutis,
 Ire sacrum voluit per mille pericla Nepotem
 Egregij fratris generosum, & amabile germen
 Sedendas ad Regum iras. Nisi iungere fœdus
 Suassisset, sæuosq. animis deponere motus;
 Iam vultu squalens, luctuq; sepulta iaceret
 Italia; & forsan risus Roma hostibus esset.
 Da, genitor, meliora sequi: permitte quietos
 Perducat securâ greges ad pascua Pastor.
 Lætus: & humanas renuentem admittere curas
 Tandem conuertat mentem ad renouanda vetustæ

Fulcimenta domus, quæ flexa recumbit in vnum.
 Nā cur THADDÆVS, magnæ spes altera ROMÆ,
 Seruandæ quo cura meæ bene nititur arcis,
 Sancta maritalis differt in fœdera vitæ
 Ferre pedem, firma iuuenis iam ætate virescens:
 Gignere cum possit natos, qui laudis amore,
 Et virtute patri similes ad inhospita portent
 Littora adorandum crucis insuperabile signum?
 Promittit certe, sperare & grandia cogit,
 Quæ BARBERINÆ pietas est insita genti,
 Talibus orauit, pressioq. hic ore quieuit.

Olli subridens supernumq., hominumq. creator
 Vultu, quo terras hilari sub vere colorat,
 Vota (inquit) non cassa moues: turbata procellis
 Hactenus irarum fuerint, quæ tempora vixit
 Vrbanus, postquam sacra stat puppe magister.
 Creuere illius merita: & prudentia maior,
 Maior in aduersis rerum experientia fuit:
 Sed current alio quæ mos ventura tenore,
 Nunc decreta meæ non vlli cognita mentis
 Accipe, & in partem euentus prænosce futuros.
 Surgit, vbi pingui Campania rure superbit,
 Clara viris, opibusq. potens, armisq. timenda
 Vrbs, caput ingentis, domina, & pulcherrima regni,
 Quam rigat exigui Seberis, at nobilis vnda.
 Hic sacras inter digno seruata puellas
 Coniugio viuit, iam nubilis, Anna decentes
 Pulcra genas, multoq. animi candore nitescens.
 Non illi antiqua defunt ab origine ducta,
 Nobilium pace, & bello decora alta parentum,
 Qui terra, & pelago partis ex hoste trophæis
 Gentilem ornarunt æterna in secla COLUMNAM.
 THAD.

THADDÆVM hæc vinclo iam iam focianda iugali
 Sponsa manet : sacro sociabit & ipse volentes
 VRBANVS ritu: stabili sic Pectore mecum
 Constitui ante ortum rerum, & cunabula mundi.
 Nec mora : producent gratos connubia fructus,
 Progeniem studijs claram pietatis, & armis,
 Nec minus insignem doctrinæ laude futuram,
 Quæ leges servare meas, extendere honores
 Gaudeat, & cultum, quæ sol oriturq., caditque.
 Posse ANNAS Orbem partu ditare salubri;
 Tempora non vno exemplo docuere peracta.
 Cernet APES rectis VRBANVS crescere auitis,
 Et cupide omnigenos virtutum carpere flores:
 Gaudebitq; tuens. Faxo dein prospera cuncta
 Accedant, promissa meo quæ nomine quondam
 Servanti mea iussa viro; numenq. timenti,
 Regius expressit vates. vt gloria largis
 Addita diuitijs, generisq. potentia late
 Conspicua, & terras niteat diffusa per omnes.

Hic finem imposuit dictis: plausumq. dedere
 Cælicolæ: Regemq. summi flammantibus alis
 Obuelant primi procerum: fremituq. canoro
 Sanctum, iterum sanctum, ter sanctum nomine dicunt,
 Et cunctorum vnum dominumq., Deumq. fatentur.

Euolat extemplo stellata ab sede pudicus
 Missus amor, iuuenum qui corda accendat honestis
 Ignibus. Hunc rapidis findentem nubila pennis
 Alma Fides niueo gaudens comitatur amictu:
 Atq; animos dulci nodans Concordia vinclo:
 Et Pax insanis turbari nescia rixis;
 Et scintillanti ridentia Gaudia vultu
 Ipse autem Urbani tacito per pectora lapsa

Se Deus insinuat. nempe & connubia terris
 Expectata diu, cæloq. probata sequuntur. (NA:
 ANNÆ THADDÆVS THADDÆO iūgitur AN-
 Fæmineæ decus illa ingens, & gloria vestis:
 Nobilium flos hic iuuenum, Sydusq. coruscum.
 Hic dare legem armis; vrbes munire; citatim
 Flectere gnarus equum; cæliq. volubilis orbes,
 Astrorumq. vias animo percurrere: at illa
 Pingere acu telas, viuisq. animare figuris,
 Dulcisonos & docta modos formare canendo
 Æmula cælicolum, nūcis quos moribus æquat.

Nunc ò Romulei proceres, populusq. célèbrent
 Felices thalamos; & ad aurea sydera tollant:
 Nunc septem geminos ornatu diuite colles
 Vrbs, domini votis; vt par est, lata coronet.
 Seruiat autumnus pompæ, Floresq. ministret,
 Legibus inuensis anni: flauescat in aurum
 Tybris, & in falsas pretiosior influat vndas.
 Audiât vrbs florum, quæ gentis origine claret:
 Quæ Barberinas centum per lustra vigere
 Vidit apes, multo & coluit splendore decoras.
 Audiât, ac pariter lætanti carmine plaudat.
 At vos ite procul non sanis flatibus Austri
 Corporibus nocui: tristes abscedite luctus:
 Anxiaq. infestæ mordentes pectora curæ;
 Solliciti cessate metus: solumq. patecant,
 Dum festas agimus læto sub Principe lūces,
 Lætitiæ mentes; atq; auris dulcibus æter-

NIDVS ALCYONIS

IDYLLION

FRANCISCI ROGERII,



Altius extulerat se se gemmante cothurno;
 Extulerat Latij Hymenæus ab arcibus ignē
 Purpureū ingentem; qualis, cum nocte sananti
 Prolixa in seras traheretur pompa tenebras;
 Victrix Cæsareis præluxit flamma triumphis:
 Et nunc ecce tegit viridanti tēpora lūro
 Victor Hymen; tenui iam vilis amaracus
 Umbra:

Cæsar triumphas
 atq. dit. Cap-
 tolium ad lu-
 mina rorū go-
 larū claritu-
 dine eūā vl-
 tra vitæ occa-
 sū gloriæ, suæ
 triumphalem
 diem proroga-
 turus.

Magna placēt: letoq. ciens genialia vultu
 Sydera, Campani præspectat littoris orā,
 Quā Ver æternū venerans felicibus aruis
 Præterit illæsos Hyemis clemētia flores;
 Quāque fatigatas agitans iam tardior alas
 Gaudet odoratis Boreas illudere Cedris;
 Quis neget? hinc tædam desumpserat immortalē
 Festus Hymen, mox Idalio succenderat astro,
 Nil, nisi diuinum, cælesti vt fulgeat igni.

Certe aliqua exposci magna de stirpe virago
 Visa; nec alata levis est sententia Famæ; (LIPPE,
 ANNA COLVMNIADVM petitur, tua clara, PHI-
 Pro-

Progenies ; heros hanc BARBERINVS adoptat :
In thalamum ; magnosq. vltro despondet amores.

Turbata indoluit primò tam grande reposci
Depositum ; sed, vt alta suæ persensit alumnae
Gaudia Parthenope ; non dedignata parenti
Illicet excelsæ natam dimittere Romæ .

Quâ via, Campanas it nuntia Fama per vrbes,
It, Neptune, tui per cæulâ regna profundi .

Conuenere dææ, quascunque beatius æquor
Allicit, & mulcent ab amani littoris ora
Iucunda aurarum spirantes flamina semper
Pausylipi colles, atque inclytâ Mergilline .

Æquorei tubicen Iouis ad noua gaudia Triton
Aduocat : O quanto Neptunus virginis alta
Magnanimq. debet proauo ! quàm grande trophæum !
Dixit ; & ò quantum tu gens Neptunia debes !

Illi vel medijs in fluctibus Amphitrite,
Si bene apud memorem veteris stet gratia facti ;
Excisam scopulo, & spirantem Pallada signis
Rostratam ingenti fundarit mole COLVMNAM :

Illius innictæ præclaro munere dextræ
Regia barbarico vos sanguine purpura tinxit :
Instauratorem Romanæ laudis, & artis

Tum volui grato resonare per æquora cantu
Ionio in magno celsæ cum puppis ab arce

Vidi ego in aduersos iaculantem fulmina Thracas,
Dis classem inuisam toto dispergere ponto .

Sed grauis affurgens rupta modo compede Tethys
Non potuit nostris indicere iura choreis ,

Vindictis ac tanti laudes attollere calo .
Debita, Nereides, proauo præconia ; nepti

Reddite : quàm digna hæc proauici sanguinis heres !

In sacris eduſta adytis, ad Numinis aras
Excubat æterni cuſtos vbi flamma pudoris;
En quanto laudum cinctu ſtellata reſulget!

Aſſenſere deo nymphæ; plauſumque dedere.
Si velit ire mari, credatque COLVMNIA ventis;
Protinus officijs properantibus obuia pāndant
Agmina, tum puppim latè comitentur ouantes.)

At nunc, quod ſuper eſt, Laurenti accedere littus
Maturant: ventum eſt; rapido quā flumine Tybris
Exeſamque æuo, dilabentemque ruinis
In cineres, veterem deliſuat in æquora Romam;
Principis V R B A N I ni regia iuſſa tremiſcat,
Et ſacubus notam, formidatamque potenti
Eridano dextram; vicino clauſtra profundo,
Ac noua Thyrrænis meditantem: frænâ procellis.

Hic ſtatio Nymphis; tua lex, Neptune, coercet
Finibus è patrij cupidas excedere regni
Ni teneas; properent aduerſo flumine Romam:
Hinc vicina petant Albanis oppida muris,
Ac thalamum inuiſant alacres, & carmina dicant;
Lux ea connubio nam Sacra, thorumque parabat,
Sanctius & placitas æterna in fœdera leges.

Quid procul hic faciant? animis præſentia fingunt
Gaudia Nereides: vt circum forte volabat
Alcyone expoſcens nidis ab Doride pacem;
Alite in eximia thalamosq. thorūq. iugale,
Virginis & mores credūt, animūq. tueri:
Protinus Alcyonen lætanti voce ſalutant:
Et maria, & ſyluę reſonāt, & littora circum
Alcyonen: Latias nec tātū audita p. vrbes:
Apēnini Aquilæ quā vel iuga celfa niualis,
Quā ſūmas retinēt Alpes, infraq. tonantē

Despectant æthram, gravidas & fulmine nubes

Securæ Iouis, & nidos posuere superbos;

Illò etiã Alcyonen Zephyri vexere secūdi.

Nullas passa moras numeroſo gaudia
motu

Exiliunt: hilarẽ tẽpeſtas blanda procellam

Suscitat, & reſonis plauduntur pectora

lymphis,

Et deſpumanti caneſcunt cœrula fluctu.

In medio Triton ſic incipit: Ite ſuperbæ

Ite deæ pelagi, thalamosque thorumque iugalem

Concelebrate, thorum, quo BARBERINA propago

Pacis ad imperia, atque otii florentis ad artes

Prodeat, Alcyonis velut è nido noua pubes

Nymphæ, veſter amor, ac Tethyos alta voluptas,

Proſpiciens, tumido tranquilla ſilentia ponto

Imperat, Æolijs imponit iura procellis,

In cunis regina ſuis. Agite ite ſuperbæ,

Ite deæ pelagi: ſed tu mea buccina cantu

Nunc maiore ſona; thalamosque thorumque iugale

Non ego concelebrem, quo BARBERINA propago

Se ſe effundet, Equo ceu quondam è Palladis altæ

Heroum numeroſa cohors in Dardana venit

Mœnia, & Iliacas victrix aſcendit ad arces?

Sed mox venturos illuſtrent bella nepotes,

Bella ſuper Rhodope, vel depugnanda ſub Hæmo,

Ingens Threicij quâ formidata Tyranni

Porta tonat bellis, & ſœta minantibus armis.

Nunc thalamo Pax alma veni: nunc virginis altæ

Stellataſque comas Apibus, nardoque fluentes

Mitiſq; oliuiferę diſcriminet haſta Mineruę.

Pax ades, Alcyonũ quæ pronuba iungis

amores,

d 3

Nos

In nidis Aquila-
larũ lapis Æ-
tites, qui mu-
lieribus, cate-
risq; animãti-
bus grauidis
ſalutaris. Plin.
lib. 36, c. 21.

Olim Romæ in
vrbe ſemper
Marit' pacis

Nos canimus; siccis at radēs equora pēnis
 Alcione vocat ecce Thetis ad nota quot-
 annis
 Fœdera, & ambiguas explorat cauta pro-
 cellas,
 Suspectamq. fidem pelagi; ni saga latēti

ciente, ve erit
 in Nuptijs bel-
 lice cogitatio-
 nes regnaret,
 nouarū Nup-
 earū crines ha-
 sta, hoc est,
 Mart' scep pro
 discriminati.

Natura alloquio caram solata volucrem,
 Se se interponat, seseque oppigneret. vltro
 Officiosa vadem; tunc nidū exorsa tenaci
 Materie, vacuū tandem solidabit in orbē;
 Ore perangusto quē mox ingressa, fouebit

De nido Al-
 cyonis. Eli. 10
 lin. nar. c. 33.

Spem generis: dederit pullos vbi septima lampas;
 Cum Thetide altrices curas partita, vicesque,
 Dædala committeret gerulo cunabula ponto.
 Numinis imperia ò miras edocta per artes
 Natura! ò magnæ sibi conscia semina mentis
 Rebus in exiguis, totoque micantia Mundo!

Hac, maris ò Fortuna, pila te ludere namquis
 Ille vetat? Deus ille, Deus maria excita ab imo
 Vertentem, & duros iactantem turbine nautas,
 Veliuolasque vrbes, illa artis grandia monstra,
 Pineæ caruleis volitantia moenia campis;
 Iussit ab exiguis furias auertere nidis.

Pax ades, Alcyonū quæ Pronuba iungis amores;
 Æquoreas nidis quæ parturientibus vndas
 Sternis, & in media tibi Ver facis inclyta Bruma:
 Te sine nec Genius thalamis, nec Gratia præsit:
 Scilicet horrendis nil infœcundius armis;
 Quod pax alma parit, Bellum vorare atraque Martis
 Ingluuiēs patet immenso crudelis hiatu;
 Deuorat & populos, & magnas deuorat Vrbes;
 Quin etiam se se perimat simul ipsa, cadatque,

Dum sibi materiem, velut ardor subtrahit ignis;
 Ni Belli soboles pariat Victoria Pacem;
 Rursus ut in gyrum mortalia cuncta recurrant,
 Et vice perpetua Fortuna volubilis erret.
 Pax ades, Alcyonum quæ Pronuba iungis amores:
 Huc ades Alcyone thalami felicitis imago.

Vester in Alcyonis Nido thalamusque thorosque
 Apparet, Iuvenes; Italis ubi reddita terris
 Pax, & bellorum tempestas atra recessit;
 Tum cōnubia læta, hilares tunc demum Hymenæos,
 Dulciaque æterno sancitis fœdera nodo;
 Adspicimus; dextræque fides en mutua dextram
 Iungit: & amplexu gaudes iam coniugis heros;
 Oscula ut afflarunt, niuei flos ille pudoris
 Irrubuit vultu, demisit lumina virgo,
 O decor! in Sponsum timidè mox sustulit audax:
 Et noua virgineo trepidarunt gaudia corde.
 Talis Apum regi arguto libata susurro,
 Semiadaperta linum, tenui rosa lucida rōre,
 Casta verecundis occurrit amoribus illex.
 Tolle animos, noua nupta; tibi mea buccina cantum
 Vibrat: Apum quid tela paues? insigne paternum
 Adspice Phidiaco vernantem flore COLVMNAM:
 Quæ flores admittit, Apes ne infesta repellat?

Vos agite ad modulos choreâ deducite Nymphæ:
 Felici thalamo dignum simul edite carmen.

ANNA, licet trepides; decet hoc in virgine. Sed tu
 Virgine conspecta quid pròtinus expelleis
 Heros magne? cinis latitantes arguit ignes:
 Te ne suo Charites afflarunt fulmine? te ne
 Spina ferit, roseo dum te Venus alma flagello
 Verberat, edomitumque iugo submittit Amoris?

Qualis in occurſu primo tibi viſa refulſit
 Fortunate heros? Alcidaꝝ an qualis, & Hebe,
 Cum dedit æternam coniux æterna iuuentam?
 Hæc mortalis erit; ſed non minus auſpice Phæbo
 BARBERINVM altæ genus æternauerit Vrbi,
 Maiorum & ſimiles progignet caſta nepotes,
 Quos inter meritis quis maximus ille coruſcat
 Ceu Sol, cum ſummo conſiſtens vertice Olympi
 Taprobane in tota nullas iam liquerit vmbras?

VRBANO primos debet mea buccina cantus;
 At vos ad modulos choream deducite Nymphæ,
 Principe tam excelſo dignum ſimul edite carmen.

Sed quid ego adſpicio? Syrenû turba propinquat:
 An de Circeæ veſtigia veſtra ſecuta eſt
 Illa mari? an veſtris irrepit blanda choreis
 Dulcibus illecebris, dulceque armata veneno?
 Odit adulantes virtutum funera Nymphas (ſant;
 VRBANVS; procul hinc, procul impia mōſtra faceſ-
 Sola, triumphali quæ ſtat ſubnixæ. COLVMNA,
 Nullius rea naufragij, pulcherrima Syren
 Gloria, ſed verax ſimul, & blandiſſima cantu
 Adſit, & auguſtum ferat hinc ad ſydera nomen.

VRBANO primos debet mea buccina cantus:
 At vos ad modulos choream deducite Nymphæ,
 Principe tam excelſo dignum ſimul edite cårmen.

Magne Pater, genuit quẽ fortis Ethruria Romæ,
 Conſilijs grauida æternis quem fata Tonantis
 Terrarum peperere Orbi regemque deumque
 Mortalem, humanæ tibi non labor extudit artis
 Fulgorem auguſti capitis, Cydarimque coruſcis
 Inſignem gemmis, in quas mirabile viſu. Sæmus Sacer-
 Quantû de ppria trãſfundât ſydera luce! dos geſtabat
 duodecim gẽ

VRBANO primos debet mea buc-
cina cantus:

mas in Ratio-
nali iudicij, in
quo Doctrina,
& Veritas: E-
xod. c. 28.

At vos modulos choream deducite
Nymphæ.

Principe tam excelso dignum simul edite carmen.

Alcyonen veluti; si puppim hyberna secantem
Æquora ter fausto circumdedit alta volatu;

Vectores læti augurio, nautæque salutant

Cærulea insignem pluma, & candore niuali

Purpureisque simul sparsam fulgoribus alas;

Sic, VRBANE, Seni Galilæo Cymba Tonantis.

Credita, quæ medijs portum sibi destinat astris,

It secura tuis circumfulgentibus altè

Consilijs, quamuis vndosa in mole labore.

Rerum humanarum, atque ingenti fluctuet æstu.

O salve Alcyone toto spectabilis ævo!

Quis te, quis Latiae tantum decus etxulit Vrbi?

VRBANO primos debet mea buccina cantus:

At vos ad modulos choream deducite Nymphæ;

Principe tam excelso dignum simul edite carmen.

Arne tibi æternum an Latio cum Tybride fœdus?

Nulla ferè vestris diuortia mentibus ex quo

Porfena Romanæ vidit miracula laudis

Coclitis occurfu hærentes in ponte phalanges,

Mutij & intrepidus vultus, dum ardentibus aris

Gloriæ, & immenso Patriæ trepidantis amoris

Sacrificat dextram. Tua nunc (Deus omnia versat

Alternans per sæcla vices.) miracula Tybris.

Adspicit, Arne pater; Quid non mirabile princeps

Exerit VRBANVS? solam non ille Tonanti

Inflamat dextram, sed victima pectore toto est.

VRBANO primos debet mea buccina cantus:

At

At vos ad modulos choream deducite Nymphæ,
 Principe tam excelso dignum simul addite carmen.

Cum diffusa tuis circum limosa fluentis
 Arnæ palus, Afroque duci, Maurisque cateruis
 Clausit iter; deprensa feræ Chartaginis arma
 Etruscis hæfere vadis, ac barbara Virtus
 Immensæ fremuit labyrintho capta lacunæ.

Eruiere ille oculū Mūdi dux perfidus Urbē
 Dū parat, ipse oculū nebulosi verberare cæli
 Perdit: Atlantæi tergo quamuis Elephanti
 Arduus Italiæ insultet, Latijq. feroces

Barritu pturbet equos, & fluminis instar
 Niliaci latis diffuderit agmina campis;
 Te minor, Arnæ, furit, passus tua vincu-
 la discit

Tybridis iratas quantus rotet impetus
 vndas.

At, modo syderea cū Sæctior Annus ab arce
 In populos effudit opes; ne splēdida tantis
 Muneribus diris populetur sæcula Pluto;
 En Pater VRBANVS pietate armatus, & alta
 Mente Salutares Stygijs prædonibus vndas
 Obiectans, ipsum ductorem excæcat Auerni.
 O Libani Cedris, par ò Victoria Palmis!

Dat primos, VRBANE, tibi mea buccina cantus;
 Arma Stygis superas, an non mortalia vincas?

Altior exsurgat te Principe vt Ælia moles
 Adspice; nunc verè titulos oblita sepulchri
 Arx erit: hostiles iam prouocet illa cateruas,
 Spargat vicinis inhumata cadauera campis;
 Iam, pluuias cum festa vomēt incendia flammæ,
 Dædalei nimium ne pompa superbiat ignis;

Quan-

Quantò plus illinc animis tua Gloria fundet
Lucis, & Herculeo radiabit clarior astro!

Dat primos, VRBANE, tibi mea buccina cantus:
Arma Stygis superas, an non mortalia vincas?

Martis ut insonuere tonitrua sæua, minæque
Irarum ingentes; Reginæ protinus Vrbi
Prospicis, ac patrijs assurgis in ardua curis
Consilia, Europe tanto quid turbida motu
Parturiat; quas regna nouo collisa tumultu
Bellorum in longas properent ardescere flammæ;
Quid ferat armorum cursus; Mauortia quò se
Nubila circumagant Alpino horrentia cælo
Stans in procinctu Virtus tua non sibi somnos
Permittit, nec tam sceptris innixa recumbit,
Quam sua sustentat prudenti robore sceptrâ
Excubat Italiæ in medio, Romamque vetusti
Admonet Imperij, fessasque attollere vires
Suadet, & Astrea validam sacrare senectam;

Dat primos, VRBANE, tibi mea buccina cantus:
Arma Stygis superas, an non mortalia vincas?

Impia cum gelidi ardescant in bella Triones
Consulis Italiæ quàm prouidus! & sibi Romæ
Forsan Hyperborei promittant astra Gigantes,
Effrænoque ruant opulenta ad mœnia cursu.
Ipsi nec possint infanti Martis habenas
Connixi retinere manu, quos atra procellis
æditio inuoluit castrorum, ac turbine cæcò
Circumagit Bellona duces. Cum se duce vulgus
Militat armatum; quos non Prudentia casus,
Fœcundam scelerum quam non expauerit Hydram?
Talis erat Cyclops, toruæ cum frontis adempto
Lumines, nequidquam puppes sequeretur Vlysses.

Per freta præcipiti cursu : premit altior vnda ;
 Altius Ætnæi consurgunt pectoris iræ .
 Dat primos, VRBANE, tibi mea buccina cantus :
 Plura quid his addam ? certè maiora supersunt ,
 Quæ levis ista tubæ non euulgauerit aura :
 Clausa sed augustæ seruant Sacraria mentis ;
 Innascens aurum claris tegit ima tenebris
 Terra ; comas nemorum cælo diffundit aperto :
 Maiores gemmæ latitant maiore profundo :
 Quàm vultu præfert , gremio sic plura recondit
 Natura : & quamuis errantia sidera vulgus
 Credat, quod dispersa apparent ordine nullo :
 Nil egit temere toto Sapientia cælo
 Callida quid garris hominum sollertia ? nunquam
 Admirabilior ? quàm cum mentita decorè
 Fortunæ faciem simulat Mens prouida casum
 Iam dedit VRBANO primos mea buccina catus ;
 Proxima pro meritis cui Gloria seruat honores ?
 Te, FRANCISCE, canā ; toties maria alta premētē
 Victoremque Hyemis , tempestatūque furentum
 Vidi ego , turbato viderunt æquore Nymphæ
 Imperturbatos generoso pectore sensus
 Gestantē : quid enim ? quamuis hinc vasta Charybdis,
 Hinc se Scylla canum latrantibus effera monstris
 Attollat ; magni incepti sibi conscia , Portus
 Ipsa sibi est medijs Virtus immota procellis .
 FRANCISCO notos debet mea buccina cantus :
 At vos ad modulōs chœream deducite Nymphæ ,
 Principe magnanimo dignum simul edite carmen .
 Magne triumphator pelagi , cui Purpura defert
 Se se iterum , vt victi spoliū memorabile ponti ;
 Vnde tibi tenero tam constans robur ab æuo ?

An vultum ipsa suum Virtus ostendit Honesti
 Splendore eximio radiantem, & dia rotantem
 Fulgura Luciferi viam superantia flammam?
 Mentis in arcano num te dignata recessu
 Sanctius affari Sapiencia? mentis ab arce
 In roseos fluit ecce tibi lux aurea vultus,
 Quam tua Roma colit, quam fortis Iberia Soli
 Præferat, occiduas cum se demergit in vndas:
 Lucida diuino tibi frons Oriente refulget.

Dat, FRANCISCE, tibi notos
 mea buccina cantus;

At vos ad modulos choream deducite
 Nymphæ,
 Principe magnanimo dignum simul edi-
 te carmen.

Ipsa tuæ pacem quàm Gallia frontis amauit,
 Gallia bellatrix, cui nil formosius ostro
 Largiten effusi per lactea membra cruoris;
 Aurea cæsaries cui ferro pressa comanti
 Horrificum adsimulat rutilanti luce Cometen;
 Illa suas quàm pæne tubas abfistere cantu
 Insserat, elatos requie damnauerat enses!
 Te suadente, viris cognata sequentibus arma
 Pax vultu meliore fuit; nec fata negarunt
 Quas tibi dilatas maturo tēpore reddunt
 Orbi paciferas æternæ frondis Oliuas.

Dat, FRANCISCE, tibi notos
 mea buccina cantus;
 At vos ad modulos choream deducite
 Nymphæ,

Principe magnanimo dignum simul edite carmen.

Sic Patruī decora, vt laudes æquaueris olim,

Cæ-

Martia Palæ-
 stra sine oleo.
 Certe oliua
 tarde crescit,
 & sero trans
 Alpes perue-
 nit. Plin. li. 15.
 cap. 1.

Cæsareæ veluti succrescens æmula Palma
 Augusti præfagus honos noua Palma de-
 coros

De Palma fu-
 turâ Augusti
 magnitudinē
 portendente
 Suet. in Vita,
 cap. 94.

Extulit in cælum ramos, nidoq. frequenti
 Excepit niueas victrici in fronde Colūbas.

Quem non magna tui teneat fiducia fati?

Nos fugiant licet astra, quibus regnantibus auras

Duxeris ætherias primum, satis inclyta frontis

Sydera nosse tuæ; micat his regale serenum,

Lætæque maiestas, exporrectusque benignæ.

Mentis amor; iustis hinc obuia Gratia votis

Progreditur, dubiâsque moras, tristemque relegat

Pectoris astuti noctem, cæcosque recessus.

Dat, FRANCISCE, tibi notos mea buccina can-

At vos ad modulos choream deducite Nymphæ.

Principe magnanimo dignum simul addite carmen.

Nostro sydereis è floribus addite sacrosad astra.

Nectar APES, cælo deducite mella sereno;

FRANCISCO similes agè da THADDÆE nepotes;

Et patri similes dederis; nam mira reuinxit

Vos animi, & morum concordia; non procul ambos

Qui se ope diuina sacrisque ANTONIVS armis

Extulit, insequitur, gressu Virtutis ouanti.

Viuite vos Romæ tria sydera, viuite calo

Dilecti fratres, veterum decora alta parentum:

Vobis per similes exoptat Roma nepotes.

At vos ad modulos choream deducite Nymphæ,

Felici thalamo dignum simul editæ carmen;

Dicite THADDÆVM primò, mox ANNA seque-

Deneget armorum ne Duci mea buccina cantus?

Præfuit Insubriæ, quæ se Phaetontius ammis,

Ceu velit antiquas & adhuc restinguere flammis;

Lata

Lata vomit super arua, & campos victor inundat.
 Illius altus amor, quamuis flagrantior Ætna
 Ipsis Eridani sit inexsuperabilis undis;
 Non reus incensi quendam damnabitur Orbis:
 Hoc vnum Phaetontis habet, quod Solis ab alto
 Ipse etiam curru venit, sed Sole tenente
 Rectū iter, & proprias rite emoderante quadrigas:
 O decus, o casti dignissima amoris origo!
 O amor, in thalamis cui peruigil aurea lampas
 Vrat purpureis redolentia balsama flammis.

Cui pleno radiet vultu latissima Phœbe,
 Sydera quæ spectent nullo suffusa rubore.
 Iam iam age da Nuptæ lætos mea
 buccina cantus: (Nymphæ,
 At vos ad modulos choream deducite,
 Virgine tam pulchra dignum simul edite carmen.

Plenilunium se-
 lux habuit. Nu-
 ptijs antiqui-
 tus. Euripides
 in Iphigenia
 in Aulide.

An tibi ab Eridano miserunt succina Nymphæ
 ANNA? suas lacrymas sic in tua gaudia vertant:

Purior electro crinis tuus, illud amœni
 Verticis ambrosios expirans germen odores:

Ah, caue ne ferro vires; seges aurea ferrum
 Respuat; effusis decorat qui crinibus Orbem,

Phœbus si capitis summum decus exuat alti;
 Ponat mæsta comas simul & Berecynthia mater:

Horrida congelient tenebrosi sæcula Mundi
 At vos ad modulos choream deducite Nymphæ,

Virgine tam clara dignum simul edite carmen.

ANNA COLUMNENSES intermicat Heroínas
 Ceu Phoenix inter volucres, & ceu Venus inter

Astra, Ioui socios ubi iunxit amabilis ignes,
 Fœcundos ignes, genialia lumina terris.

At vos ad modulos choream deducite Nymphæ,
 Vir-

Virgine tam excelsa dignum simul editè carmen .

ANNA alias tantum supereminet Heroínas ,
Herculeæ quanto sublimior illa Columnæ
Stat moles alijs ; nostrum quæ terminat Orbem ,
Quæ trans Oceanum secretum prospicit Orbem .

ANNA , tibi elato resonat mea buccina cantu :
Sic decet : en Vrbi , en toti spectabilis Orbi es .

Te Pompeiano domus , vt Romana
theatro

Theatru Pom
peij ibi ferè ,
vbi nūc Aedes
Barberinz .
Antiquarij .

Imposita in thalamos Dominam susce-
perit aureos ;

Gaudebit Fortuna loci , nam sanctior illic
Clarior & multo virtutum pompa tuarum
In totum radios latè diffuderit Orbem .

ANNA , tibi elato resonat mea buccina cantu :

Iam ; quæ vicinò regnavit libera campo ,
Si spectatricem proprijs te cernat in hortis ;

Cum duce sub Zephyro legio cultissima florum
Riserit in varios pulchrè distincta maniplos ;

Vultus , ANNA , tui melius vernantis honores
Mirata , excelsosque animi stellantis honores ;

Omnia iurabit Chloris per sydera nil se
Aut his , aut illis spectasse beatius vnquam .

ANNA , tibi latos geminat mea buccina cantus :
Flora ; quid intentos in me defigis ocellos ?

Dicet ; amor florum nil præter inania curat ,
Delitiasque breues ; fugitiuaque gaudia Veris ;

At vobis , animo qui semper in ardua tendit ,
O similes oculi , cum prospectare iuuabit ;

Nil præter patrium par est occurrere Cælum .
Flores , ANNA , tuos afflat mea buccina cantu ,

Euocat & fructus : sterilis quò gaudia forma
Flore

Flore infœcundo quid inanius? Adspice Veri
 Floridulo vt diues frugum successerit æstas;
 Adspice vti socio coniuncta superbiat Vlmo
 Vitis; vt asperius nectar Vindemia Soli
 Offerat, ille coquit radijs & mitigat æstu:
 Hinc vbi purpureo feruescēt dulcia fluû
 Gaudia, queis Annum felix Autumnus
 inundat;

Accumbens epulis generosi plena Lyxi
 Porrigi apollinea dices tibi pcula dextra;
 Tantū lucis inest, tātus viget ardor ī illis!
 Tu noua Nupta neges ab amœnæ flore
 inuentæ

Exigere & fructus? thalami quid gau-
 dia differs

Heroū sobolē, magnæ noua lumina Romæ,
 Et BARBERINÆ vernantia sydera gētis?
 Flores, ANNA, leues difflat mea
 buccina cantu:

Quid tantū sterili iuuat impēdisse decori?
 Sic Platano (vt memorant) laticem affu-
 dere Lyæum

Sæcula prisca, sibi cum luxu Roma placeret,
 Ignigena vt Baccho gelidas attolleret vmbas,
 Dilecto que nouas hilâret nectare frondes:
 At genus arboreum, pomis quodcumque creandis
 Vtile, contemptos, ah, fertilitatis honores
 Indoluit, sterilis dum prætumet ebria syluæ
 Gloria, & excluso sibi clara superbia Sole.

Euocat, ANNA, tuam sobolem
 mea buccina cantu:

Sic decet: Heroum natalibus insonet altè

Tritō iure te-
 metūsplēdidē
 laudat; vbi an-
 nō sunt vites,
 ibi nec Tubi-
 cines ex Ana-
 charsis sentē-
 tia apud Aris-
 t. Topicis. Hæc
 ob causam (vt
 opinor) tuo
 nostro in toto
 serē Oriēte a-
 pud nationes
 superstitiose
 abstemias, aut
 nullus Tubæ
 clangor, aut
 perobscurus,
 & semiuoca-
 lis.

Platani infuso
 mero enutri-
 tæ. Plin. nat.
 Hist. 12. cap. 1.

Olim in Nup-
 tijs Principū
 (nisi me cōie-
 ctura fallit)

Vox animosa tubę: placidas i luminis oras ^{Tubę cantus,}
 Illa vocet, quę mox in fortia bella ciebit. ^{& Classicum.}

Sed thalamo Pax alma venis: tecū ANNA refulget
 Ceu Phœnix inter volucres, maris inclyta Phœnix
 Alcyone, victris Hyemis cui flamma iugalis
 Suadet in aduentum Brumę componere nidos:
 Nec potis immensi maris hanc restinguere flammā
 Vnda: procul nostro cum se procul Orbe remouit
 Ille potens rerum Genius, fax aurea Mundi
 Sol; tunc illa calet sobolis fœcunda creatrix:
 Ipsa sibi Sol est, magni nil indiga Solis.

Euocat, ANNA, tuam sobolem mea buccina cātu:
 At Sponsum in thalamos geniali sydere fulgens
 Hesperus, elata veluti face Signifer arcis
 Arma ciet, ciet arma; leues in bella cohortes
 Exiliunt: cæci rabies furit aspera Martis.

Iam iam agè vibrato cane Classica buccina cantu;
 En præstans animi generosis ignibus Heros
 Æstuat, impatiensque morę sublimis anhelat
 Coniugis in vultus, inque altę lumina formę.
 Ille tuo quondam sic gloria nata Tridenti
 Neptune (heroem dispar ni signat imago)
 Latus odoratur bellum, Martique propinquo
 Proflat magnanimas tumidis è naribus iras,
 Hortantique tubę hinnitu responsat acuto,
 Vndantemque iubam quatiens, crebrisque procellā
 Gressibus agglomerans, pelagi turgentis imago
 It campo: spumis albescunt ora refusis,
 Frænæque: & instantem præsumit imagine pugnam,
 Et queritur certos nimium tardare triumphos.
 Iam iam agè vibrato cane Classica buccina cantu.

Sed thalamo Pax alma venis; tecum ne Columbę
 Aduo-

Aduolitant? bellum (video) geniale propinquat :
 Commodat hanc volucrem & rigido Ven-
 nus improba Marti :

*Colubæ inter-
 nuntia in bel-
 lo. Plin. 10. nar.
 Hist. cap. 37.*

Inter Romuleas Aquilas quondam ausa
 vagari

Ad magnos dimissa duces è turribus altis
 Per cælum instantis properauit nuntia belli,
 Nuntia Ciuilis quæ dignior esset amoris .

Felix vester amor, cui prætrepidantibus alis
 Nulla per aerios volat internuntia fluctus ;
 Præsentis manifesta fide sed gaudia constant ,
 Illo ab inexhausti manantia fonte decoris
 Gaudia , per quem animi translucent sydera, vultu .
 I procul, i pauidæ tu nuntia penna Columbæ .

Huc ades Alcyone thalami regalis imago ,
 Ver geris innatum quæ versicoloribus alis ;
 Paciferamue geris pennis gemmantibus Irim ;
 Te longe exsuperat sed sola COLVMNIA virgo,
 Miranti volitans portentum nobile Famæ .

Pax ades, Alcyonum quæ Pronuba iungis amores:
 Huc ades Alcyone quæ ponis in æquore nidos.

Ecce nouos thalamos aulae simillima ponto ,
 Sed placido , & nullis turbato fluctibus ornant ,
 Cæcula quæ texto densarunt vellere Seres ,
 Institaque adfutis decorant argentea limbis .

Felix ò thalamis iam parturientibus omen !

Nō Mundi pars vlla mari fecundior alto :
 Nō aliam in speciem, cum se natalibus vndis
 Extulit alma Venus , patrioque arrisit

*De Maris fecunditate Plin.
 lib. 9. cap. 2.*

Olympo ;

Viuida candenti spumarunt cæcula fluctu .

Viuite Nereidum vos gaudia , viuite cælo

Dilectæ volucres, thalami regalis imago,
 Viuite vos thalami iam parturientis imago.

Pax ades, Alcyonum quæ pronuba fungis amores
 At simul exultent genialis prædia Martis:

Tuq. agè vibrato Classica buccina cantu.

*Triton loquitur
 Salaciz filius.*

Aurati vêtum est ad fulcra iugalia lecti
 Citrea fulcra, recens quæ vertice ab Atlantæo

Palladia ad terram ceciderunt secta bipenni,

Vt tanti possint immensum pondus amoris

Ferre, graui nunquam senij tentanda veterno.

Hic Charitum deducta manu, deducta leporum

Passibus, accubuit cupido noua nupta marito:

Inter Apes recubans vbi connubialia mella

Libarit, dulces atque exsaturauerit iras;

Languidulos illi iunget placata sopores.

Vltèrius Nymphæ ne tendite; Sol vbi se se

Æthiopum ad mensam nostro subduxerit Orbi;

Qua satur Ambrosia, quo Nectaris ebrius haustu,

Vestigare nefas. Mea buccina desine cantus:

Vos quoque, Nereides, par est absistere ludo.

Vitreaque exactis decedere ad antra choreis:

Cernitis? Alcyone scopulos, & nota reuisit

Per freta præruptis imposta cubilia saxi.

Desine iam feros mea buccina desine cantus:

Certus inest rebus modus, & sua Gratia fini:

Ille etiam, impleuit fama qui nominis Orbem,


Alcides post exantlatos mille labores

Tandem intra positas clausit sua facta Columnas.

EPITHALAMIVM

FRANCISCI ROSSERMINI

PISANI.



TErris quæ noua gaudia,
 Quis plausus Latæ gentis, & insolens
 Vndique Populos nota per omnes
 Lætitiæ? En nitido Phœbus sublimis ab Axe,
 En Phœbi soror, agmina
 Stellarum, roseum vecta per Aethera,
 Splendidiora trahit;
 Proh quanta fruitur Tellus dulcedine, quamque
 Festiuis ouat, gestit & Orbis;
 Regnat vndique plausus,
 Plaudit vndique risus,
 Ridet vndique faustitas.

At quid iucundos Mundi portendere sensus
 Iniucunda meæ contendunt murmura vocis?
 Quid plausus numeris imparibus student
 Aequare innumeros, Musica quos melius
 Ore canoro memorat Syren?

Illæ, quæ pulchræ Pelago Sororis
 Emersa, & Patrias natans per undas
 Carmine fausto sectator iter,

Curfusque tuos voce secundat
 ANNA, dum Lares beatos
 Magnæ Parthenopæ relinquens
 Ad fortunatæ contendis moenia Romæ.

Illæ, quæ vasti, sibi grata, Ponti
 Regna, sororum, liquidasque domos,
 Et quicquid pulcri salis regnator in vndis,
 Gratique Neptunus fouet,
 Contempsit, magis ut culta superbiat
 Meliora nacta Regna,
 Soliumque celsius freto

In COLUMNENSI, Dominique fulgens
 Claro Stemmata Principis,
 Stemmata, quod Scepbris, sacrisque insigne Tiaris
 Nobilitas Clara notat immortale COLUMNA.

Gaudia melius, melius plausus
 Illa narrat, & recentis
 Noua signa faustitatis.
 Canit ecce: iam benignis,
 Arrectisque melos auribus excipite.
 Canit illa, non maligni
 Ut dulcedine cantus
 Sopiat gentes, miseroque tandem
 Perdat subdola funere;
 Non illa doli, non illa necis
 Canit Artifex nefandæ,
 Non illa falsos exanimat viros,
 Quæ docta moribus PHILIPPI,
 Magnorumque Parentum,
 Prodesse cunctis didicit, & vitam dare.

Audite quos è pectore
 Fundit dulciloquo modos.

Per-

Perge (dicit) ANNA, fœlix,
 Perge littus ad Latinum,
 Perge liminis Paterni
 Ad cupita tecta, perge.

Te veniente Roma plaudet,
 Prosperamque se putabit:

Te veniente se beatum

Dicet Populus Quirini,

Aureisque Tybris vndis

Gaudia parta publicabit.

Perge, nam Cælum roseo serenum

Lumine spondet iter,

Tibi mitiorque Iuno

Nube pulsa pellit imbres,

Te iussa Patris, votaue Fratrum,

Exoptant auida, petuntque mente:

Te Roma plaudens allicit,

Roma à te niniùm diù relictâ.

Ergo, fœlix, ANNA, perge,

Perge littus ad Latinum,

Perge liminis Paterni

Ad cupita tecta, perge.

Te veniente Roma plaudet,

Prosperamque se putabit:

Te veniente se beatum

Dicet Populus Quirini,

Aureisque Tybris vndis

Gaudia parta publicabit.

Perge ò Romulei Gloria Nominis,

Germen magnanimæ grande Propaginis,

Cura Musarum, Venerum venustas,

Pupilla doctæ Palladis,

Vna Charitum voluptas,
 Vnica niuei gemma Pudoris,
 Fax Amorum, splendor Orbis;
 Humanissima Virginum,
 Formosissima Coniugum,
 Excelsissima Principum
 ANNA, cui geminis coruscant
 Lumina syderibus,
 Cui coma rutilo fluctuat auro,
 Cui vernant malis Lilia mixta rosis:
 Cuius labra Corallina,
 Cuius lactea colla,
 Cuius candidulæ manus
 Spirant vndique Amores,
 Spirant vndique gratias;
 In cuius facie regnat amabilis
 Maiestas hilari iuncta modestiæ,
 In voce lepos, in fronte decus,
 In motu grauitas, in ore risus.
 Ergo fœlix, ANNA, perge;
 Perge litrus ad Latinum,
 Perge liminis Paterni
 Ad cupita tecta, perge.
 Te veniente Roma plaudet,
 Prosperamque se putabit:
 Te veniente se beatum
 Dicet populus Quirini,
 Aureisque Tybris vndis
 Gaudia parta publicabit.
 Perge, namque BARBERINÆ
 Te studia Gentis postulant
 ANNA, te Coniux tibi destinatus

Mente iamdudum cupida reposita
 Cupit in Patrijs visere Laribus,
 Cupit optatos cernere vultus:

Coniux è Proavis editus Inclutis
 Exemplar Iuenum nobile Principum,
 Amor suorum, spes Parentum,
 Gloria Romæ;

Coniux, quem nostræ emissum vix lucis in auras
 Excepit Charitum turba decentium,
 Quem lacte Virtutes suo
 Nutriuerunt tenellum,

Quem Pietas fouit, Religio docuit,
 Custodiuit Honestas:
 Cui Pallas doctis artibus ingenium,
 Cui generosa maiors

Armauit valido pectora robore.

Ergo felix, ANNA, perge,
 Perge littus ad Latinum,
 Perge liminis Paterni
 Ad cupita tecta, perge.

Te veniente Roma plaudet,
 Prosperamque se putabit:
 Te veniente se beatum
 Dicet Populus Quirini,
 Aureisque Tybris vndis
 Gaudia parta publicabit.

Vt benè fundatis moles innixa Columnis
 Confirmata suo pondere sistitur,
 Nec ruitura nutat,
 Agitue rimas, aut labat effero
 Ventorum quassata furore;
 ANNA, BARBERINA tandem

Sic

Sic Domus in te olim validè stabilita recumbet :

Domus Heroum generosa Parens
Magnis foeta Parentibus,
Magnis foeta Nepotibus,
Sed longè V R B A N O fortunatissima partu;
Domus vndè Iura Mundo,
Vndè Fasces, vndè Sceptra,
Infulæque, Purpuræque,
Vndè honores, vndè Magni
Manant decoro gurgite Principes;
Domus immenso diues honore,
Cultu splendida dinite,
Sceptris fulta superbis
Frœnare nata subditum
Legibus Orbem.

Quarè oneri succede volens, ò A N N A, beato :
Namque tibi Domus hæc adhærens
Inconcussa minis, firmaque semper
Spernet immanes odij procellas,
Spernet effrœni rabiem furoris
Invidia maior, celsumque ad sydera culmen,
Attollens summo se se immiscebit Olympo.

Ergo fœlix, A N N A, perge,
Perge littus ad Latinum,
Perge liminis Paterni
Ad cupita tecta, perge.

Te veniente Roma plaudet,
Prosperamque se putabit :
Te veniente se beatum
Dicet Populus Qurini,
Aureisque Tybris vndis
Gaudia partâ publicabit.

Vt duplex olim Oceano Columna
 Exercens celsum caput, & superna
 Astra contigens propiora fronte
 Post feros Ponti, miserosque casus
 Alcidis dubijs meta laboribus
 Exoptata diu stetisse fertur:
 Sic tu par geminæ Columnæ
 Non post immitis descrimina sæua profundi
 Iam tuo Alcidi meliore sorte
 Fies meta cupidinum:

Alcidi verè egregio, qui possit Atlantis
 Tutius infracta Mundum ceruice cadentem
 Sistere, ni melior mentito VRBANVS Atlante
 Natus ad innumeros regendos
 Sustineat firmis innixum viribus Orbem:
 Qui Pacis Auctor, Præsidium boni,
 Pietatis amans, Tutor honesti,
 Virtutum Pater, aureæ
 Felicitatis Artifex,
 Maximusque Maximorum
 Se dignum sceptris, Imperioque docet.
 Huius quis titulos queat,
 Raraque magnarum præconia dicere laudum?
 Mæcenas est hic Vatum generosus Amator,
 Vatesque clarus, atque Musarum Decus;
 Hic est, quem Patrio grandis facundia melle
 Ditat, & omnigenis Sapientia prodiga donis,
 Criminum vindex, scelerumque terror
 Hic est: quem Impietas ferox;
 Quem Serpentina nequicquam armata flagellis,
 Et strata Sacro sub Pede perfida
 Hæresum pauet Propago;

Quem

Quem sævus regnis Phlegeton formidat ab imis ,
 Quem veneratur Axis ,
 Pronaque supposito poplite terra colit .
 Hoc Orbem moderante Dia Cælum ,
 Posthabet terris , hominumque gaudet
 Astræa datas habitare Plagas ;
 Regnat pleno Copia cornu ,
 Sæcula prisco fusa metallo
 Currunt , Paxque redit placido optatissima vultu ;
 Illa , quæ quondam Aufonijs in oris
 Vexata Regum belligeris minis ,
 Irarumque agitata procellis
 Exul ad ignotæ cessit confinia Gentis :
 At demum in Veterem reducta sedem ,
 Auspice te , amissæ fruitur ditionis honore ,
 FRANCISCE , ò Regum solus , qui concita posses
 Pectora , sanguineosque orbis sedare tumultus
 Dignus , & expulsam ad nos iam renocasse quietem .
 FRANCISCE magni , ò aurea PATRVI ,
 O rerum , ò mundi Cura , decusque ,
 Tu medulla Gratiarum ,
 Tu lux splendida patriæ ,
 Tu sydus Latij , Populis venerabile , Cæli ,
 Tu terris Pater , & Custos es ;
 Sæua per te Martialis ,
 Arma detonant furoris ,
 Per te funesti metuenda pericula belli
 Exultant repulsa tandem ,
 Tibi cruda corda Mauors ,
 Rabidasque subdit iras ,
 Tu gaudium ,
 Tu Romæ spes ,

Tu Gentis gloria ,
 Tu splendor es ;
 Per te redempta nobis
 Incunda florent otia ,
 Palladis cultæ renouantur artes ,
 Phœbusque Musarum Choros
 Lætus ad assueti inuitat modulamina cantus ,
 Vt tuos plausu referant honores
 FRANCISCE, laudum culmen amabile ,
 Flos BARBERINI Sanguinis ,
 Sol BARBERINI Luminis ,
 Fulgorque Oenotriæ Togæ .

Ergo felix, ANNA, perge,
 Perge littus ad Latinum,
 Perge liminis Paterni
 Ad cupita testæ, perge .

Te veniente Roma plaudet,
 Prosperamque se putabit:
 Te veniente se beatum
 Dicet Populus Quirini,
 Aureisque Tybris vndis
 Gaudia parta publicabit .

Vt Virgo Armipotens ingentē amplexa Columnā
 Virtutem signat, nullo perfracta timore,
 Quæ facere forti corde gentes fortia ,
 Perferre & animis ardua infractis docet :
 Sic per te Virtus manifesta patebit
 Maxima, Magnanimus generoso in pectore Coniux
 Quam tuus claudit, validæq. vires
 Mentis, roburque inuictæ insuperabile dextræ ;
 Nam tibi adiunctus Sobolem daturus
 Terris egregiam, suos

Virtutem in natos patriam diffundet, & Orbi
 Quot natos, martes totides generabit Alumnos.
 Auguror; ab eius prole Roma iam sibi
 Incolumitatem spondet, & tuta omnia.
 Auguror; ab illa Luna defectum timet
 Thracia nunc etiam, frangendaque cornua plorat,
 Euenientque olim haud seris voluentibus annis
 Quod mens cumque canit facti præsaga futuri.

Ast Othomannigenas

Cædibus interea te domuisse manet
 Belliger Antoni, exemploque animare Nepotes
 Venturos, & strage viam monstrare triumphis.
 Et, spero, efficies, tua
 Nam pollicetur pectoris indoles,
 Alacerque magnæ mentis, & notus vigor.
 Ergo, fortis arma sume,
 Sume tela, sume ferrum,
 Inque Thracium Tyrannum,
 Inque Barbaros feroces
 Tela stringe, stringe ferrum:
 Stringe, nam prono tibi corde supplex
 Regina quondam Carpathij maris
 Supplicat Rhodos, tuæque
 Militiæ gratissima sedes,
 At nunc Odrysiæ infelix feritatis Asylum.
 Age (nam tanti palma triumphi
 Te decet) arma cape,
 Eijce non merita crudelem à sede Tyrannum,
 Redde & Militiæ Sacræ
 Olim cupiti tandiù regni Lares.
 Et, puto, reddes, Crucis illa namque
 Spondet Tessera Candidæ,

Quæ

Quæ tibi validum pectus obarmat.
 Iam fractos video cedere Barbaros,
 Iam fera immitis lacerata luna
 Cornua æterno sua regna Soli
 Linquere, & fufis Erebi Ceraftis
 In fua tandem tefta redire
 Sentio Heroas Melitenfis oræ;
 Iam plaufus resonant, & tua Adoreis
 Cerno tempora mille complicari.

Ergo fœlix, ANNA, perge,
 Perge littus ad Latinum,
 Perge liminis Paterni
 Ad cupita tefta, perge.

Te veniente Roma plaudet,
 Prosperamque fe putabit:
 Te veniente fe beatum
 Dicet Populus Quirini,
 Aureisq. Tybris vndis
 Gaudia parta publicabit.



EPITHALAMIVM

FRANCISCI

CARDVCCII.



M Ellea Romulidum læta pluit Vrbe voluptas
 Grataq; sinceris discurrunt gaudia riuis.
 Quæ BARBERINÆ nuper sparsere Volucres
 Dum roseos inter generosæ stirpis honores
 Floribus, & fætas inter lusere COLVMNAS
 Melleus en properans casti nutritor amoris
 Excitat ad cantus, molles Hymenæus olores
 En circum nitidis redimitus tempora fertis
 Auriferaq. coma, feliciq. omine ductus
 Affert Romuleis plaudentes arcibus horas.

Te quoque qui tacito placide præterfluis amne
 Et latias lambis pacato gurgite sedes
 Connubij decorant fœlicia munera Tybri
 Tu quoque lætitiæ, & plausus gratissima signa
 Excipis in fluctus, queis gaudens Roma superbit
 Roma Ducum genitrix, claris generosa triumphis.

Ille etenim cum non solita dulcedine lymphas
 Sensisset volui, placidisq. recurrere ripis
 Protinus Augustum vitreis caput extulit vndis
 Argenti vehitur grauitè per flumina concha

Ma-

Maieſtate ſedens, humentes tempora crines
 Velant, & nigri ſplendentia lumina veſtit
 Umbra ſupercilij, redimitus arundine glauca
 Sceptra tenet dextra; pedibusq. hoſtilia calcat
 Arma Ducum, clypeosq. feros, & barbara tela
 Mille natant circum nymphæ, regisq. tumentis
 Seruitio pronæ; liquido famulantur in amne.

Eccè autem volitare videt plaudentibus aliis
 Agmen Apum; Regale Agmen; quod mollibus vndis
 Vitro mella dabat, mella aureas, dulcia mella.
 Illum mirantem non debita munera limphis
 Obuia ſic vultu compellat Roma fereno
 Regnantes agnoſcis. Aues Tiberine; LATINE
 Agnoſcis PATRIS, fidæ volucres? tua mens non
 Hæreat inſolitis; quæ reddunt gaudia, donis:
 Lætitiæ pandam tibi cauſas; pronuba Iuno
 Regalem optauit ſobolem; quæ ſanguine ab alto
 Edita luciferis fama ſe attolleret aſtris.
 Ergo ſacrato purè ſuccendit amore
 BARBERINVM Heroem; ò nomen amabile terris
 Romulæ ò lumen gentis, pulcherrima virtus
 Cui claras ſine fine dedit ſua munera dotes:
 Si bellatrices amor eſt ſtimulare cohortes;
 Ipſe Ducum ductor fortiffimus ipſe maniplos
 Regales virtute regit; galeaq. ſuperbus
 Primus adeſt bellis; animoſq. incendit ad arma
 Ipſe poli, ſoliſq. vias, quæ ſydera lege
 Indiſtincta micent cælo cognoscit aperto:
 Ipſe altæ doctas illuſtrat Palladis artes;
 Muſarumq. choros; atq. ipſo Pegæus fons
 Dulcius è ſcatebris felices elicit vndas
 Ipſius in vultu verè clementia regnat;

Atq; suas ostentat opes, ostentat honores
 Regna beans: blando fortunatissime fato
 Tu potis es placidè venientes viuere soles:
 Tu potis es cæli rigidas contemnere sortes:
 O virtutis amans, o & virtutibus ingens
 En stupet ad tantos mores clarissima virgo
 ANNA tuos, merito PRINCEPS tibi debita Virgo.
 Illa etiam fato scilicet, cui summa COLVMNA
 Nomen ad ætheras tollit laudabile sedes.
 Quid sobolem repetam, tantæ quid gentis honores,
 Magnanimumq. Ducem splendentia facta renoluam?
 Ipsa altos memorant Capitolia celsa triumphos
 Bellipotens quos gessit auus, dum Marte feroci
 Lunatas acies vicit, sætumq. Tyrannum,
 Euxinis qui regnat aquis, gentemq. gubernat
 Barbarie indomitam, dira feritate verendam
 Purpureos inter patres, proceresq. Latinos
 ASCANIVS protendit adhuc sua nomina Princeps,
 Et sua magnanimus posthac HIERONYMVVS addet.
 Mellea in Vrbe fluant nunc verè sæcula, manent
 Dulci melle domus, lætantia compita melle.
 En latè resonant fausto cum murmure plausus:
 En Hymenæus adest solito iactantior, ecce
 Iam gaudet noua nupta viro, pulcherrima nupta,
 Cui dulci gremio scilicet dedit vbera virtus,
 Vocibus & primas docuit formare loquelas,
 Et faciles animi mores, faciemq. pudicam,
 Et tacitas semper, quas nutrit pectore dotes
 (O qualem sobolem, quales genitura nepotes)
 Cerno tuis infans, iam sceptrum minantia dextris
 Et capiti regale decus, cristasq. comantes
 Barbaricas te cerno olim populare phalanges

Signifer armiferis dum tu spatiaberis oris :
 Albis clara notis iam iam tua pectora nosco :
 Sic alter latiam eernes Antonius Urbem,
 Inclyta progenies, Apibus quæ clara secundis
 Mellifluos reddet pacato tempore soles ,
 Felicesq. dies, fortiq. animata COLVMNA.
 Discutiet rigidæ crescentia cornuâ Lunæ.

Talia narranti blanda dulcedine tactus
 Reddidit hæc Tybris, Faustæ alma ò nuncia lucis
 Tandem inter belli fremitus , & ferrea tela ,
 Inter discordes animas pax aurea surgit :
 Expectata venit mihi lux, quæ nūcia pacis
 Sentiat vda domus, teneroq. lique scat amore ,
 Inclyta terrarum domitrix Regina, potentes ,
 Quæ nutu populos frânas per mitte serenis
 Romulidum choreis, nympharum iungere Insus,
 Atque tuis sociare meos nouâ gaudia, plausus.

Ergo agite ò Nymphæ, proles vndosa, secundos
 Festinate iocos, hilares connubia densis
 Concelebrate choris : subito pars ite volucres ,
 Quo Tagus auríferas producit diues arenas ,
 Ite alacres, gremioq. maris deducite gemmas
 Sepositas, aurique immania pondera, dites ,
 Oceani lustrate locos, è sedibus imis
 Vellite purpureis animata corallia succis.
 Pars ripas Instrate meas , vbi floridus ordo
 Vndique odoriferos largè dispensat honores.
 Pallentes legite hinc violas , & lilia casta ,
 Vernantesq. rosas, & purpureos amaranthos ,
 Et plenis manib. TANTÆ date munera NVPTÆ.

P A X
P R O N V B A
E P I T H A L A M I V M

FRANCISCI SAGGI

RHEGINII.



Hesperus Occidit Præco faustissimus umbræ
Non vocis reboat clamore, sed vndiq; lucis
Voce sonat nocturni ardens Aurora dici.

Nempe diem nouitq. suum Nox autem Solem

ANNAM si nouit. Vos o consurgite Nymphæ;

Romulidum Nymphæ decor immortalis aquarum;

Surgite, vesper adest, quo non felicior alter

Oceano è rerum genitore vocauerit umbras.

Surgite; tempus adest BARBERINOS Hymenicos

Dicere: festa lyra fila explorate canora.

Tuq. VRBANE Pater latius decus addite fastis,

Auspicio letam tanto rape Numine mentem;

Et mihi nunc superum secreta reclude beatis

Ordinibus, Cælumq. oculis penetrabile pande:

Quò magè Connubij primaeva ab origine currat

Nuper in aspectum moderatrix norma futuris

Hæc cape IOANNES qui Fama ad culmina rep

Heroum per facta Puer, namq. orsa triumphos

Nstra tuis dudum præludit Musa tropheis.

Iam

Iam Martis fauos inter, Mortisq. tumultus
 Italia immensis exercita saepe duellis
 Alpibus è niueis torrentem excurrere belli
 Senferat, & gemino bacchantes funere Reges
 Cognatas armare manus in praelia rursum
 Hic, vbi Sideribus caput induit Appenninus.
 Accepit strepitum Roma, extimuitq. propinquis
 Fulminis accendi prænuncia fulgura Terris:
 Cum petit VRBANI THADDÆVS dextera cāpos,
 Quà Pater Eridanus lunatam cornibus alte
 Sustollit frontem, recipitq. immane tributum,
 Fluminibusq. ingens centum auxiliaribus agmen
 Armatus, & Hadriaco portat fera bella Profundo.
 Italia hic custos vigilat, seruatq. tuendo,
 Atq; Duces grauis inter, & hastiferos comitatus
 Illius in vultu, Latiumq. & Roma refulgent.
 Iam Ductor iam iura dabat, iam signa locarat
 Arcibus in magnis, ventisq. volantibus vltro
 Iam plaudebat APIS, liquidamq. animauerat auram:
 Nec patiens traxisse moras ardebat in hostem
 Surgere telorum nimbis, pugnaq. seuera
 Tempestate frui, magneq. inscribere Romæ
 Imbre cruentatò decus immortalè trophæum
 Olli forma riget placidè, sed forma rigeferit
 Littore in Iliacò qualis decorabat Achillem
 Exturbantem animos, & fata timenda cientem.
 Dardanidum qualis diffuderat agmina Pyrrhus
 Laomedonteq. repetens conuicia Troie
 Stat cristatus apex, obumbit ferrea cassis
 Frontis ebur simul atq; aurum crinale comarum:
 Belligerum pectus Thorax accingit, athena
 Exhorrens squama, ast horror blanditur in auro.

Terga ferocis equi premit arduus vndiq;, fertur
Talis Amyclæis luisse in vallibus olim
Cyllarus & vento pompam cessisse iubarum.

Nō tulit hanc speciē Diuumq. hominūq. voluptas
Castus Amor, magnæ, astrorum vêtus incola, Proles
Vranæ, doluitq. trucidis si sceptrâ doloris
In se se transcribit Amor, latæq. coruscum
Horruit armorum fulgur, si fulgur Amorem
Percutit, exterrētūē tonitrua sæua tonantem.
Arripit extemplò tranquilla ad culmina Pacis
Notum iter, & Pacis sat notum est limin Amori:
Sæpius hic degit, cognataq. Tempia reuisit.

Stat super Eoæ nitida incunabula Lucis,
Quâ se Phœbus agit supero trabeatus in auro,
Templum ingens, centūq. micans sublime columnis;
Par Cultrici aditus: cælesti limina florent
Lumine: cristalli. tholos, atq; Atria pandunt
Pes vbi supposito gressum sustentat in auro,
Metiturq. gradu gemmas; sunt sidera gemmæ.
Vestibulum seruat Pietas, Victoria circum
Sæpe rigat, fluuio rigat at sudoris, oliuam
Lucem vbi sidereo pede voluit, & atria lustrat
Lucis in Oceano fontem qui condidit Amnis,
Indeque perpetuus fundit sua lilia campus,
Virtutumq. cohors Dominaq. simillimus ordo
Panditur, & famuli posuere cubilia Ritus.
Interior calet Aula Dea, sedet illa triumphum
Tergeminum molita, comas lunata serenas
Iride, quò Patri micet hoc vel nomine compar.
Hanc Paci sedem Diuina Pronæa locauit
Prouida siderei posuit cum mēia mundi.
Huc Amor æthereis se se liberauit ab astris

Ilicet, & geminis radiantia culmina flammis
 Arrifere Deo, volat ille, & cœpta fatigat
 Pectore confilia, ac dictis ita fatum amicis.
 Diua potens rerum Diuini filia solis,
 Lucis & æternæ candor Dea, Luminis hæres,
 Aspicias vt BARBERINO tibi sanguine Princeps,
 Cui pleno terras ex vbere gloria dicit,
 Tempeftasq. Orbem fœlix opulentat Honorum,
 Romani cor ille orbis tibi in æquore ducit
 Alpinas hyemes, æftuq. calefcit lbero.

Ergo pares referens cur non Pax inclyta grates
 PRONVBA cœleſti iungis connubia dextra?
 Annuis, & contra, Decus immortale Nepotum
 Coniugium molire nouum, fratremq. ſequentem
 Martia bella voca; generis ſpes vnica tanti.
 Hic ille eſt quo Progenies magè viuit in vno:
 Non ſuperant mea vota modum, tibi debita poſco.

Riſit ad hæc, dictiſq. monet Matrona precantem:
 Define pulcher Amor: THADDÆO ſidera ſeruant
 Coniugium, Natiſq. nihil ſibi maius haberi
 Roma cupit, peragamq. libens quod Numina ſignât.
 Hæc ait, & folio ſe ſe Regina nitenti
 Euehit Ales: Amor Diuam comitatur euntem,
 Qua ſuper ignotæ montana cacumina Lunæ
 Tollitur, & liquidum dominatur in æthera moles
 Ardua, vbi Cælum niueo velut vberè lactat
 Sidera, & inferior ruit inter nubila Nilus,
 Et conſanguineis miſtus fluit amnibus ingens.
 Auia tunc Puero Fatorum exordia pandit
 Conſcia venturi. Seriem, huc aduerte, docebo.
 Diue Puer, dixit, ſpirantia vultibus æra
 Aspice, ſideros viden alto examine Cives

Heroumq. genus, quorum pia fama recumbit,
 Ante pedes, famulasq. sibi componere pennas.
 Gaudet adoratrix: hanc ergo ad lumen ituram
 Progeniem noscas, qua BARBERINA triumphat,
 Gloria, magnorumq. vocant decora alta Parentum,
 Nomina nequicquam sacclorum effata ruinis.
 Sed tu sume animos, atq; hic abiste morari
 Fatorum annales, & inexplorata legentem.
 Nempe latent cæci stellata volutina Cæli,
 Astrorumq. characteres non æqua facultas
 Nosse Deis, alios Heroas in agmine cernere.
 Sed stupet, obtutuq. Puer iam totus in vno,
 Hærebat, viuisq. inter simulacra figuris
 Marmor erat, subito cum testes aduocat aures
 Vix oculis fidens, auditur anhelitus oris
 Aspice, tergemino radiant cui tempora in auro,
 V R B A N V M (facili Matrona veterrima vultu
 Distra redorditur) iam præbet ad oscula plantas
 Regibus, & Deus ipse suo iam signat honore,
 Vsq; adeo superis compar: Sapientiâ mentem
 Cui fixit, Nomenq. dedit Regnumq. propinquo.
 Finiri vix omne Polo; quis æquantior æqui?
 Hic meus hic ille est, geminat cui Gloria lauros.
 Mox FRANCISCVS adest, Patruoq. assurgit in ostro
 Proximus, Alcides, Latij qui pondus Atlantis
 Non dubia ceruice subit; scrutatur & æquor.
 Ille mihi, Lybriæ cum turbidis Arbitër vnde
 Inglomerat picea pendentem è nubè ruinam,
 Cumq. furit Boreas rigida haccatus ab Arcto
 Illius æquoreos inter, terraq. tumultus
 Italia aternam peperere pericla salutem.
 Quod tibi mille Duces longo vix Marte dedissent!

Vnius hoc dat iter, defudauitq. quieti
 Ille tuæ, referas cui tu tua fata superstes.
 Tempia per, atq. Aras ANTONIVS inde nitefcit,
 Attollensq. animos oculos demittit, & illi
 Vel cineres Latio saturati mūtice flammant:
 Iudit hic cineres, dios quibus occulit ignes.
 Quē Iuuenis fequitur, Rhodius cui candicat albor,
 Albefcitq. trahens morum de flore colorem,
 Sed tamen huic morum Latiale it candor in oſtrum.
 Occupat aſt oculos CAROLVS, quo lata ſuperbit
 Roma viro, noſco vultus & tempora magni
 Principis, Auſoniam placida virtute fouentis.
 Cui mea cura, ſubit (quantum decus ardet in ore?)
 THADDEVS, comitemq. ſibi latiffimus ANNAM
 Aſtringit dextra, gladios qua ſtrinxerat antè.
 Aſt ANNÆ ſi tantus Amor nouiſſe Parentes,
 Hūc age diſce Duces Amor. En Vberus hic ille eſt,
 Cuius ad imperium ſubmiſerat Ardea faſces,
 Armaq. Romano geſtat ſamulata Parenti
 Victori, victorq. Arabas iam fulminat ingens
 Belliger, & magni modo per Prætoria Solis
 Dulcè meret lucis ſtipendia clara Tonanti.
 Cerne Paſtino IOANNEM è littore cerne
 Romano Pharium turbantem fulmine Nilum,
 Seruantemq. Arces, aſportantemq. Columnam
 Cæleſtis dudum gemmatam ſanguine Regis.
 Diuinam hanc ſamæ metam ſibi ponit, & ornat
 Stemmate Progeniem tanto: cui nobile textum
 Mox ſuperimpoſitum Bauaro radiauit in auro.
 Scilicet hanc Stephano Ludouicus reddidit olim
 (Omen enim, Nomenq. habuit fatale) coronam
 Inde hæret ferro, & ſe ſe metitur in enſe

Prosper, & Italica defudat in agmine Paci:
 Canities cui fronde viret, laurumq. serenat
 Discolor, & frontem felicior umbrat oliua.
 Ille autem largis, qui sic rigat imbribus ora
 Supplicis ora gerens, Numenq. in vota laceffit,
 Astrorum Ægidius Cuius, qui Nomina Cælo
 Transcripsit, Cæli Proles cui sacra per aras
 Libabunt Populi, Terræq. in vota vocabunt:
 Musarum hinc decus ingeminat Victoriæ laurum,
 Lumina cui Solem spirant, præcordia Phœbum.
 Hic nulli non dictus adest Antonius, horror
 Hellepontiacæ iam dudum flebilis Aulæ.
 Quo Duce iam stupuit filuas innare reuulsas
 Æquor, & Odrysios late sumauit in artus.
 Cæde cruentatum Getica; sed cerne Nepotem
 Eximium, multis quem legi Heroibus vnum,
 Vndiq. Natorum fulget stipante corona,
 Cui septem irradiant operoso lumine geminæ
 Ire per & laudes animus cupit, ire per artes
 Magne PHILIPPE tuas, nostræ qui lucis ad auras
 Virtutes reuocas ad sidera nota repulsas.
 Astra sed numero incassum, Solemq. micantem
 Nil opis hic est lucis habent tua sidera Solem.

Vix ea: cum volucrem PAX imperterrita curram
 Infilic, Aurigamq. sibi gratatur Amorem,
 Nec melior Paci Automedon, iamq. aera circum
 Dulce, secat, rutiloq. rigat lux æthera tractu.
 Qualis inaccessæ si quando filia lucis
 Stella micat, flammisq. armat seu fulgure vultum,
 Expanditq. comas, & nubila inaurat in igne:
 Talis Amor rutilat, seseq. in luce Cometen
 Ostentat, late vitæ tamen omina signat:

Nam

Nam *foelix* radiat quod vitæ consulit *astrum*.
 Iam periere viæ : *currus* petit aureus *Vrbem*,
 Miles ubi denso circum rapit agmine *campum* :
 Soliq. alludunt *clypei*, *galeisq.* *resultans*
 Lumen adurit *agros*, & soles conferit *aruis*.
 Illa vocat *Iuuenem*, *Pacemq.* ostentat *oliua* :
 Quid tibi cum bellis, inquit, mea cura ? quid optas
 Virtutes armare *feras* ? quæ *fulmina* *torques* ?
 Quis tam durus *Amor*, *Pacis* qui pugnat *Amori* ?
 Ut vidi, ut perij : tu ne illa potentia *Pacis* ?
 Tu *Regni* *Fortuna* mei ? qua *Numina* rebar,
 Et titulis anteire *Iouem*, *turbamq.* *precantum*
 Cernere, & æternis vittatas nubibus *aras*.
 At cui dira *Hosti* moliris *vulnera* ? *ferrum*
 Me petit, & *Paci*, vel *Martia* *vulnera* figit.
 Hostis ego ! bellum tua cui ciet ira *cruentum* ?
 Exulet *Italia* *Mauors*, repetatq. *Telonos*,
 Aruaq. *Hyperboreis* circumpulsata *ruinis* :
 Quæue *Lycaonij* riget inclementia *Cæli*.
 Sæuiat in *Thracas*, *Geticum* spatietur in *Hamum* :
Itala terra mea est, illa se iacet in *Aula* :
 Exue tela manu *sanguis* meus, exue tela :
 Nam tibi nunc alius bellorum nascitur *ordo*.
 Sat *Marti* virtute datum ; desuesce vocari
 Belliger, & quando inter *APES* tibi lata *renidens*
 Omina signat *Amor*, *melioribus* indue nomen
 Auspicijs, moresq. *nouos*, *noua* prælia lude !
 Et partes agitare *meas*, & tradere *Paci*
 Iura sacræ, *Pacisq.* *inscribere* nomina *Terris*,
 Natorumue *meis* trasmittere nomina *seclis*,
 Hæ tibi sint *artes*, hæc iura, tuiq. *memento*.
 Ipsa ego te liquidas nascentem ad *luminis* *auras*
 Susce-

Suscepi de Matre mihi, propriumq. dicaui.
 Me sequere, & factis virtutem extende beatis.
 Gloria fulta meis praternolat ardua pennis,
 Dædala Pax volucrum cui figo veterrima mentem.
 Ergo quid horrendos, tua dextera turbinat, ignes?
 Gaude alias tractare faces, & fulmen Amoris,
 Innocuumq. iubar, quod cum ferit, vsq; medetur.
 Immortale iubar: quæ tanta licentia belli
 Quid Martem sectare, quid arma vicaria Mortis?
 Me dudum meditatur Arar, truculentior iram
 Exuit Hesperius, bacchataq. bella residunt:
 Atq; tuæ Pax Gentis opus stetit: ergo repone
 Nudatos enses, & pectora nescia vinci:
 Vince tua; & ne sæcla teras vitæ aurea ferro,
 Te manet Ausonij ex Arcibus inelyta virgo,
 Cuius ab Euboico te littore fulminet ardor:
 ANNA cor excutiat, facibusq. micantibus Arcem
 Pectoris oppugnet, tormentaq. Forma ministret:
 Forma ingens, Hostis quo non ingentior ullus.
 Consulit hæc oculis, medioq. in pectore vulnus
 Occulit argumenta doloris, at ipse repellit
 Mæstitiæ nubes sol cordis pectoris ardor.
 Sed si forte dolor ruit, ancillata dolori
 Turba voluptatum, quem si lenis ignis adurit,
 Lambit, & irrorat tacita dulcedine sensum:
 Hæc te virgo manet stabili statione, Columnam
 Ipsa tuo ponet Marti pulcherrima metam.
 Exue tela manu sanguis meus, exue tela,
 Et Martis lauros, &serta ferocia pone.
 Nempe coronales mitis sua munera flores
 Ausonidum flores inscriptos nomina Regum
 Iam tua nunc tibi textit. A P I S: sic imperat illi

VRBANVS, spargit qui florea sæcula Terris:
Eoa cui pronus aqua, cui pronus Ibero
Phœbus adorantem submittit ab æthere frontem.

Dixit, & in nubem seinet Dea lucida condit:
Ilicet, & Pacis Stripator Regius Afes
Ignito flammis depinxit in aere vultum.
Pingere doctus Amor, faciemq. impressit in igne,
Viuaq. flammiferis animata coloribus ora
Nobilis in Spectri morem, pompamq. comarum
Auratam expandit, fuso ditescit ab auro
Iam mendica dies, & floret crinibus aer.
Aspexit, stupuitq. Heros: Amor ergo sagittam
Dirigit in pectus: vibrans depasta cruorem
Cuspis init venas, ANNAMQ. in pectore figit
Vulnere pectus hiat sensim, mox ima liquecunt,
Atque suis ambesa iacent præcordia flammis.
Sensibus incubuit viuax Amor, igneus illum
Portendit vigor, & prænuncia flamina Amoris
Aduentum testata sui, sed gaudia pectus
Pertentant, & dulcè suis sua ventilat auris:
Gaudia cum proprijs animat suspiria flammis
Ast Amor Heroem sapit inter flamina Princeps
Ardorem regit, atque suum dominatur in ignem,
Sed bene notus Amor, quis enim non nouit Amor?
Ille hominum Domitor, Debellatorq. Deorum,
Maximus at virtute sua, proprioq. triumphans
Martè arcana petit Victor Capitolia cordis.
Sæuus Amor tonitru vel & oscula perfidus armat,
Sed sine nube tonat, iacit & sine clade sagittas.
Ille ferit, sed habet quæ te ferit hasta salutem
Nudus Amor pretium sibi tantum regnat opimè
Vena boni, vitæ lux aurea, pectoris hospes

Ingenui; Diuinæ Echo resonabilis Auræ,
Rerum primus Apex, & meta nouissima rerum.

Tūc vultum agnouit Princeps, & Numinis omen
Nec tacuit, sed lætus ait: spirabilis ardor
Cordis Amor, castæq. vigor castissime mentis,
Te sequor & tandem tu me tibi iunge sequentem:
Tu mihi me placide rapis: Accipe in ore precantem
Hanc animam: flagrant te saucia viscera de te:
Esurientem animā quid adhuc spes tempore pascit?
Interea linquens Latialis culmen Atlantis,
Quæ Vaticano sublimis fulminat ostro,
Lumina FRANCISCVS Romanum in fœdus ituros
Placarat Reges, propiorq. extinxerat ignes,
Cui Bellona feros posuit truculenta furores,
Desijt, & multo tardans in funere currus
Alpinas maculare niues, nempe effera quondam
Sanguineum galeis Varum victricibus hausit.

Ergo Romanos post bella cruenta Penates
THADDÆVS repetit, quā meta nouissima votis
Desijt enumerare dies, spatiumq. viarum
Metiri spem sæpe suam, patrioq. receptus
Lætatur gremio, sed Amor iam corde ferox stat.

Compellatq. Ducem dictis: Te prælia Romæ
Sed meliora manent, melioraq. signa secutum
Te bellare iuuat, placidisq. calere sub armis.
Ergo age iam te læta vocat modo Gloria pone
Cara rudimenta. En Hostis tibi bella minatur,
Bella sed hæc Pacis, cui tu pugnabis Amanti,
Sidera inexhausto donec Polus vberè pascet.
Dicerat, & tonitru sonat omina læta sinistro:
At gratata Duci iam connubialia pandit.

Gaudia, quā septemgeminas Turrita per Arces
Roma

Roma coronatur Latij Berecynthia Cæli,
Iamq. theatrales dedocta licentia fastus
Fæsta suæ laxat melioris lumina pompæ.

A N N A Q. iamdudum Sebethica liquerat arna,

Sirenasq. suas, iucunda pericula Ponti:

Tybridis & magnas iam læta relegerat Arces.

Nempe triumphato Capitolia ad ardua Amore

Par erat hanc palma, spolijs & Amoris onustam

Romuleis Victricem inscribere nomina fastis.

O equidem, si quid magnū mea carmina possent,

Sperarem numerare satos hac indole Reges:

Iret & hinc animus magè per spectacula Rerum

Magnarum, quamvis levis huc allabitur aura

Tempus erit (tangente rerum hæc miracula Romam

Romam seu Cæli sobolem, seu forte Gemellam).

Natorum series cū interlabentibus annis

Romanum ambierit Cælum, cū signifer ordo

Astrorum ambit cælestis sacra mania Romæ,

Virtutis quisq. ad fontem rigat aurea vitæ

Semina, & æterno dotat iam lumine terras.

Viuat io vitæ niteat, cui grātia virtus.

Heroas video inde novos diffundere circum

Flammarum radios quantum instar, quantus in illis

Sensus inest? sed habet quos Virtus viuida sensus,

Seu sacra bellantes moueant in prælia Martem,

Et calcare parēnt pauida incunabula Nili,

Cū Meroe refugio ponet de crine sagittas,

Atq; Palestinis vlulata furoribus arua,

Aruaq. iamdudum magno reptata Tonanti,

Et Christi tumulum, Thracemq. reposcere cunas,

Seu lauro emerita meditantes aurea sæcla,

Marte catenatus famula cum Nilus in Urbem.

Ibit

Ibit aqua, & dorso patiens iam Pontis Araxes:
 Dona recognoscant Terrarum, & iura redonent
 Vt BARBERINO tandem fluat Orbis in auro.
 Proh quantum ventura tenent spectacula vultum,
 Gloria quâ nitido se BARBERINA theatro
 Explicat, Heroasq. vocat quos æquus amavit
 Rite Deus, Virtusq. suas ad sidera pennas
 Expediet, viuumq. animis afflabit honorem.

Cætera quid memorem? mortalia lûmina ludit
 Immortale iubar Cortina adamantina Cæli
 Fatorum series vetat, atque arcana tueri
 Ardens æterni iubar impenetrabile Solis
 Noctem oculis infert clara inter tela diei.
 Musa sile, quales veniant in sæcla NEPOTES
 MAIORVM virtus docet, æternumq. docebit.



AD SANCTISS. D.

VRBANVM VIII.

PONT. OPT. MAX.

CARMEN

GEORGI CONÆI.



XOLEVERAT

tampridem om-

nis mihi carminis scribendi usus; nec à

primo augustissimi Pontificatus tui

Anno memini me quidquam hoc in

genere conari. Verum ex quo feli-

cissimis auspicijs de THADÆI

BARBERINI cum Nobilissima

COLVMNIAE gentis virgine nuptijs optatus per

Vrbem nuncius indrebuit, addò omnia carminibus per-

sonuere, ut excusum penè rubigine Stylum arripere, &

nescio quid strepere inter olores anser, quam officio, de-

uotioniq. mea deesse maluerim. Perincommodè tamen

accidit scribenti, Beatissime Pater, te Apollinem Roma

absuisse, cuius praesentia vigent, & fouentur mea

studia non iminus, quam ego benignitate tua viuo,

alorque. Quidquid enim ingenij mei mediocritas excu-

dit, excudetue, id tuo in celo natum, tuis radijs illu-

stratum, tui mellis rore nutritum, ita planè tuum est, ut non nisi propitijs auribus auditurum, benignis oculis te lecturum, ausim mihi polliceri. Sin erudito Patrono displicebit rudis, stridensq. Thalia, officiosi saltem carminis breuitate, optimo malorum versuum condimento, placebit postea.

IAm noua prateritis succedant gaudia curis,
 Inque tuos redeat caelestis gratia vultus,
 O decus Italiae, quo vindice lata Quirites
 Otia delectant, & legum iura nocentes
 Castigant, metus omnis abest, & copia pleno
 Larga per Ausonios diffundit munera cornu.
 Consilijs Urbane tuis, operaq. tuorum
 Respexit bello fessas concordia terras;
 Pax optata fouet Rhetos, ligurniq. colonos
 Tu Pater oppresso Populo, grataq. quietis
 Auctor, & irati domitor celebraberis orci,
 Dum Musæ, dum Phœbus erit, dum ninguida celso
 Alpīs, Apenninusq. attollent culmina caelo.
 Nec germanorum par Carolus, Antoniusue
 Desuit, exuerent sœuæ cùm fœdera gentes:
 (Hunc ornat pietas, illum sapientiâ, vtrûmque
 Mens inuicta malis, & recti conscia virtus.)
 His comes in Patruī obsequiū venit Antonius vir
 Ante diem, & seriem annorum: quos firmior ætas
 Auxerat imperio, caput obiectare periclis
 Vidi equidem, nec ficta cano, stupere marina
 Numina, brumali dum tu, Franciscæ, procella,
 Cærule spumosi calcares æquora ponti.
 Heu quoties mæsti comites, in vota, precesq.
 Effusi tabulam spondebant virginī, vt vnum

Te saltem incolumem patriæ, Romæq. parentiq.
Afflictæ seruaret, atrox dum cæcûs, & ingens.
In tua damna lues funestum stringeret enses.


Magnum magna pati decuit. Sic clarus Iason,
Herculeusq. labor, Troiæq. euersot Achilles.
Sic Barberinis penduntur sidera Divis.
Quæ de te Galli vates, musæque canora
Hesperidum cecidere, tacet mea pagina, ne, quem
Suspicit, obseruatq., vel æqua laude moretur.
Sit dixisse satis Gallum, Hispanumq. Monarchas,
Non minus in te vno studijs, & amore colendo,
Quam ferro certare solent, cum prælia Maiores
Urget, & infestas trahit in sua damna cohortes.

Pro patria læto viridantis flore iuuenta
Et claræ spes sola domus. THADÆVS, ad arma
Sponte volat, nullò indicio detectus Vlysei.
Quem genio, & virtute probum, Iudoq. Mineruæ
Excultum nuper mirata est Roma, trahentem
Armatas acies, & bellica iura tonantem.
Sensit in Adriacis regnans ferrariâ campis.

Hos tibi Roma Viros, & fortia pectora in omnes
Fortunæ casus, genuit CONSTANTIA magnis
Dis nata, & vitam pro LIBERTATE daturis.

Sed ne mortales venerandi stemmatis annos
Efficiat peritura dies, tua maxime patrum
Curauit solers prudentia. Nempe per Urbem
Castus Hymen pia sacra canit, sua tympana nymphæ,
Pieridesq. sonant, plaudentia littora saltus
Tybridis haud capiunt. Iam pronuba turba iugales
Accendere faces. en pristina ducitur Albam
Gloria. Vos sacri colles, agrestia fauni
Numina, rurali calamo deducite carmen.

Hactenus obfirmatz aures ad vota fuere,
 Quæ BARBERINOS in publica commoda natos
 Coniugio, titulisque nouis in verba potentum,
 Et nulli fidas partes raptare parabant.
 Audita est pridem triplici vox digna corona,
 Vxor THADÆO non dos quærenda marito est:
 Dicta fides sequitur. Romana stirpe COLVMNA
 In BARBERINOS thalamos felicibus astris
 Migrat: queis faueant superi, longaque parentes
 Prole beent, fama:que pijs maioribus æquent.
 Scilicet illi Atanos belloque, togaque decoros
 Enumerant. Sacra Petri de Sede nefanda
 Schismata Martinus fugat acclamante Senatu
 Marcus ad Aëtiacum littus, navalibus armis
 Impia bellantis perfringit cornua Lünæ,
 Turcica ne totum manaret pestis in orbem:
 Christiadis sic parta quies. Coniunge triumphis
 Hisce tuos VRBANE. Dabit mox ANNA nepotes,
 Qui Patres meritis referent: Patrumque loquentur,
 Dum Roma in Latio stabit, Populusque Quirini
 Ad Vaticanas procumbet cernuus aras.



HIERONYMI

BRIVII

ELEGIA.



P Ar erat Italicos composta vt pace tumultus
 Exciperet lætis plausibus alma Venus.
 Et strepitus, toto quos Mars diffuderat orbe,
 Verteret in thalami gaudia festus hymen.
 Funestosq. armorum ignes, quos Roma timebat,
 Læta maritales cerneret esse faces.
 Ergo ades, ò populis longum exoptata latinis,
 Nuptaq. regali nobilis ANNA viro.
 Ille, coloratis tua quæ dudum ora tabellis
 Viderat, in tacito pectore seruat amans.
 Impatiensq. rapilenta vertigine Cælum
 Cunctantes queritur segnius ire dies.
 Et licet in castris illum Ferraria Martis
 Sisteret, & tumido cingeret amne Padus,
 Ense vbi terribilis, varijsq. insignis in armis
 Tractabat valida bellica sceptrâ manu:
 Non tamen ille tui, non ille oblitus amorum
 Hæsurâ in fixo tela gerens latere,
 Et tua sollicito contemplans lumina corde
 Fundebat querulis talia verba madis.

O felix regio, quæ te fouet vlcq; morantem
 Illa meis tellus facta beata malis.
 Ite animæ pars magna meæ suspiria cordis,
 Ite per, & longas me quoq; fertë vias.
 Vos lacrymas, animiq. graues narrate dolores,
 Excitat in nostro quos tua forma sinu.
 Hinc me forma rapit, species & regia vultus,
 Cui pomum triplex cedat ab axe Dea.
 Hinc generis lucem, atq; Heroas in ordine longo
 Deueneror, soboles quos tua iactat auos.
 Sed placet in primis collecta modestia frontis,
 Et situs angusta mentis in arce pudor.
 Quo longe cunctis dicta es præstare puellis,
 Maior & humana conditione micas.
 His dictis oculos pictura pascis inani
 THADDÆE, & Cæli sidera cruda vocas.
 Sed Cælum interea clemens pia vota secundat:
 Præda tui facta est regia virgo sinus.
 Illa pares gestans iuuenili in pectore flammæ,
 Optat in amplexus currere læta tuos.
 Ergo ades, & patrios repetens pulcherrima colles
 Lætitiâ populo, collibus adde iubar.
 Dardana proh quanto excipient te mœnia plausu,
 Proh quâ iucundo murmure Roma fremet!
 Protinus occurrent latæ factô agmine matres,
 Et procerum occurret obsequiosa phalanx.
 Occurrent equitum turmæ, portisq. relictis
 Occurret gratis turba latine sonis.
 Hæc animum, & mores in te admiratâ tuorum
 Narrabit patribus fortia facta tuis.
 Dicet vt inuictis pugnans Antonius armis
 Ambracias Thracum sanguine pinxit aquas.

Ut Roma mirante nouo captiua triumpho
 Tarpeium ascendit Luna Othomanna iugum
 Et quæcumq; mari, & terras diffusa per omnes
 Ornârunt atauos parta trophæa tnos.
 Nimirum populis facis hæc V R B A N E, latinis
 Gaudia, dum pulso prælia Marte fugas.
 Dum cingis validam turritis mœnibus arcem,
 Dum fera pugnaci milite castra reple.
 Diuinumq. iubes Romana è Sede nepotem,
 Cui dignum decorat purpura sacra latus,
 Solibus hibernis ventosa per æquorâ vectum
 Bis dare fallaci vela ferenda Noto
 Ut Regum armifonos decedere corde furores
 Cogat, & iratos pace coire duces.
 Illius auspicijs pretiosa en sæcla rotantur,
 Temporaq. antiquis iniudiosa viris.
 Virtutumq. cohors priscum admirata metallum
 Mutat in æthereos Romula tecta lares.



EPITHALAMIUM

HIERONYMI

BARTHOLOMÆI.

Dilectum Veneri Sydus confurgit Olympo
 Hesperus, & roseo iâ lumine prouocat astra.
 Ductura æthereas Luna dominante choreas;
 Formosa vraniæ soboles, ò dulcis amata
 Lætitia genitor linquens Permessidos antra,
 Fontesq. Aonios celeres huc dirige gressus,
 Qua lacus Albanus vitreis diffunditur vndis,
 Qua nemus horrescit sacrum, speculumq. Dianæ,
 Te petit impatiens felix sub Principe summo,
 Qui regit imperijs terras, & sydera fulcit
 Gandulphi pagus veteris pars altior Albæ,
 Sed iam dulcisonis resonat concentibus æther
 Plausibus, & circum regalis murmurat aula,
 En Hymeneus adest, Hymen noua gaudia portans
 Fulgurat ille oculis, pompaq. superbit honesta,
 Ambrosios crines Parnassis amaracus vmbrat,
 Obnubitq. sinus croceo velamen acantho,
 Luteolo decorata micant vestigia socco,
 Vtque iuga inuisit Cynthi comitatus Apollo,
 Addictam aut matri Delon, Xanthiue fluentia;
 Sic Hymeneus adest catu stipatus amico,
 Pronubus ante quatit tædam puer, aurea proles
 Æthe-

Æthereæ Veneris, pueros qui suscitât ignes,
 Circum stant lætæ Comites Heliconis alumnae,
 Sunt quibus, & choreæ, quibus & sponsalia curæ,
 Et magnos celebrare viros: supereminet illa,
 Castalium ducitque chorum, quæ lumina cæli,
 Erroresq. notat Lunæ, Solisq. labores;
 Ardor inest vnus cunctis, viget vna voluptas
 Solennem fecisse diem, quæ sæpe petita
 Ardenti voto præclaros iungat amantes,
 Sed sua diuerso modulamine gaudia pandunt,
 Hæc redimita comas uiridanti Daphnide eburnam
 Percurrit citharam, digitisq. loquacibus errat:
 Lusitat illa chely myrto velata comanti.
 Pars calamos inflat graciles, pars tympana pulsat,
 Carmina pars iungit plectro sociata canoro,
 Pulchricomæ Charites Musis famulantur amico
 Officio Dominis, zonas humeroque solutas
 Ludrica dant Zephyro, & niuei velamina colli,
 Gestantes calathos, & diuite munera cornu:
 Florigeri hinc varios depromunt veris honores,
 Lilia diffundunt puram redolentia mentem,
 Purpureasque rosas teneri monumenta pudoris,
 Et violas, quæis pingit amantibus ora cupido
 Effingens vultu cineres dum pectora torret,
 Narcissum, & tinctum natiuo murice Adonim,
 Inscriptumque sua lactenti fronde Hyacinthum,
 Lætitiæ, & blandi genitrix sæcunda leporis,
 Ver ferit elysium triplici dum gratia nexu,
 Textilibus pratum gemmis depingit in Aula:
 Limina mirantur, Cælumque imitantia tecti
 Culmina Pierides fuluo saturata metallo,
 Tota domus fulget regali splendida sumptu,

Emicat aulæis paries vestitus, & ostro :
 Splendet ebur substratum auro, folijsque superbis,
 Sponsales Mensæ ostentant non vna Myronis
 Pocula cælata argento, vel Mentoris arte,
 Gemmata rutilant pateræ, variata Corinthi
 Munera, Crystallusque iugo durata nitali :
 Pendentes ardent lychni laquearibus, igne
 Collucent tremulo præcinctæ lampades auro,
 Dumque percussam fulgentis imagine gazæ
 Peruolitat lumen, sinuoso lumine ludit,
 Tollitur, & ferit aurati dum culmina tecti
 Nocte diem vidisse putas, Domus ampla videtur,
 Dum tota irradiat candentis regia solis;
 O superis digna hospitibus, dignissima sedes
 Præfide, qui referat postes flammantis Olympi,
 Quique nigras claudit fauces Acherontis auari.
 Nentes fatidicæ mortalia pensa sorores,
 V R B A N I latos extendite Principis annos,
 Aurca ducentes tenui sacra vellera filo,
 Quæ detonsa aries dederat fulgentibus armis,
 Terras namque pio sub rege Astrea reuifens
 Saturni Veteris latio noua sæcula condet,
 Sic ait Vrania, circum dumque omnia lustrat,
 Ambigit, an terris, Cælo an vestigia figat,
 Emulaque Æthereis tellus an sydera seruet,
 An Diuos pictis videat discumbere mensis,
 Conuiuiamque Iouem vena dum diuite fundit
 Prodigus Ambrosios latices, diuisque propinat,
 Heroum dilecti apices, sacroque galero
 Romani accumbunt patres, interque latinas
 Sponsa nitet Nymphas, argento vt candida puro.
 Regina, ac decus Astrorum pulcherrima Phabe,
 In-

Inque suum conuersa Virum, solemque venustum,
 Ebibit inde iubar, dulcesque recolligit ignes.
 Saluete electi proceres, fortuna secundet,
 Incipit Vranie, Virtus vos tollat ad Astra,
 Heroum par saluete, ò par nobile Amantum,
 Cui simile haud vidit Phœbus: sic læta plicantur
 Lilia cana rosis, sic vnio nectitur auro,
 Si Iouis, & Veneris non fallit amabile lumen.
 Felix connubium fœcunda prole vigebit,
 Vt poma arboribus, fœtis vt vitibus Vuæ,
 Quas vltimo Bacchus sociat, vestitque smaragdis,
 Fraga iugis Decoris, pendentia mora rubetis,
 Sic soboles dignos decorat generosa parentes.
 Viuite felices, vestras dum ventilat aura
 Dilabens superis iucundo flamine flammæ.
 Sed dum Vincla, facesque paras Hymenææ iugales,
 Sponsæ Calliope, sponso gratetur Amanti
 Nunc Erato: gaudent alterno Carmine Musæ.
 Talia dum cantu memorat cælestis alumna
 Calliope, quæ magniloquo modulamine gaudet
 Fortia facta virum doctis intexere cartis,
 Vltro pedes infert, cytharaque iuuante, sonora.
 Lucina cantus ridenti parturit ore
 Fœta mente sonos educens lucis in oras.
 Delitiæ Charytum gaude lectissima Virgo,
 Romanum iubar exulta, decus ANNA pudoris
 Fœminei, egregium, digno sociabere sponso,
 Flos vt Apollineus geniali ridet in horto,
 Lilia quem circum, violæque, croci que coronant,
 Plenus odore tomas Phœbi dum vertit ad Astrum,
 Flos iuuenum, & germen sobolis sic sponso Etruscæ
 Qui lunæ Vultus sponsæ nunc figit amantes

Claris fulget Auis, recolo quid stemmata prisca?
 Sufficiat dixisse, Nepos nitet inclytus illi,
 Qui terris pater, & princeps, qui celifer Atlas;
 Scandere laus magna est per Auorum nomina cælū,
 At forsā maior generi superaddere lumen.
 Iam virtute faces præfert, lucemque refundit,
 Atque domum stabili gestit fulcire Columna.
 Viuite felices, vestra nam ventilat aura
 Dilabens super is iucundo flamine flammās.
 Tunc Erato incœpit, casto quæ gaudet Amore,
 Vnde sibi fecit nomen, cui spicula fident
 Sæpe puer Veneris, gremioque recumbit Amico,
 Dulce lyra tractat cordas, arcuque canoro
 Hæc in formosum collimat carmina sponsum.
 Flos & ocelle tuæ floræ noua gaudia, dignè
 Concipe magne Nepos, illi, qui præsidet Orbi,
 Romanum Svds gaude, tibi Sponsa iugatur
 Regia, nunc faustis auibus ditata venustis
 Dotibus, vt pulchra faciat te prole parentem.
 Explicat vt lætè frondentes myrthus honores
 Gemmantes inter frutices, pompaque triumphat
 Gaudium Hamadryadum, statio gratissima amori;
 Sic inter Nymphas hæc fulget Virgo Latinas,
 Antiquum ducens Romano à sanguine nomen.
 Insignes atavos numerat victricibus Armis,
 Illustres, trabea, titulis, & fascibus auctos.
 Moribus ipsa tamen niueis, sæcundaque prole
 Augebit generi lumen, geminabit honores.
 Viuite felices, vestras dum ventilat aura
 Dilabens superis iucundo flamine flammās.
 Hic Spes Italiæ Mundi pulcherrimus hospes
 Auspicijs felix superis, vt missus ab oris,

Ruricolæ Panes docta lustre cicuta ,
 Mellaq. de viridi legerunt roscida canna ,
 Dilabens placidè Floræq. vxorius amnis
 Neptuno argenti retulit spumosa tributa :
 Extulit os nitidum exoriens Cyllenius ignis ,
 Et Iouis aspectu radiauit Stella benigno :
 Ingenium dedit hic solers , vultum ille serenum ,
 Quo nitet , & lætos oculis inspirat honores ,
 Affatus mites , animos queis allicit omnes ,
 Vt trahit electrū , & Calybū fera munera Magnes.
 Comis & Urbanus sese indicat ipse Nepotem
 Pontificum iubari VRBANO , cui symbola dulcis
 Imperij fecere fauis examina fœtis .
 Hic acrem ingenuas mentem formatus ad artes
 Aemulus Acacidæ Aonios diuertit ad hortos ,
 Attica Apis lectos dum sedula libat odores
 Dulce melos cythara sacro sub Apolline fudit .
 Sed iam mutat ebur ferro Romanus Achilles ,
 Iamq. triumphales texit Victoria lauros ,
 Inflat Fama tubas , componit Gloria currum .
 Viuite felices , Vestras dum ventilat aura
 Dilabens superis iucundo flamine flammæ .
 Vt primum cælo hæc terris demissa Columna
 Collibus umbriferis dryades duxere marina
 Nereides lætas inter crysalla choreas :
 Tybris arundineo velauit tempora ferto ,
 Atq; electrinis fluxit pellucidus vndis .
 Euphrosyne excipiens nutrix hanc fouit in vlnis ,
 Lactauitq. sinu , lauitq. liquore tenellos
 Ambrosio niueos artus , venus ipsa refinxit
 Cælestes operata manus , atq; oscula figens
 Mala pruinosis pinxit pudibunda rosetis ,

Crescentem placidos docuitq. Modestia mores,
 Hyblæi mellis sapidas suadela loquelas,
 Regales luno incessus, similesq. cupresso
 Nutanti lenis Zephyri vernantibus auris,
 Artibus ingenuis instruxit Dædala Pallas.
 Gaude igitur nunc sponse tibi, nam contigit vxor
 Vno quæ pinxit triplices in corpore Dinas
 Viuite felices; vestras dum ventilat aura
 Dilabens superis iucundo flamine flammæ.
 Talia dum memorant alterno carmine musæ,
 Applaudunt comites, felix omenq. precantur.
 Albana exultant valles, collesq. Sabini,
 Et iuga samnitum summas æquantia nubes,
 Circes responsant altæ fastigia rupis,
 Et reboant Triuiæ dumi, vocesq. remittunt.
 Substitit vt primum clamor, plaususq. quieuit,
 Pierides sponsam certatim munere donant
 Dat cestum Vranie, non quem sub pectore celat
 Insidiosa Venus, gestit dum fallere mentes.
 Non ibi blanditiæ turpes, fraudesq. latentes,
 Sed pudor innocuus, pietas inscripta, fidesque.
 Ast aliæ varijs cumulant donaria gemmis,
 Sardonyx ærdentem perfecti pignus amoris,
 Candida Erythræis gemmata monilia baccis,
 Gorgoneosq. ferunt orbes simulacra pudoris,
 Consilij inditium veri redimicula frontis,
 Chrysolito aurato stellata & iaspide puro,
 Crinale, & mytras adamas vbi plurimus ardet
 Nescius infringi constantis pectoris index.
 Sed iam festus Hymen tædam quatit atq; iugales,
 Vos ciet ad lusus felices ludite amantes,
 Dum repetunt Musæ sacras Aganippidos vndas.


THALAMVS

HIERONYMI

OPETRECCI.



Res Sacra Connubium est. Thalami sacra iura
 Non calor & tatis, sed Rationis Amor.
 Vnius VRBANI Mens vna Vicaria Mundo
 Præfides. Illa Thorum mihi iura dabit?
 Dixit, & VRBANO, & Superis Authoribus
 ANNAM. Duxit, & in Superum iura THADÆVS abijt.
 Aeterna sic lege Deus etiam fidere magno
 Coniugium magni fideris esse iubet.
 Per Cælum o Princeps non fidere purior ibis;
 Si Te sola regit, quæ regit Astra, Manus?



EXCELL^{MO} PRINCIPI
THADDAEO
BARBERINO.

IO. BAPT. DONIVS.



MEMINI, Princeps Excellentissime, multis ante diebus quam nuptiarum tuarum lata fama Quiritium animos excitasset, studiose te querere, an aliquando apud probatos auctores legissem Coronam Palmeam antiquis fastigiari solitam: respondi, id quod erat ad manum non modo apud Pausaniam eius mentionem extare, sed etiam adnotasse me locum in Artemidori Onirocritico, in quo diserte habetur, ei qui coronā Palmeam inter quiescendum somniauerit, certam coniugii spem, atque adeo liberorum portendi; quia nimirum hoc genus arboris fructiferum est, sexuq. discretum, ac proinde minime dubitare me quin ut res antiqua usurpari possit, & Equarijs tuis (ideo enim quasieras) Characteris loco assignari. Insedit animo tuo scilicet commemoratio futurae letitiae: quod liquido apparuit, cum inter solenne gratulationis Officium tibi certatim exhibentium agmina, ego quoq; deuote letabundus accessi: statim

cniro

enim ac me vidisti; humanissime, ut soles, excipiens; verum extitisse somnium subridens dixisti: tum ego, faxit, inquam, Deus, ut sit usquequaq; verum, nec te coniugem modo; sed patrem etiam propediem videamus. Hoc tibi nuper officiosa natio poetarum (quorum vberiorum proventum post hominum memoriam, tam brevi tempore extitisse vix crediderim) multiplici genere carminum ominata est: qua sane tot, ac tam diuersa eximiaque prodierunt, ut facile cognitum sit quam ferax ingeniorum hæc ætas haberi debeat: quidue prestare possit, ubi non ficto, suatoque studio; sed genarum animi sensu, veraque obseruantia, & amore suadente. Præsertim felicitati poetarum pleetra, calami que famulantur: Horum ego exemplo (quamquam eram tenuipatis meo conscius, fereq; desperabam inter Aule strepitum, & occupationes; addo etiam migrationes successurum stylum, homini præsertim in exercitatio) vebementer tamen, ut verum fatear, accensus sum: sic ut animum statim ad insolitum aliquod poematis genus adiecerim, quo tarditatis notam, aliqua nouitatis gratia eluerem: maiore fortasse audacia, quam consilio; animos enim addebāt cum alacritas quædam, & ardor ex recenti latitia coortus, tum studium approbandi vniuersis, quam impense sim deditus cultui, & venerationi Clarissimæ Domus vestræ; cui me, obsequentissimum eius clientem, tali tempore deesse sane non oporteret. Cumque iam pridem nobile in primis, & speciosum poetarum genus mihi visum esset illud, quod à Grecis, Pindaroque præcipue factitatum, Latinis veteribus, ut coniectura fert, intentatum, à Sanctissimo Domino nostro felicissime renouatum est; placuit ei primum manum admoliri; ut hoc saltem experimento cognosce-

rem, an in pangendo carmine, nonnihil gratia, digni-
 tasque argumenti, supra vires concederet: nec eram
 ausurus alioquin Vatem humano fastigio maiorem se-
 clari, nisi in eius domestica felicitate canenda: etsi hunc
 modestie mea modum prescripsi, ut paulo liberiore
 rationem scribendi, non astrictam, & castigatam (ut ille
 diuine) seruauerim: qua duo videlicet videbantur bu-
 ias vel audacie, vel inuerecundie mee, veniam ali-
 quam impetrare posse. Accipe igitur Excellentissime
 Princeps coronam Myrteam (hunc enim titulum Ode
 presert) quam honori auspiciatissimi coniugij tui, ut-
 cumque potui intextam dicaui; qua, sicut idonea nu-
 ptijs, ita non minus quam illa palmea, prolem testi-
 monio eiusdem Artemidori presagit; baud paulo tamen
 nobilior aestimanda: quando Romanos Duces, qui olim
 in Albano Monte triumpharunt, ea usos esse accepi-
 mus; quo in Monte pulcherrimum nuper triumphum,
 non sine admiratione spectauimus: quem non tu qui-
 dem fuis, prostratisque hostium copijs, victor egisti;
 sed de te (quem nulla vnquam voluptatum illecebra
 fregerunt) deuicto, ac superato castissimus, & feli-
 cissimus amor gloriose perduxit. Vale





C O R O N A

M Y R T E A

IO. BAPTISTAE DONI.

S T R O P H E I.

M Artia laurigeris virtus assueta triumphis,
 Quam buccinarum clangor, & tubæ sonus,
 Denfarumque cohortium.
 Seges, fraxineis spicata sarissis,
 Armorumque micantium,
 Horrificus iuuat ære fulgor:
 Hanc tui flauis Alumni
 Diua crinibus, oro,
 Myrti suaueolentibus
 Consitam baccis, tenerisque frondibus,
 Permitte volens, ò bona,
 Implicare corollam.

ANTISTROPHE I.

Non humili quâmuīs præcordia cōcitus æstro,
 Dulcisque laudis saucius cupidine,
 Vt clarum iuuenem decet,
 Lipientis caua circum stagna Padusæ,
 Inter Romulidum globos,
 Cassida terribilis torosa,
 Gesserit ceruice toruam:
 Sæua fratris Enyo
 Curru nixa, dum facem
 Sanguine imbutam, violenter Alpium
 Excelsa quatit per iuga,
 Territatque beatas.

EPODVS I.

Vrbes Italiæ, quæ veteres rogos,
 Et clades timuit nouas:
 Cum Rhæticorum ardua montium
 Laxare claustra Teutonum phalangibus,
 Sagax molitus Iberus,
 Æmulam contra surgere sensit
 Celtica pubem quæ metit arua;
 Ligerim quæ potat amœnum:
 Tunc cæde turbidum bibit alterna stupens,
 Tepidumque eruentus Abduam.

S T R O P H. III.

„ **Q** Vis grauem populis neget
 „ A tergo Nemesim sanguineo
 „ Imminere flagello,
 „ Iræ Dei ministrum,
 „ Scelerum exigentem iustam cū scenore multam,
 „ Quos regit imbelli manu
 „ Princeps, inertī diffuens socordia,
 „ Quique suorum funera siccis
 „ Luminibus spectare potest
 Non sic Æthereæ Domus
 Summus interpres, hominumque custos
 V R B A N V S, augusta subaudit

A N T I S T R. III.

O Rbis in specula excubans,
 Regum diffidijs horribilem
 Intonare procellam:
 Verum intimis medullis,
 Pius ut parens, natorum quem cura remordet,
 Illachrymans moeret suæ
 Plebis periculum, & crebra per suspiria
 Undique cæco regna tumultu
 Christiadum permista dolet.
 „ Cælestes mala tot manus
 En tuas tandem Pater alme poscunt:
 „ Tu rebus afflictis opem fer.

E P O D. II.

Vix hæc Ausoniz supplicibus modis
 Concors protulerat dolor
 Præfente cum numine Cælitum
 Fretus, salutis aurea signa sustulit
 Vaticana. **VRBANVS** ab arce:
 Signa quæ cæcò mersa barathro
 Horret auari ianua Ditis:
 Patet his stellantis Olympi
 Nam limen altum, stygias exterrens domos,
 Tersusque terris redit dies.

STROPH. III.

N Vbila detergens tenebrosis
 Stipata curis; foeta miserijs:
 Signa quæ quondam Patris Immensi
 Vnigena proles, expians auitum scelus
 Humanum, vnde malarum,
 Pestium cœpta labes, sacrauit,
 Gurgite purifici cruoris,
 Quæ mox in procerum frequente cœtu
 Candidas tibi collocat
 In manus **FRANCISCE**, Sacro decorus ostro
 Quem vertex, & honor purpureæ togæ
 Regibus æquiparat supremis.

A N T I S T O R E I I I I.

„ **S** Ed pudor, & mēns criminis expers,
 „ Virtusque constans, nudaque probitas
 „ Purpuræ præluce, & auro.
 Dardaniæ pubes testis, & Quirini inclyta
 Sedes, cui Titus alter
 Diceris; nec minore illa porro
 Te studio fouet, autumatque
 Romæ delicias, suosque amores.
 Iure; sed cupide magis
 Hæret, obtutuque stupescit insolenti
 Libans, ista animi dum bona suspicit,
 Laudis honoriparæ scatebras.

E P O D. I I I I.

Q Vam byssi nobile textum,
 Ebriamque Sidonio murice pallam,
 Niridamque gazam licyonijs,
 Et Rhodijs operibus scatentem
 Hinc tantus illi cum gemitu dolor
 Incaluit, cum te rite verendis
 Munitum auspicijs, Patruique
 Iussa exequentem Maximi
 (Qui te sequestrum pacis, atque interpretem
 Fœderum iubet reuocare Deam.

S T R O P H. T I V.

R Egumque delenificis duorum
 Iras alloquijs cohibere pertinaces)
 Te suo misera abstrahi:
 Vidit e sinu mœrens.
 Tu pergis tamen gloria præferente facem;
 Laudis animosæ terere certus orbitam:
 Nec cara Romæ species; nec obsequentis Aula
 Turba famulatrix; nutibus tuis pendens;
 Nec te celsa palatia; nec tuorum
 Suavis aspectus; nec beata rerum
 Copia; nec sanctæ te genitricis amor,
 Remoratur euntem.

A N T I S T R. I V.

Q Vin nec viarum labor inquietus,
 Tyrrenique fides male tuta verticosi
 Tardat impavidum maris.
 Non niues pruinosa
 Terrent Galliæ; non atrox sæuiente cane
 Hesperia tellus, laticum egena: puppibus
 Nec dum Fauoni genitalis aura pisculentas
 Molli erat vnctis cærulei vias ponti,
 Hiberniæ remiserat horror asper
 Sideris, cum te metuenda nautis
 Æquora, Narbonis terribilemque finum,
 Laniare carinas.

V E P O D I V.

G Audentem breuibus vadis,
 Assolet imbelles Libycus vt greges leo,
 Alacrem classe Latina findere vidit
 Canus fluctifoni gurgitis arbiter,
 „ Virtus dubijs iactata casibus,
 „ Vt cote ferrum, clarius emicat;
 „ Obliuionis nec cariem timet,
 „ Rubiginem nec liuoris acerbi.
 Munitus hoc FRANCISCÆ pectus vmbone,
 Inuidiæ tela iniqua retundes.

S T R O P H. V.

H Inc tuum late nomen in vltimas,
 Famæ insidens pernicibus alis,
 Penetrabit oras, canaque sæcula
 Studio recolent recenti.
 Te pruiniferum qui Tanaim bibit
 Equimulgus agnoscet Scythes:
 Te crispicrinis eloquetur Aethiops:
 Voce ferum tinniens acuta,
 Te vero nihilominus
 THADDÆE, dudum quem mea musa silet,
 Celebrabit æuum hoc perpetuum,
 Quæque ventura est venerabitur ætas:

A N T I S T R. V.

I mperi fines præfide te sacri
 Nil turbinem bacchantis ab Arcto
 Trepidasse Martis commemorans nigrum;
 Patris auspicijs Latinos
 Te regente maniplos, Patruique summi
 Animante turmas, bellico
 Vernantis oris inter arma robore.
 „ Indecores sed manus decoram
 „ Formam sæpe redarguunt:
 Atqui verendum non erit opprobrium;
 Tibi ne quis hoc turpe aggerat;
 Nam ferox blande, grauiterque venustus.

E P O D. V.

O Stentas placida togæ, feruidique duelli
 Curis pectus idoneum: fortia facta docent
 Quæ Ferraria videt, ciuibus fecunda claris;
 Sensitque liberalis educatio
 Quantum valeret, vbi temperata puro
 Indoles generosa, metallo,
 Sub laribus creuit pudicis.
 Hoc cauerat mens prouida CAROLI
 Patris Ausonia clara per oppida
 Quem grauitas cordata celebrat.

S T R O P H. V I.

Qui dum efficaci sobolem firmat exemplo,
 Tenerisque natis virtutum semina prudens
 Instillat, florente domo affluentem
 Messem reportat gloriæ:
 Domus o florens! genitorque felix!
 Per quem tot decora inclyti
 Sanguinis adaucta fulgent.
 Non te, qui Macedum perdomuit corda ferocia,
 Metellus exæquauerit; quem numerosis
 Gnati triumphales bearunt
 Palmis: perennet olli (vos præcor o superi
 Ne sint irrita vota hæc) posterisque faustitas.

A N T I S T R. V I.

„ **N** Il auget æque generis gloriam clari,
 „ Serieque longa stirpem producit auitam,
 „ Quam diuum castus timor, atque cultus
 „ Aris tributus Cælitum.
 Micat hic quantum quoque laus Iuuentæ
 Princeps Romulæ tuæ!
 Æmilia pinguis ingens
 Spectauit facinus, quo didicit quæ pia, quam simul
 Inuicta corda gestites: quippe tumultus
 Cum militum vecors acerba
 Ferueret ira, & ausu seditiosa cohors
 Delubris superum vim ferre vellet impio;

E P O D. VI.

TV nil frementis cæteræ
 Tela minantia veritus, terribilesque vultus
 Non chalybe tutus; animi sed robore valido,
 Fulminis ocyus impete aduolasti;
 Denfosque perrumpens maniplos,
 Vnus mille viris pectoris obijce
 Obfistis imperterritus,
 Asserisque verendis aris suos honores.
 Subsedit actutum furor impotens, inermem
 Armata pubes timuitque Ducem.

S T R O P. VII.

SIc æstuoso littore Etruriæ
 Turbida cum defubito vis procacis Africi
 Incubuit, attollens tumentes
 In cælum violenter undas:
 Deuolutus ab altis montium sæpe iugis
 Glacialis Aquilo, flabra sonantia
 Effundit in pronum, asperos comprimitque fluctus.
 Stupuit Ferraria facta, sonuitque plaudens
 Reboante fremitu quo corniger sensim excitus
 Eridanus, vitreo lætum remugijt alueo;
 Frondibusque populorum lene sibilantibus,
 Præscium protinus os his resoluit vocibus:

A N T I S T R. V I I.

Salue o refulgens Aufonia iubar ;
 Flos iuuenum ; mellifluis aureæ fauis apes ,
 Nectaris Erechtæi magistræ ,
 Quem Tuscæ saturasse Floræ
 In sinu , teneris dicuntur annis roseo :
 Remearc placidam iam pede candido
 Cerno quietem : bellicos en tuus furores
 Pepulit FRANCISCVS in oras Scythiæ repostas ,
 Meritaque redimitus iamque oliui fronde comam
 Aduenit : ergo lubens optata gaudia Laureæ
 (Quando iam tibi recenti est parta laude Ciuica)
 Differ , illique corollam adde lætus Myrteam .

I I E P O D. V I I.

Pande , Hymenæe polum , Myrteamque corollā ,
 Venus alma quam lacteolis nexiit articulis ,
 Inclyto defer epheto , BARBERINA quem iubet
 Rata cælitum voluntas suscitare stemmata .
 Pande Hymenæe polum ; Cytherea dum venit ;
 Non quæ turpis impudicos fouet ignes
 Voluptipotens Dione ; casta sed Venus , sacras
 Quæ cremat vnæ faces , cordi jugamque tædam .
 Pande Hymenæe polum tædis nuptialibus ;
 Ætheris quas igne puro Diâ succendit Venus .

STROPH. VII.

Sed tu nobilis heros, insolens iugi
 Qui vitam thalami nunc colis exsortem,
 Age dum pium pudicis (sic fata iubent,
 Queis parere necessum est) subde pectus amoribus.
 Ah nescis bona quot (bonus hæc tibi spondet amor)
 Gaudia, quæ stabili gaudeas tenore
 Princeps te mancant; vbi delicatis
 Sebethi tibi nunc quæ crescit in agris,
 Conscendet pudibunda tuum Regia virgo torum,
 Sebethe felix inclyto (sic placitum superis)
 Cui sponso teneram educare Nympham
 Sorte datum: fructiferis nobilis Arne campis,

ANTISTROPH. VII.

Felix tu quoque; felix imputat larem.
 Cui THADDÆVS auitum; tuæ vero
 Tiberine sanctæ (cuncti nam te fluuij
 Regem deueneramur) sors beatior, optimi
 Quem stirps aurea Principis, accolet innumeris,
 Lætæ virum sobole exuberante sæclis:
 Nunquam non titullis, opibusque florens;
 Nusquam frugifera non laude redundans
 Vbertim; vt veneranda domi; sic metuenda foris.
 Quin nomen ob tātum haud leuis fama erit Eridani.
 Euenere: fidem astruitque dictis
 Exitus haud vanus; habes quam face deperibas.

EPOD.

E P O D. VII.

M Vt tua iuuenis generose puellam,
 Qua nec Dardanias inter vlla nurus
 Clarior, solis ab ortu videt exurgens iubar.
 Tibi pulcra iungitur ANNA (rubens sic rosa niueis
 Iungitur bene lilijs)
 Virgo atavis, censuque potens; sed pietate,
 Animique cultu potior; quem ditat honestas,
 Custosque virtutis pudor.
 Maeste ergo tædis THADDÆE beatis:
 Etruscæ columen tu gentis audis:

STROPH. IX.

Columna gentis hæc præcella Latinæ:
 Undique auitis radiata trophæis,
 Titulisque præpotentum condecorata procerum,
 Infulisque, laureisque, nobilique purpura.
 Quid non Latino sanguis admixtus Etruscus,
 Relligio, quidue iuncta robore,
 Inusitatum non portendit, & ingens?
 His creuit olim temperata inijs
 Romuleoque pilo, lituoque Numæ
 Æneadam imperiosa virtus
 Quæ sub utroque sole dispersit manus;
 Diuisum agglomerans Albanis fascibus Orbem,

A N T I S T R. I X.

Sed hæc anhela quæ languebat; ut Albæ
 Rudera nuper celebrata vetusta,
 Calefacta BARBERINI, & Principis inde facibus
 Nuptialibus fuere, spem resumit integræ
 Rursus iuuentæ; more quo dicitur ales
 Vnigena solis, indidem ex rogo
 Calente semper viuax ingenerari.
VRBANE te nunc tollit auspice caput
 Celsius vrbs Quirini, seniumque domat,
 Augurijs hilarata faustis.
 Nam reuocare visus es primordia,
 Queis creuit, veteremque illi sic reddere cultum;

E P O D. I X.

Cvm sedem Iliacæ te genitricis amœnam,
 Ascanijque larem, & Siluiorum nouis
 Decorare tectis cunabula Regum;
 Sed te præcipue (quo nil augustius videtur)
 Phœbus in terris, nilque maius) incola,
 Procerumque cœti concelebrantium.
THADDÆI thalamos, cædasque maritas,
 Flammeumque **ANNÆ** pudicum yetus Alba con-
 spicata est;
 Sic eat: hinc relegens antiqua exordia Roma re-
 surgat,
BARBERINA proles indidem crescat, &
FELICITER.

AVCTOR LECTORI.

SALVTEM.



V. M. amicorum hortatu hanc Odem
 prolo destinarem: visus sum non
 incommode facturus, si ei, tanquam
 auctarium quoddam, Parodiam ex
 Horatio à me nuper expressam, ad-
 texerem: tum quia hoc genus scrip-
 tionis: ut raro usurpatum, ita mini-
 me ingratum fore suspicabar: tum propter nonnullam
 utriusque argumen- & vicinitatem: ut enim in illa Ex-
 cellentissimis BARBERINÆ familia Principibus
 domesticam felicitatem præcipue sum auguratus; ita
 in hac, publicam totius rei Christianæ lætitiā, poeti-
 ca quadam audacia (quid autem poeta non audent?)
 festivissimi poeta ad hoc carmina detorquens, præsentī
 sæculo ominatus sum; quo nimirum sæculo eadem do-
 mus Ecclesiæ Christianæ Pastorem dedit eum, cuius, non
 solum præstantissimæ virtutes; sed etiam auspiciatissimum
 nomen, rerum in melius mutationem non futili præsa-
 gio, nec inani spe pollicentur. Mirum enim quam
 fatalis Sanctæ Ciuitati fuerit VRBANI appellatio.
 quod etiam Vinc. Bellouacen. grauiissimus rerum scrip-
 tor animaduertit: ut enim VRBANI Secundi opera,
 eoque sedente Hierosolyma recepta est, ita VRBANO
 Tertio Pontifice iterum in hostium potestatem venit,

quodque proximum miraculo videri queat, utrumque,
 & adquisitio, & amissio contigit Imperantibus Fride-
 ricis, Primo scilicet, & Secundo, iisque Patriarchis,
 quorum uterque Heraclius appellabatur; addo etiam
 utroque tempore apud Anglos regnantibus Henricis.
 Quin etiam observatum est à nonnullis, Isacium Gra-
 eis imperasse, cum sacra expeditio in Orientem suscepta
 est; itemque: alterum Isacium tum cum Sarraceni no-
 stros Palaestina expulerunt. Atque, ut longius progre-
 diar, adnotarunt curiosi Imperium Occidentis in Au-
 gusto cœpisse, defecisse in Augustulo: contra Orientale
 à Constantino ortum, ab alio Constantino finem sorti-
 tum esse. Quae, cum ita sint, quae tandem invidia erit;
 quemadmodum ab VRBANO Secundo Turcarum vires
 plurimè afflictae fuerunt, ita VRBANI Octavi auspi-
 cijs eundem hostem novis cladibus afficiendum vaticinari
 Dabis veniam, scio, amice lector. vatis titulum sub aliena
 persona speciosius ambientem; aut potius ridebis, ea me
 Venusini poetae verbis eloqui, de quibus ille quidem
 id vix cogitarit: quod etsi non nautium inuentum
 est, tamen quia intempestivum, & ambitiosum alicui
 videri possit. non sine praefatione excusandum fuit.
 Vale.




EIVSDEM
PARODIA
EX HORATIO.

A Vre iam teritur bellis felicibus ætas,
Suis, & ipse Turca viribus ruit. (Galli;
Quem neque magnanimi valuerunt perdere
Adunca vel minacis hasta sarmata;
Ampla nec virtus Persarum, acerque molossus,
Nonisque rebus infidelis Hungarus,
Nec fera carulea domuit Germania pube,
Parentibusque abominatus Ismael;
Ciuitica delebunt alterno sanguine bella,
Sacrumque rursus occupabimus solum.
Ausonius solyniam quassabit miles, & urbem
Eques strepente personabit agmine.
Quæque carent cultu Christi monumenta, viator
Videre lætus, osculabitur frequens;
Forfitan est dubium communiter Anne seorsim
Lacessere arma debeamus impia?
Nulla sed hac melior sententia; signatorum
Crucem sequuta gens ut egit impigre;
Aras, atque focos proprios, dulcesque penates,
Parentibus reliquit, & sororibus;
Ire Deus quacumque iubet; quocumque per Orbem
Vocat superna lenis aura flaminis.

Sic placet, an melius quis habet producere? cælo
 Iter fauente quid moramur ingredi?
 Sed iuremus in hæc, celsæ cum vincula fionis
 Erunt soluta, ne redire sit nefas;
 Heu sacra signa domum pigeat conuertere, quando
 Medina sanguine innatarit hostico:
 Cum Tiberim fuerit rapidus veneratus Orontes,
 Nouisque templa molibus locauerit
 Religionis amor, Syrijs cum Tigribus Agnus
 Salutis autor, & columba fulserit:
 Nec pia Threicioſ paucat iam turba leones;
 Genusque falsa Turcicum vnda lauerit?
 Hæc, & quæ poterunt reditus perferre secundos,
 Eamus omnis ominata gens Dei;
 Aut pars imbelli melior grege: segnis, inersque
 Inauspicata perprimat cubilia.
 Vos, quibus est animus, muliebres tollite curas,
 Achina præter & volate litora.
 Nos manet Aegæi tractus maris: æquora Cypri
 Petamus iode; mox Ifacidum plagas:
 Gignit vbi grauidos tellus fœcunda racemos,
 Merumque dulce fundit vsque vinea:
 Deficit & nunquam procero palmula trunco,
 Duplexque ficus vndique arborem grauat:
 Mella thymum stillant redolentia; montibus altis
 Comans superba cedrus exerit caput:
 Illic iniustæ tondent impune capellæ,
 Oues amœna quæ tulere pascua.
 Nunc lupis Eoum stygius vastauit ouile;
 Malisque sancta viperis. Humus scater.
 Cum hæc sed hæc verti spectabimus; vt neque turmis
 Arabs inundet arua trux patentia;

Clausa nec obsideat densis Thrax oppida castris;
 Vtrumque Rege denegante caelum.
 Huc olim Venerum contendit remige classis,
 Ferusque Gallus impigrum intulit pedem
 Illuc Pisææ verterunt rostra carinæ;
 Laboriosa, & Ademarij cohors
 Cuius nulla gregem fregere pericula; nulla
 Nocentis astri iniqua flamma terruit:
 Nam Deus illa piæ spondebat litora genti;
 Iubens redire sæcla rursus aurea.
 Dein iterum ferro damnauit tempora; cuius
 Carere labe, vate me, datur pijs.






CESTVS IOSEPHI MARIAE SVARESII.



Alma Venus Paphias aras pertæsa, Latinæ
 Oræ vagans infederat;
 Illinc æternam dum circuit anxia Romam
 (Quæ cura Diuæ maxima.)
 Splendida conscendit Marianæ mœnia villæ:
 Pedemq; vix defixerat,
 Cum subito Nymphæ formam, ingeniumq. Columnæ
 Mirata, celsamq. indolem,
 Exsoluit cestum, niueis tum virginis vlnis
 Cæleste munus illigat.
 Fit subito Concursus Apum, cunctæ agmine denso
 Certatim ad ipsam conuolant,
 Atq; auro pictis illapsæ vestibus, omen
 Prasagiunt cōnubij;
 Quod sacer VRBANVS, sūmo applaudente Senatu,
 Gandulphi in arce perficit:

TADDÆOQ. ANNAM solemnī fœdere iungens
 Orbis nouiuit gaudia.
 Scilicet **ANNA** dabit populis dulcissima mella,
 Instar piz Constantiæ.
 Hostibus hinc terror : socijs hinc aurea secla
 Hinc pax, opesq. subditis.
 Ergo alacres geminant felicia vota Quirites,
 Orantq. numen supplices,
 Vt patrum multis annis, vt prole nepotes
 Augens diu terras beet;
 Vt **BARBERINIS** apibus fœcunda **COLVMNA**
 Submittat examen nouum,
 Quod Charitū pastū Ambrosia tenero exprimat ore
 Martinum, & **VRBANVM** simul.
 Hæc mihi dictarunt Albano in monte sedentes
 Musæ, lacus tunc accola
VRBANI auspicijs, quem relligiosius Orpheo;
 Ipsoq. præ Phœbo colunt:
 Et iussu (**FRANCISCÆ**) Tuo qui ducis vbique;
 Tecum Camœnarum Chorum?




ΕΙΔΥΛΛΙΟΝ.

Ι Ξέρως ὑπάτου τριῶν διαδήματι λαμπρᾷ
 Κοιρανὲν ἐν στεφάνῳ κελαιᾷ ποιῶσα μελίπιδι
 Σπερσώτατι δὲ ὑπὸ κίονος, μελιήδεια δῶστον
 Σμῖνι' ἐπισχεῖται στεφάνοις κοσμούμεν' ὁμοιοῖς·
 Τούρκοις κίντσα, μέλι Χειρῶν δωσώμενα δούλοις·
 Ἡρουν ἐν λατῇ χάμος οὗτος κελίεται Ἀλβη·
 Ως μνήμην ἀνακρινίῃ πολεμίῃ ἐργου
 Πρὸς τρύφους τούρκους Ἀλβη προχθέντος ἐκ' οὐγερη,
 Πᾶσαν ὅλαν στρατῶν κείνων κίντσοις, δώξαν
 Δ' ἔστι τῶν πηγῶν μελιπόλων πάγματα πύρρα
 Ζαχυνύμενα σαδικᾷ σήλῃ, καὶ τουρκοτελεύση·
 Ως φανερῶς δημαρτύρες Ναυπάκτος ἄθλος·
 Νῦν δ' αὐτοὺς ἀπαείρξουσιν πορρώτερον Ἀρχα
 Θύεβατ' τούρκοις φοβερώτατον δύνου' ἔχοντι·



CARMEN IO. BAPTISTAE LAVRI PERVS.



Q VIRINI in Arce, qua subinde Princi-
pes
Ostro insulati, Antistitis summi latus
Cingunt verendum; Antistitis lato è sinu
Nuper beatæ vocis erupit sonus,
Vocem sequuntur fata. Coniugij fides,
Quæ BARBERINO iunxerit COLVMNIAM;
Perennis esto: Nuptialis tessera
Agnoscat arma Cælitum; tum liberi,
Qui procreentur, mellea imbuti dapæ,
Mentis serenum continenter hauriant,
Clauemque Petri triplicem æternum colant.
Accepit omen Aula, Dein quantus patet
Ausoniz ager, subuecta veloci effedo
Fama euagatur; inque semotos iubet

Volare tractus, nuntias thalami tubas.

Haud exterarum vellicent me hic Urbium

Recepta venis gaudiorum semina,

Queis crebra Vatum personant præconia.

Paterni abunde afflare nos possunt lares,

Angusta cum nec gaudijs, nec laudibus

AVGVSTA dici VRBS debeat. Connubium

Sermonis aura vt detulit; loquacibus

Librata pennis, atque ad Etruscos meos

Peruasit; Urbis GRYPHVS excubitor sagax

Exiluit, alasque explicans, plausum dedit,

Hilarique nutu Ciuium exciuit choros,

Sancto Parenti obnoxios, & Principi,

Arci Hadrianæ qui potenter imperat.

Omnes in ora supplices lumen vouent

Æternitatis; larga vt obueniat seges

Vtrisque Gratiarum, amœna faustitas

Circumfluat, natalibus redeat notis

RAPHAEL, MAPHÆVS, CAROLVS; recentia

Se se vetustis Altra iungant, fascium

Præsentium perennet immotus tenor.

Exinde TIBRIS vota & omen duplicat,

Tuus ARNE, Frater:) quippe nascentes habet

Cognata dulcis scatebra propioris iugi)

Illustria ARNVS præbuit cunabula,

Auctus supremos TIBRIS; Vrbe Romuli

Qui celsa tollit cornua, Augustam propè

Fluit minori gurgite. Aeternum TIBRIS

PERVSINVS, imo verticem fonte eleuans,

Gratus receptis Principis donarijs,

(Quòd Martiali lumine imbuerit suos,

Caliginosa Pacis obiectu rudes,

VRBANA Pallas auxerit studia Artium)
 Cælestium Aras Numinum exambit, rogat,
 Et thura pro nubentibus, adolet focis.


Nec Fluminum vlli cesserit cultu pio;
 Officia nostra studeat ERIDANVS. licet
 Obrueret, cui THADDÆVS, armatas vigil
 Iussit phalanges stare pugnaci gradu:
 Bellona dum concueret Italia fores,
 Ligurumque fines Allobrox; sola interim
 Tellina Vallis Celtici incursu fero,
 Rhætique Martis territa ingemeret, procul
 Obtecta clypeo ferreo Hispani Ducis.

Verum precatus excipis domesticos
 TRASYMENE, fueras qui Latini exercitus
 Fusi, fugati testis Hannibali. Nimis
 Excreueras tumentibus lymphis. agros
 Latè irrigatos exedens, Cæcas Scrobes,
 Quas Brachius suffoderat, squalens situs
 Obstruxerat, præclusus & aquis exitus
 Excogitata eluserat remedia.

Adest MAPHÆVS; Herculi & par Cæsari
 Molitur ingens, viribus æstis, opus.
 Vrit paludes Cæsar, & Lernam Hercules;
 Tu utrunque BARBERINE: saxa submoues;
 Latebras repurgas, vnda se exonerat; pedes
 Vel lambat ut tunc Vindicis. præstat modò,
 Supplexque adorat, & beatis Nuptijs
 Præfert aquam, facemque. Nam flammis LACVS
 Exarsit olim. Hic hausit & Pueri facès
 TRASYMENI Agylla Nympha, fontis vitrei
 Domina hospitalis, VIRGO sed melior fouet
 THADDÆI amores, ANNA Pieridum comes,

Sirenū Alumna, quæ mares sensus gerit,
 Oris nitorem, cordis innocentiam;
 Educta Charites inter Euboici soli
 In Virginum conclauius, donec Parens
 Ad sacra coniugalia huc accerseret.
 Illa & vetustum stemma flammæ inclyto
 Niuei pudoris ornat; illustant domum
 Sceptra imperantum, Purpuræ, Galeæ, Togæ.
 Fræna huius Equor accipit; fulcræ aræ
 Hinc sustinendis Christianis turribus
 Aptantur; hinc Constantia obfirmat. Ratem;
 Discordiarum quam procellæ infregerant;
 MARTINVS huic præficitur, & fretum domat.

O gemina Romæ sidera; æterna fide
 Miscete in vnum mentis alternæ iubar,
 Et quam ministram posterorum gloriæ
 Datura sobolem est Cælitum indulgentia;
 Hæc æmulatrix gloriarum pristinos
 Auos reponat, & storeatque sæculis
 Post affuturis, vbi diuturnum egerit
 VRBANVS Sævum, splendor Ausoniz recens,
 VRBANVS, Urbis Columnæ, atque Orbis decus.



141
I O. A R G O L I

A N D R E A E F.

E P I T H A L A M I V M.

E Stilocus, æthereo quæ diuidit orbe profundum
Trans styglas Acherontis aquas, nigramque
paludem,
Elysium dixere Dei; sunt sydera nostris
Æmula syderibus, currit quoque signifer illic
Annuus, & tacitum peragunt errantia cursum:
A campis arcetur hyems; sua iura serenum
Ver habet; & flammis quamuis Cocythus anhelet,
Proximus immites non colligit aura calores
Sed tepet, & mistis interiret herba fauillis
Heroum, sedes hominum, delecta piorum
Concilia, æterno qui se committere cælo
Per gestus potuere suos, nec auara timere
Flumina, quæ miseris ducunt obliuia rebus
Hic Fabij, exultant celeres, iustique Catones,
Et pugnant cara pro libertate Camilli,
Fœlices animæ: tusca quoque Mutius ara
Testatur flammis, & puluere pulcher equino
Signa gerit: fracti capiti quoque Curtius antri:
Quæque acies cecidere manent, quæque arma triumphis
Ornauere suis: mistis gradiuntur Achiuis

Troa-

Troades, umbra minans inimicas territat ymbas:
 Stant fixæ terris hastæ, passimq. soluti
 Per campos pascuntur equi; supereminet omnes
 Ille, domat Phrygios quo Penelopæus Vlysses
 Exiit Ida iugum, pauidum, tenuemq. videres
 Spumea vorticibus cōpescere murmura Xanthum,
 Et latebras horrere cauis, ne poret hiatu
 Bellua, & immenso ne flumina sorbeat haustu.
 Destra sylua viret, nebulosa umbrata cupressu
 Funereas quatit alta comas, lacrymosaq. mirtus
 Velat humum, noctemq. facit; dat cynthia qualem,
 Cum vel fratre caret, vel raris obruta nimbis
 Traiecit incerto volitantia nubila cornu:
 Arboribus flent hic animæ matrumq. nūrumque,
 Quas immitis Amor crudeli tabe peredit:
 Suspirant gemitu frondes, querulæq. vagantur
 Per nemus aereæ vacuis singultibus umbræ;
 Fædatæ vultus lacrymis, & pectora pugnis
 Nigra suis, scissæq. lepes sine lege capillos;
 Quale sybillares caput in sua pectora crines
 Ferre solet, cum plena Deo cortina remugit,
 Et discussa sonant tripodumq. oracula pangunt,
 Ducit Dido choros, vulnus, gladiumq. mariti
 Exerit, & ferrum pignus pro dote relictum,
 Atq; fidem thalami, partemq. implorat Iuli:
 Errat & afflatus testatur Phædra iugales:
 Errores Ariadna loci, quo traxit euntem
 Thesea composito relegentem compita filo:
 Quam post Pasiphae mugitum torua mariti
 Seruat, & obscæni sequitur vestigia tauri;
 Et Medea ferox, & solis filia Circe,
 Quæ cantare minas, Erebiq. extinguere flammæ
 Non

Non cordis potuere : patris fert Scylla capillum,
 Byblis amat fratrem, flammamq. extinguit in undis
 Euoluens rapida lacrymosa crepidine Lymphas.
 Sunt aliae, quas torret Amor, nec nomina voces
 Pieridum numerare queant; miseranda supremis
 Corpora numenibus, quæ Dij vertistis, & illa
 In vultus iuere novos; tamen imbribus omnes
 Ora rigant, mortisq. gerit sua quælibet arma.
 Huc quondam peruenit Amor; videre dolentes
 Exitij causam Matres, tenebrosaq. fletu
 Erexere mala, turgentia lumina nocte,
 Et plausere manu: subito tela aspera contra
 Expediunt puerum; trifida super arbore ponunt,
 Et ne cunctant laqueis, & pennas fune volantes
 Agglomerant; celeri sic si certare sagittis
 Lecta parat, celsamq. ligat sub turre columbam
 Exercetq. manus, oculosq. ad signa iuuentus:
 Poscit opem pauidus, seq. & sua tela, facemq.
 Execratur Amor, tum passim corda, nurumq.
 Pectora feruescunt, animisq. accensa dolores
 Vlcisci mucrone parant; iaculatur Amori
 Iam telum Phœnissa suum, iam Phœdra flagellum
 Expedit, Hyppolytum quo concitus axe per arua
 Pulvereus turbauit equus: soror ipsa mouebat
 Iam sentes, nemoralis erat quibus inuia Naxos
 Pasiphae stimulum quo sollicitare maritum
 Ante ferebatur, si fera nocte redibat,
 Nec Psyche ignoscis: dedit has puer ore querelas,
 Sistite præcipites quondam mea turba puellæ,
 Nec scelarate manus: non huc violare quietem,
 Nec veni elapsos iterum renouare dolores;
 Mater ubi sit quero Venus, quæ sita volatu

Est Paphos, atq; Amathus, nec pennis alta Cythera
 Non adita est nostris; nec se Dea Cypria nato
 Obrulit; has tandem veni visurus inanes,
 Umbrarumq. domos: scelicia nuncia porto,
 Accipite expediam: per me data gloria fastis
 Altera scemineis, teneris noua fama puellis
 Euolat, atq; nouo pariuntur corde triumphi;
 Namq. vbi Tyrrhenis se Lydius inficit undis
 Tybris, & in septem se montibus orbis aceruat,
 ANNA puellares ducebat sola per annos
 Cœlibe, forma licet nonnullos vreret, æuam
 Sydera quid vultus, capitis quid lucida narrem
 Altra? Mida digitos dicam tetigisse capillos
 Inq. aurum vertisse comas, non fronte coronę
 Est opus vt niteat, sat crinibus illa refulget
 Muneribus contenta suis; manus vtraq. palmas
 Semper habet, duplicesq. oculi vexilla reportant
 Pectoris, & plures pendent in fronte triumphi,
 Quam patrium non stemma tenet. si certa tulissent
 Tempora forte duos vacuis Atalanta lacertis
 Iret, & Hippomenes pro nostra impenderet aurum:
 Innubaq. in patrijs celer Hippodamia quadrigis
 Facta maneret anus: latices & flumen haberet
 Deianeira virum Cydippem littera pomis
 Nulla fefellisset: Danaen sine munere turtis
 Innocuam vigili seruasset fida parenti.
 Nulla virum peteret, sed qualibet orba maneret
 Assessore suo, pro nostra viribus omnes
 Certassent, cursu Hippomenes, currente rotarum
 Axe Pelops, lucta Alcides, & Acontius arte,
 Se pater omnigenum flauum tenuasset in imbrem,
 Sed pluuię sine labe ferent. Domus alta Columnarum
 Hanc


Hanc genuit niueam, sunt qualia marmora signa
 Alba suo Iuuenis visa caluere medulla
 Egregij, tacitos gerit hic sub pectore flammās,
 Quasq. diu non ferre valet; se numine tandem
 Victum voce meo, nostroq. fatebitur arcu,
 Nec minus Anna calet, géminoq. ardore feruntur
 Vnanimēs, amat igne pari Iuuenisq. nurusq.
 Hic si sydereos circumspicit oris ocellos,
 Purpureasq. genas; hæc si videt arcu micantem
 Agmine belligero, vel cum superincubat hasta
 Ferrata sublimis equo: Venus ista videtur,
 Ille deus belli; nec pro præstantis honore
 Frontis in extremum renuissent ire periculum
 Antiquæ pulchros quæ depêriere puellæ,
 Quæq. sibi talem nec conciliasset amorem;
 Multa pati facilis; pro quosua tristis Elisa
 Regna iterum, Teuero quamuis decepta, pararet
 Perdere, nec misero seruaret verba Sichæo
 Et primos teneræ flores miserata iuuentæ
 Colchide sub dura non esset Iasonis, ardens
 His Medea comis, quarum furibunda salute
 Solueret auratæ pecudis, si posset, ouile,
 Non vnâ modo diues ouem; sua corda probassent
 Hypsipyle, Phillisq. domo, Babyloniam Tisbe,
 Atq; Helene per opaca fuga, lacrymosa catenis
 Hermione, Médæ notis, atque vtræq. filo
 Inclyta Penelope, scissis Ariadna capillis,
 Helle pontiacus vouisset festia turre,
 His sata Principijs æquabit sydera prole
 BARBERINA domus, dictæ examinis instar,
 Cum flores venantur Apes; bellacibus alter
 Artibus insultans suspendet capta trophæis

Arma Ducum testis, atq; alter cæna thiara
 Tempora subnectens triplici referabit Olympi.
 Sponte sua, claudetq. fores, atq; ordine fastus
 Magnanimi seruabit Aui. ne terreat ambos
 Interea prima succedens prole parentes
 Filia; mane nouo Neptuni surgit ab undis
 Aurora, & roseo lucem temone puella
 Prima aperit, post Phæbus equis sua promittit equis
 Lumina: cara parens iam iam tibi ludet in aula
 Paruulus Æneas, & tu solatia rebus
 Tristibus ad Patrum puerum: Astryanacta vocabis.
 Diua luuenta parat bullam, tetricaq. sorores
 Stamina venturo disponunt serica nato,
 Per quem Pindus egens, & Apollinis ære redemptum
 Pauperiem nec habebit ebur, laurusq. canori
 Sæcula Mantoo renouabunt aurea cantu
 Omen Apes firment, strepitans hæc dicta ferebat
 Aliger, at toruæ pressere hastilia matres,
 Concita Baccha velut furiæ, stimolata remutit,
 Deficiente Deo. quos contulis ANNA decores
 Fœmineo iam nupta choro detergere possunt
 Crimina, quæ matrum decepta Cupidine falso
 Agmina patrarunt veterum; longæua Sacerdos,
 Si quando Euboicis ad Tartara venit, ab antris;
 Talia sæpe illis de te narrare solebat,
 Et dotes celebrare tuas, tunc soluit Amorem
 Quælibet, ille volat laceris sed debilis alis
 Qualis erat, summo cum tolleret aere cursum
 Icarus, & calido nondum fulgore solutæ
 Deficerent pennæ; porta se se ales eburna
 Extulit, & liber superos, matremq. reuisit.

C A R M E N ¹⁴⁷

N V P T I A L E

I N C E R T I



THADDÆE mel Hetruriz,

Quem Cloris alma finxit,

Apiumque cura prouidat,

Libans amœna prata,

Necnon rosarum purpuram,

Eburque liliorum,

Et quicquid inter sydera

Veris micat nitentis

Insigne donum, conspici

In orbis arce dignum

Vrbi dicauit Urbium.

Tuque ò COLVMNA, mundi

Domum patentem fulciens

Pario, Carystioque

Candore fulgens purius:

Ingens decus Quiritum,

Et flos latini sanguinis,

Priscæ propago gentis.

Feliciter connubij,

Fauentibusque diuis

Sancite sacra fœdera,

Lux vos beata iungens

Albo noceat calcuo,
 Et inter astra fulgens
 Adscripta fastis cælitum
 Sit pars perennis æui.
 Vestras benigno lumine
 Phœbus, sororque Phœbi
 Castis fauens amoribus
 Tædas videre toto
 Comitante cælo gestiant,
 Facesque nuptiales
 Cohors coronet syderum,
 Connubiale fœdus
 Deo volente iungite
 Herosque BARBERINE,
 Et virginis COLUMNIÆ
 Lux inclyti decoris;
 Vobis suave concinat
 Melos rubentis æthræ
 Voluens supernos cardines,
 Et inquieta mundi
 Sublimis astra dirigens.
 Felix inite fœdus,
 Vobis Olympus rideat
 Amplexibusque vestris
 Plaudant amica Sydera;
 Vestras amor perennis
 Mentis pudicas incolat,
 Lex sempiterna mundi,
 Qui iura dat mortalibus,
 Pontique mulcet iras,
 Cælique habenas temperat,
 Dux, rector, & magister,

Rerumque iustus arbiter :
 Auriga sæculorum,
 Et imperator syderum.
 Hic est, quiete dulci
 Qui sæua bella comprimit,
 Irasque pertinaces
 Vultu sereno mitigat :
 Sstrictos recondit enses,
 Iubet filere classica
 Pacem iubet redire.
 Non sic rubentis purpuræ
 Fraterna lux coruscat,
 Nec patræ tiaræ
 Decus verendum gentibus.
 In arce Vaticana
 Tanto refulget lumine.
 O ter beata copula,
 Thorique coniugalis
 Sors inuidenda posteris,
 Amor comes pudoris
 Dum sancta iungit fœdera,
 Pudorque lex amoris.
 Hinc pax, fidesque candida
 Hospes quieta mentis
 Vultus serenos explicant,
 Ultraque inhospitales
 Fines niualis Caucaſi
 Rixas abire mandant,
 Tristesque querimonias.
 Seruant herile limen
 Cetus fidelis gestiens
 Obtemperare iussis,

Dominique concors moribus :

Intra sacros penates

Grege parvulorum curſitat,

Et innocentis æui

Intaminatis luſibus

Sanctos iuuat parentes.

Saluete flores inclyti

Floræque, Romulique,

Gratos odores fundite

Italîs, Quiritibusque

Dulcesque fructus gignite

Mortalibus, polique

Qui cardinem perambulânt,

THADDÆE dulce germen,

Et floſculorum ſpiritus,

Tuque ò COLUMNA gentis

Sublimis ANNA Romulæ

Vestros perennet ignes

Eos dici nuncia

Iubens redire curas,


Laboribusque reddens

Mentes ſopore deſides,

Vitæque fluctuanti:

Vestrasque flammas nutriat

Dux noctis Hesperugo.



P A N E G Y R I S

L E V I N I H I E L I I.

H Vnc superi scripsere diem: quo fusilis auri
 Vena fluit: quo victrici Venus inclyta lauro
 Eternū virides protēdit in æthera ramos.

Hic titulos, Urbane, tuos, hic nomen obumbrat
 Lumine inexhausto; tua dum monumenta nepotes
 Perpetua excipiunt serie: lapsuq. fugaci
 Eternant sacros venientia sæcula fastos.

Non opus hic numeris vocalibus addere laudes:
 Quas tibi Romul; dum populus, quas Itala tellus
 Debet, & digemino conuersus cardine mundus.
 Religio producta, fides firmata, Decorum
 Vana superstitio radicitus eruta produnt:
 Quid tibi debnerit tellus: gens Itala quantum
 Debeat, is nescit: cuius non perculit aures
 Cornicinum clangor, trepidoq. horrentia pulsus
 Tympana, & exploso tormenta trabalia plumbo?

Roma quid? imperij latè fundata potestas,
 Translatumq. diu regnum pietate redemptum,
 Interclusa lues, cæli furiale venenum,
 Annonæ depulsa fames, Cerealia plenis
 Horrea muneribus, pronoque opulencia cornua
 Edocet Urbano quid debeat: vndique surgunt
 Munera Romuleis congesta nepotibus: arcis
 Exaquata polo fastigia, cornua pontem
 Præsidij, complexa fidelibus, addita claustra.

Ambitio valli laxata superbius, ingens
 Area, & effossis sinuosa volumina glebis.

Quid referam molli surgentia compita cliuo.

Vnde Quirinales dominantur nubibus ædes :

Et sua finitimos obeunt munimina campos ?

Quid superum delubra nouo spirantia ritu ?

Et Vaticano turgentes ære columnas

Inuidiæ metas, æuo insuperabile textum ?

Quid memorare trabes Agrippæ ex ædē reuulsas

Est opus ? vt quondam tereti contexta metallo

Porticus admotos defenderet ætheris æstus,

Tectum augustum, ingens, multos seruata per annos

Gloria Romulidum, sed enim tibi gloria maior,

Diue, superuacuos dum sede refigis honores

Ignota : atque aditus vix obseruabile culmen

Conspicuo reparas cultu : putrefactaq. anhelis

Ignibus æra liquans, tibi fulmiua Martis in usum

Expetis ancipiti soluens formidine Romam

Cætera quid numerem ? multis tua gloria celo

Æquatur meritis ; tamen hoc micat altius vno :

Bella quod Italix, quod finibus arma Latinis

Intentata minax animi virtute coerces

Sed tamen Oenotrio Martem secludere calo,

Fortunæ pepulisse vices, pacemq. Latinis

Condere nil fuerat ; Pater oplime ; ni bona tandem

Progenies terris nimis expectata regendis

Surgeret : & patrux produceret otia pacis

Auspicijs hanc, Alme, tuis spes pronuba Romæ

Excitat ; augusto dum regia virgo marito

Concipit ANNA fidem : dum Numine percita sacrū

Corde trahit vulnus : castoq. indulget amori.

Hanc etiam iuuenis ; dum corde reciprocant ignes

Et calet indomitis per anihela silentia flammis ;

Sollicito facili subducit ab æthere voto.

O quo-

O quoties illum media inter castra minacem;
 Et longum tacito suspiria corde prementem
 Flexit Hymen: quoties sub casside singultantem
 Perflauerè Noti, Zephyriq. tepentibus auris
 Interfusa Venus, dum pectoris abdita fibris
 Ventilat ANNA faces, & pura incendia nutrit.
 Certa fides dictis. Ferraria nobilis inter
 Vrbes Italiæ regali splendida luxu
 Emicat indigenis emersa paludibus. Urbem
 Nobilitat natura loci: quæ foeta lacunis
 Undique limoso conuestit rura salicto;
 Et fragiles calamos, & acuti vimina iunci
 Educat: ac bibula prætexit arundine campos:
 Diues opum latitat regio sterilem inter arenam:
 Quæ bello celebris: studijsq. operosa Mineræ,
 Non Veneris toruo despectat gaudia vultu:
 Sed Charitum properare iocos, risuq. decenti
 Eloquij miscere sales: domibusq; frequentes
 Ludere: scæmineas intermiscere choreas:
 Cantibus indulgere: nutrire cupidinis ignes.

Hic bellatores inter fortissimus heros
 Agmina THADDÆVS primæuo in flore iuuentæ
 Ductans (vt teneris iuuat inde assuescere ab annis
 Nos hac blandities, solet illac poscere virtus,
 Altera in exitium, sub nobilis altera famæ
 Tempia vocans) fatis iuuenum miseratus iniquis,
 Illecebras procul ire iubet: fastuq. profanos
 Despicit amplexus: molliq. latentis in herba
 Hinc oculos colubri fugit anxius: inde dolo
 Subiectos cineri trepido pede transilit ignes.
 Sic inter Veneres, innuptarumq. maniplos
 Illum nulla Venus, nulli flexere manipuli.

Tempus etat, Zephyris aperit quo putris hiantē
 Terra sinum: & varios discriminat aura colores;
 Cum iuuenis strepitus famulantem, & iura perosus
 Bellica, dimittens celeres in castra cohortes,
 Imperat acciri vernas: paruoq. sequentum
 Agmine, nec longo semotus ab Vrbe recessu,
 It pedes: hinc tumultu iussis consistere turmis
 Solus abit, quantum vix obseruare sedentes
 Possent. Ver placidum, croceumq. per æthera sudā
 Conceptis maculatur aquis; & sole tepentes
 Aspirant auræ ducis in solatia: qui dum
 Vix agit mentem: sed virgine fixus in vna
 Hæsitat; horrendum! se protinus extulit alga
 Pube tenus virgo ventrem compacta colubris:
 Desinit his mutilum corpus: quibus ora trifurcis
 Sibila contorquent linguis: cœnumq. volutant.
 Suspicit hæc iuuenem niueas exerta papillas:
 Fulgura luxuriant oculis: sine lege comantes
 Dat crines vndare Notis: roseoq. labello
 Dentis ebur pandit: risusq. recludit inanes.

Talibus attonitus Princeps vestigia pressit:
 Illa micans oculis blando sic ore locuta est.

Omnia prætereunt, momento viuatur vno.
 Crastina nil certi lux obtinet. ilicet omnes
 Præripit atra dies. pueri, innuptæq. puellæ
 In cineres abeunt: faciliq. simillima somno
 Vita hominum tenues sensim vanescit in auras.
 Vota quid æternum frustra iacularis in æuum?
 Otia sint cordi: præsentibus vttere: curas
 Distrache: cui seruis, animi non prorogat annos
 Gloria: sed miseris commendat nomina fastis.
 Hem tibi centenas Ferraria compta puellas

Educat : expectata diu connubia votis
 Decipiunt : iuuenis roseas, i, carpe corollas,
 Nam cito Acidalij marcescit gloria veris.
 Diffluit his dictis monstrum, niuis instar, in vndas.

Ille oculis cælo intentis meliora precatus
 Omina, succensas vibrato à fulgure Lymphas
 Obstupet; albenti ceu cum lux fulgida nimbo
 Intermista nitet; nebulam sic lumen aquosam
 Turbinat in gyrum: leuibus quæ percita pennis
 Euolat, oblongo glomeratæ nubis in auro
 Vifa coronati speciem præferre cylindri.
 Tunc Heros lacrymis omen suscepit obortis:
 Deiectoq. genu; superi; cognoscimus, inquit,
 Munera vestra: sequor quò me diuina volentem
 Signa trahunt: patriumne bonæ si stemma coronat
 Scuta voluntatis, chalybis mihi pectore gliscat
 Durities: teneris quam vocibus improba Syren
 Insinuat? iam nulla meos potiatur amores
 Fœmina; si cælum stabili pietate Columnam
 Destinat. augurio voti firmata potestas.

Proxima apum statio partu iam fœta recenti
 Egerat à septis examina: protinus illæ,
 Seu lucis raperet studium, seu mollia regis
 Iussa, ruunt fusim celeres, nubemq. sequuntur.

Scilicet hæc totidem properat tibi virgo nepotes
 Quam multas cælo lucem iaculatus aperto
 Agglomerauit apes Sol aureus. addimus vltro
 Conceptum auspicijs votum. Te, Diue, monente,
 Aeris inualidos vt munere subleuet artus:
 Plena Deo Hippolyte, penetralibus abdita sacris
 Damnat Parthenopen, petit intima claustra Quirini.

Anxuris ad campos (patria in ditione coloni)

Cum

Cum fratre appulerat, geminisq. sororibus : ergo
 Frugibus appositis, modicæ circumflua mensæ
 Agmina apum volitant; mirum ni præscia cantu.
 Annuerent Annæ thalamis, mox impete facto
 Virginis accurrunt gremio, gremioq. recurſanu:
 Illa sagit: profugam mira pietate satellites
 Insequitur, stipatq. latus, dominamq. fatetur.
 Coniicit illa manus: manibus velut oscula libant.
 Innocuæ: dominæq. legunt in vertice flores.

Quo fit ab ingenio, si quattuor inter eandem
 Semper amanti nostri; terrarum publice vindex;
 Quale per ingenium conclaubus addita faustis
 Pontificem te scripsit apis: nouere Quirites
 Audibus Æneadæ nidum posuisse Columnæ.

Nimirum radijs non semper adobruta cælo
 Vis diuina latet: sed munere plena supinas
 Depluit in terras: nec semper lumine claro
 Cernitur: at referant sua per vestigia nobis.
 Omina, mortales non dedignatur amicus.

Quis scit, an alloquio genitrix admissa Tonantis
 Fatidicas etiam tractaret acus, ape multa
 Respergens thalami tentoria? nempe supernè
 Velatura thoros examine carbasus vndat.

Tu docili per texta manu, suspensa lacerto,

Quam bene desudas virgo tibi nescia sortem?
 Tempus erit: dominæ quo plena potentia Romæ,
 Atque apibus tandem cæli delata potestas.

Fulgeat, Urbano reparans noua sæcula cultu.

Quæ tibi mella fauis: tibi quos tunc nectaris haustus
 Seruat apis? cum magnanimo socianda marito

Procumbes patris ante pedes: cum verba precantis
 Auribus excipies, animoq. tenacia vincla,

Has tacito genitrix reuocabat pectore curas,
 Cum maduere genæ : natæq. sed inscia fati,
 Lumina stillarunt gemmis : laticesq. cadentes
 Tinxit natino malarum porpora fuso :
 Plenaq. conticuit famulantum regia cœtu :

Conciliat natura vices ; amor omnibus idem
 Sollicitat per inane faces ; arcanaq. cunctis
 Indita vis cælo : & Veneris spirabile numen
 Legibus æternis viuut sincera voluptas .
 Hinc sumunt elementa fidem : sæcundaq. Olympo
 Sidera sideribus rident : & subdita Lunæ
 Machina consistit : nodoq. ligatur amoris :

Est vt gens gentem longæua à stirpe parentum
 Ambiat , & studiosa fidem per mutua nectat
 Officia . hæc inter si sanctus ab axe fauillas
 Spargat Hymen , quantis vndabunt gaudia riuis

Fœdere nimirum conflata potentia terrasq.que
 Edomat : & facili potitur concordia regno .
 Deficient fluctus pelago , si flumina cursum
 In diuersa trahant : eadem sed conflua pontum
 Fluctibus exaturant , & gemma diuite complent
 Ædes vnanimis conuentu tota frequenti
 Ambit nobilitas : hæc plebe tepentia seruant
 Limina , ab externo miretur vt aduena cælo .

Munera magna loquor ; pretio sed gratior omni
 Posteritas , spatio quæ transmittenda perenni
 Interitus nescit : sed præpetis æmula solis
 Vsque redit melior : lucemq. acquirit eundo .
 Vna hæc mortalis renouans dispendia vitæ .
 Itq. reditq. viam toties . nos semper in illa
 Viuimus , & nostrum patrio cum sanguine nomen
 Pondus habet sanguis . trahitur quocûq. voluntas

Auocat impatiens : proprioq. volubilis æstu
 Tentat iter venis , & spiramenta relaxans ;
 Carceris indociles tenui sub nube vapores
 Afflat in aduersos redamati sanguinis ignes .

Gentis amor notus : Syren quo Dardana cantu
 Mulcet apes : paribus quo Barberina Columnam
 Daphnis obit ramis : quo permutata vicissim
 Gratia procliuēs animos in mutua cogit
 Vincula : & Herculeo nectit constantia nodo .

Nec tu regali nutris in sanguine , virgo ,
 Degeneres animos ; tua si vestigia patrum
 Obseruat virtus : si corporis intima formæ
 Gratia cælestes animi recludere mores
 Vna potest : cari si te reuerentia patris
 Perculit ; amplexus , i , corripe fida mariti :
 Iunge manus manibus , digitisq. ad colla reuinctis
 Suspirent animis animi : sic corpore in vno
 Iungentur geminæ mentes , atque vna voluntas .

Hem tibi mater adest Constantia, matris imago,
 Quæ tua ab emerito prospectat gaudia cælo :
 Ecce tibi vnanimēs duplici discrimine fratres :
 Qui votis thalamos gemino cum patre secundant .
 Præsidet en patrui sub maiestate verendum
 Numen , & interpret cæli bona verba precatus ,
 Concipiet tenero tibi mox iuranda marito ,
 Quæq. tibi præstet solennia vota maritus .
 Ille quidem rauco trepidantia tympana planctu
 Cantibus immutat facilis , citharæq. susurro .
 Asper ab horrifera radiabat casside crinis :
 Qui nunc frondosas sinit interserpere myrtos .
 Et chlamydem æstiuo respersam puluere vestis
 Excipit exundans auro , gemmaq. coruscans .

Illum etiam Eridanus minitantem, & saeva cientem,
 Fulmina-raucisonæ tremuerunt stagna Padusæ:
 Quem pueri quatit arcus iners, venerisq. volentem
 Subiugat imperium, blandoq. in carcere frenat.
 Quem stupet ad trepidos Ferraria tota tumultus
 Ense rotare faces, & castra laceffere solum,
 Virginis vnus trahitur captiuus ad axem.
 Nempe hic laurigeras non cogitat ille quadrigas:
 Sed lecti genialis opes: thalamoq. iugali
 Terminat augustos Paphia sub matre triumphos:
 Vsque adeo miseris populatrix flamma medullis
 Æstuat: atque auido consumit viscera pastu.
 Tu contra iuuenis quid lumine pascis auaro
 Stellantes adamante sinus? quid labra corallis
 Partem animi absumunt? bibuloq. in pectore fibras
 Flexanimis oculis penetrabile sidus adurit?
 Fulgura quid frontis? niueis quid sparsa pruinis
 Colla? quid Assyrio flagrantem murice vultum
 Perlegis? & toto radiantem vertice solem!

Scilicet his fallax laudatur gratia formæ,
 Et vultus vanas resolubile lumen in auras.
 Nullo emitur pretio mulier: cui pectus obarment
 Robora, quæ pura conceptum mente timorem
 Religiosa premat, sit criminis aspera vindex,
 Iustitiam reuerenter habens, miserata iacentem,
 Munere pauperiem quæ subleuet, otia damnet,
 Euentura agitet, moderato splendeat vsu.

Hanc ne disquiras per inhospita marmora ponti,
 Solis ad extremum peragrati à finibus Orbis:
 Parthenope faustis tibi sub penetralibus olim
 Educat, & vario laudum splendore coronat.

Illa tamen quamquis repetens cunabula matris

Plena Ducum, & Patrijs insignem fascibus orbem:
 Enumeret quamuis utroque a sanguine centum:
 Illustres atavos, trabeasq. sacramq. tiaram,
 Iam fastus exosa graues, & regia tecti
 Culmina, blanditias teneræ aspersata iuuentæ,
 Carceribus sacris florentes mancipat annos:
 Hinc dubios animi nouit componere motus:
 Virtutum seruare modos: mediocribus uti:
 Ducere cælestes humana in fœdera mores:
 Ritibus æthereis leges sociare profanas:
 Parcendum est verbis, indicta silentia profert:
 Flammeus oris honos, & grata modestia frontis.

His agnosce, Pater, quo tandem germine laurus
 BARBERINA ferax, cognato vertice tangat:
 Sidera, subiectis texens umbracula terris:

Si patrias virgo præclaro in pectore seruat
 Laudes, si matris viua sub imagine mores
 Promit, & iniectos animo virtutis auxilium
 Excitat igniculos, raraq. sub indole versat;
 Scilicet Heroas generosa puerpera terris
 Diuidet, & latè nomen sparsura per orbem
 Pignora, Diue, tuum. Getico iam sanguine campum
 Cernimus vndantē, & remorata Borysthenis vndas.
 Funera. Threijcio iam clausa cadauere feruent
 Ostia Danubij velut indignata profundo:
 Rhiphæo iuga cana geli rubuere sub ipsis
 Cædibus: & medijs ardescit Bosphorus vndis.
 Scilicet hic tandem Scythicis oppressa ruinis
 Gloria Bistonidum cessat tua gloria, Princeps,
 Promptior assurgit Scythicis fundata ruinis.

L A E L I I G R A T I A N I


ANAGRAMMATISMVS.

'ANNA. COLVMNA de. BARBERINIS.
Cernas. ad bina. lumina. in Orbe.



B Ina micant, nitido Maiora vt lumina Caelo
Bina Polo. haud impar lumina & orbis
habet.
Cerne? Nepos Summi VRBANI. simul AN-
NA COLVMNA

Iuncti connubio: lumina bina nitent.
Sol, soror at Caelo, non vno tempore fulgent.
Sidera Plus orbi est, Bina nitere simul.



HENDECASYLLABI

LVCAE HOLSTENII.



D Vm tractat soliras amoris artes,
Vrens igne nouo nouos amantes,
Mater Romulidum, potens Cythere,

Cytheresq. puer, ferus Cupido:

Dum tædas thalamo quatit ingali

Hymen pronubus, & domum reducit

Amanti iuueni puellam amantem:

Et THADDÆVS amoribus potitur,

Inuicemq. suis potitur ANNA:

Acceditq. COLUMNA BARBERINIS.

Hetrusco generi genus Latinum:

Vrbs se se Latialis & Latini

Colles plausibus efferunt, nec vllò

Æstum lætitiæ modo coercent.

Pleno gaudia proficitur ore,

Et fronte exprimit intimos recessus

Quirini populus, pijs fatigans

Votis sydera, suppliciq. mente

Cunctis cernuus aduolutus aris.

Flos terræ Italiæ, fater Senatus

Certat officijs pioq; cultu;

Suauiusq. rubente flagrat ostro

Fau-

Fausto purpura gratulans amoribus
 Secum prodiga Roma certat, vno
 Perdens impete, perditumq. gaudens
 Quicquid ingenio valet vel artes
 Et vincens eadem manusq. cedens,
 Succumbit, superatq. prodigendo.

Tuis auspicijs, Pater Latina
 Gentis, omnia gaudijs renident:
 Tui latitiam amulantur oris;
 Atq; vni obsequium probare gaudent;
 Deuotamq. animi explicare mentem:
 Quo nunc Principe hominis Latini
 Crevit gloria: qui iugum Latini
 Cogis imperij pati remotas
 Gentes: quas oriens nouo colorat
 Hæbus lumine: quasq. summus alto
 Cælo despicit, & perurit æstu:
 Vel quas occiduis tuetur, orbe
 Diuisas alio, inuioq. ponto:
 Et quas arctos, & ultimi triones
 Terrarum gelido sinu recondunt:
 Quas nunc auspicijs premit Latinis
 Cæsar maximus, & retundit armis.
 Moles Hadriaca, vrbis arx Latina
 Trifulcum Iouis æmulata fulmen;
 Iratiq. truces minas Olympi,
 THADDAO fremitu, & fragore plaudit.
 Circum terricæpæ remigat æther;
 Et septem-geminas remittit Echo
 Voces, nec fremitu minore plaudit.

Respondet, procul Alba celsa ab arce;
 Et plausus iterat, non osq. iungit æt.

Lato vertice sydera ipsa tangens; nunquid obstat
 Quod secreta Deum, rudesq. amores.
 Quod connubia prima, quodque noctem
 Tot desiderijs, tot expetitam
 Votis nouerit vna; & vna possit moras
 Testari, cupidis vt illa Sponsis atque
 Inter gaudia fluxit, & querelas.

Ferentina sacris caput scatebris
 Nympha inter nemoris silentis umbras
 Tollens, mobilibus sonora ripis
 Blandum admurmurat: excipitq. murmur
 Sibilante coma tremens arundo.
 Circum Naiades, & leues Napææ
 Alterno pede ducunt choreas
 Alternisq. modis canunt Napææ,
 Vt Sponsum nitor, atq. vultus illex,
 Mellitiq. oculi, & decens capillus
 ANNÆ cæperit: occinunt vicissim
 Pulchræ Naiades, vt virilis ille
 THADDÆI decor, & venusta toto
 Ridens gratia corpore vrat ANNAM.
 Iunctis vocibus hinc canunt modisq.
 Pulchræ Naiades, & leues Napææ;
 Vt THADDÆVS in ANNAM, & ANNA in vnū
 THADDÆVM, cupide inuicem imminentes
 Morficantibus ebrijsq. ocellis,
 Sæua incendia combibunt medullis:
 Vt desiderio impotente languent,
 Et desiderij impotentis æstum
 Carum nescio quid iocando fallunt.

Antris Egeria abditis recumbens,
 Qua sacrum Triuæ nemus virore
 Actor-

Aeterno Hippolyti lacum coronat;
Sentit gaudia festa vota sentit,
Queis Albana iuga, & pij Quirites
Certant; fatidicisq. soluit ora
Verbis; consilium quibus Deosum
Et sacra edocuit prius. maritum

Sic vos alma Venus, pium Latinis
Numen, omine iunxis auspicato,
Cæli delicias Deumq. amores
Tu Tuscum genus inferas Latino
Diuis edite, mox dature diuis
Ne nostro Tyberi superbus Arnus
Vna examina apesq. **BARBERINAS**
Ultra iactitet. **ANNA** te beato
Stringat compede aeneoq. vinclo
Romæ gloriæ, virginumq. ocellus
Virtute, ingenio, pudore chinctis
Antestans facile, & decore formæ
In dotem numerans genus celeberrimi
Triumphis, & imagines vetustas
Quas lambunt hederæ, supraq. inumbrant
Crebræ laureæ, & insulæ frequentes

Et tu iuncta **COLVMNA BARBERINO**
ANNA pæpethum genus perennia
Multa prole beans domum vetustam
Claram nobilitate. Luder aula
MAPHAEVS tener; exprimetq. magnum
VRBANVM pietate, & ore miti
A fesso sene purpura induendus.

Tu **FRANCISCE** Sacri decus Senatus,
Musarumq. parens, & eruditi
Princeps ordinis approbante Phœbo,

Cernes in roseo nepotis ore
 Ridentes Charites tuas : serenæ
 Cernes gaudia frontis , atq; vulcus
 Apertos placidosque : qualis orbem
 Pleno luna nitet silente nocte
 Agnosces animi emicare magni
 Claros igniculos , genus fatentes
 Hic tuas Veneres , tuos lepores animo ,
 Admirabere ; vimq; fulminantem
 Quæ Gallos animi impetu calentes
 Nuper traxit , vt Herculem putarent
 Lapsum syderibus redisse terris
 Quæ sublimia corda martialis
 Iberi eloquio potente flexit
 Succrescet ferè deinde longa
 Proles plurima : distrahentq; matrem
 Blandis oscula diuidenda natis
 Natis , qui patris annuculosq;
 Magnos iustitiæ & labore belli
 Acquabunt ; generis decus tuentes
 Armis fortibus , artibusq; pacis
 Sic vos alma Venus beato amoris
 Iungens fadeste , prole larga , amoris
 Fructu , fulciet usq;

BARBERINOS.

Antris hæc idea roscidis recumbens
 Sacro protulit ore , iussit illis
 Venus pondus inesse , dexteramq;
 Dictis addidit approbationem

HENDECASYLLABI

PAGANINI
GAVDENTII.

VT per Hesperiam vagata fama
 Pernici pede, venit ad recessus
 Amcenos LARII, & repleuit omnem
 Oram, lætitiæ modos celebrans,
 Qua nunc est domus auda BARBERINA,
 Cui COLUMNATA iungitur perenni
 Vinculo; & tot ait ciere plausus
 SEBETHVM, & TIBERIM: LARI verendus
 Parens, ABDVA, visus est leuare
 Caput, quæ rapidæ dicantur vnda
 Filio, & ferit ætherem superbo
 Moles vertice, quam timendus olim
 FONTANI labor excitauit: Arcem
 Cernens ABDVA, lætus hæc ab Imo
 Fudit agmine verba: Sit ninofus
 Sit quamuis mihi mons origo, quamuis
 COLLIVS procul inclytis remotus
 Absim, gaudia me tamen fauentis
 Attingunt DOMINÆ; audiat benignè
 Me flauus TIBERINVS, explicare

Grato gaudia largiatur ore,
 Et Laurus mihi surgit, & Corymbi
 Mixti palmitibus; vocare fas est
 Deos, quæis studium est agros tueri,
 Præsto sunt Cereris repleta fæta,
 Sorores & Oreades, Napææ,
 Sylvanusq. pater; sed inter omnes
 Tollit pampineas comas liquore
 Fuso LIBER, opem recepit ille
 Tandem post rabiem trucidæ Gradiui.
 Nunc iactat caput, & redire gaudet
 Annos præteritos, Et hic & ille,
 Atq; omnis chorus aduolat, frequentes
 Certant carminibus, vocat Gamas
 Lenæus, sine quo forent molestæ
 Inani strepitu, Tuum vocamus
 Nomen, qui subar es salusq. gentis,
 VRBANE, Italicæ: potente suada
 REGES concilias, iubesq. Erynnis
 Ad nigras redeat domos, nec ultra
 RHÆTORVM, in populo excitet tumultus,
 Si quis pectora posset intueri,
 Posset si quis ad intimas latebras
 Pertigisse animorum; ô ille miros
 Sensus colligeret, quibus rependi
 Exultant meritis tuis ab almo
 Cælo munera digna, Sit pereperne
 Hoc bonum, proprium sit adprecamur.
 Magne muneris est tui PARENES, quod
 Non iam sanguineo madent rubore
 Vndæ, quod sup. nunc aquis quieris,
 Quod passim video nitere campos

Latos, & iuga collium recepto
 Cultu surgere: Si lubet fateri
 Quod res est, TIBI id imputant amena
 Cultores Regionis, & sequente
 Ætate id referent fauente lingua.
 Scisso Syrmate cum furens Enyo
 Belli concuteret faces, per Alpes
 Miles vndiq, conueniret; ora
 Tu soluis sacra, comprimis furorẽ.
 Vt possit placido serena vultu
 Ad nos pax regredi, efficis monendo,
 Vrgendo efficis: Aurea recedit
 Dum THADDÆVS ab VRBE fortioris
 Princeps militiæ. Inde consecuta
 Est plaudentibus omnibus voluptas;
 Pax, Diuum atq, hominum. Procul refugit
 Mauors armipotens, celerq, ferrum.
 Hinc ad Saxoniam, Silesiamq,
 Dextro transtulit omine, & triumphis
 Robur TILLIACVM auget. Albis, ille
 Albis obstupuit, stetitq, plenus
 Horrore; Intrepidus Croata vt ausus
 Transire, vt premere, insequiq, terga
 Danorum. Horrifici acquiescit ira
 Gradiui, redimitq, fronde crines.
 Hinc ramos oleæ, atq; nuptiale
 Sertum complicat, inclytisq, SPONSO
 Atq; ANNÆ Sacra fert Amoris alma
 Mater: Suauia fundit ore verba:
 Mutuas iubet excitari amoris
 Flammas. Mutuus ignis vrat ambos;
 Inquit. Tot bona Vos beant; iuuentus,

Nomen PRINCIPIS, & COLUMNIORVM
 Antiquum decus. O quater beatos
 In quos mutua conferunt, & vltro
 Conspirant Venus atq; Pallas, omne
 Fortunæ iubat admicrare certat.
 Hæc mihi quoque fas sit adprecari,
 Dum passim video nitere campos
 Latos, & iuga collum recepto
 Cultu surgere, fas sit adprecari
 Dum virent mihi Laurus, & Corymbi!



THALAMVS IN VIRTUALIS

TERENTI ALCIATI



THADÆE, Marij villa, quæ primo thorum
 Tibi nuptialem pandit, omen est tux
 Qua te, beabic, prolis, vxor, regia,
 Ne temne quæ prænunciat, cali plagam,
 Plantæ sequuntur, & sui genium soli.
 Hic ille Consul septimum, hic ille Africæ
 Terror, domator ille Cimbri, & Teutonis
 Hic Martiales comprimebat impetus,
 Hic æstuentes corde flammæ globos
 Amœnitatē temperabat otij,
 Laudes remiscens laudibus, decori decus,
 Illic fugator hostium, hic victor sui.
 Hæc est nepotum forma, Marium præferent,
 Sed rusticantem, atque huius accolam loci;
 Blande seuerum, comiter grauem, pium
 Dum sæuit, æneum pectore, aureum moribus.
 Sic est; vtrumque posterius genus expriment,
 Ambos parentes haurient, iunctim gerent
 Mel BARBERINVM, spiritus COLUMNIOS.

2 VAE N EAE T

CIOIA VMIN AE.

ITAIOIAI LEMERIT
EIVSDEM.


PETRO Columnas are surgentes locas,
 Tumulum beato regium struis seni,
 Totum præalto contegens opus tholo,
 Ne parce sumptu VRBANE, feceras polo,
 Nec largiendo calites vinci solent.
 Viden? COLVMNA migrat in lares tuos,
 Auro vetusta gentis, & formæ nitens,
 Formæ atque aorum moribus vincens opes,
 Cui BARBERINA insistat æternum domus
 Apibus nepotes suggerens centum tuis,
 Viden? rependit area Petrus aureis,
 Columnen columna stirpis, & thorum tholus,
 Tumulusque vitæ germen extructus dedit.
 Nec parcus illæ munerum senex, neque
 Illiberalis ille piscator fuit.



Fran-

173

FRANCISCI
MANCINI
CAPOCCII
EPIGRAMMA.



A Spice iam thalamis Tedas fulgere iugales,
Sparsaque Corycio Regia testâ Croco;
Tu quoque Vatum inter Citharas assuesce
canoras
Garrula festiuis plaudere Musa modis.
O qui magnanima surgent de Stirpe Nepotes,
Dum BARBERINO iuncta COLUMNA
Viro est?
Romulidæ magni, veteres sperate Triumphos,
Talia si terris vincula nectit Hymen.

F I N I S.

TRANSIC

INDIAN

CAPOCCI

А М М А Р Е И Т Е

2000-2001 2002-2003

1. *Quia non habetis*
 2. *Quia non habetis*
 3. *Quia non habetis*
 4. *Quia non habetis*
 5. *Quia non habetis*
 6. *Quia non habetis*
 7. *Quia non habetis*
 8. *Quia non habetis*
 9. *Quia non habetis*
 10. *Quia non habetis*
 11. *Quia non habetis*
 12. *Quia non habetis*
 13. *Quia non habetis*
 14. *Quia non habetis*
 15. *Quia non habetis*
 16. *Quia non habetis*
 17. *Quia non habetis*
 18. *Quia non habetis*
 19. *Quia non habetis*
 20. *Quia non habetis*
 21. *Quia non habetis*
 22. *Quia non habetis*
 23. *Quia non habetis*
 24. *Quia non habetis*
 25. *Quia non habetis*
 26. *Quia non habetis*
 27. *Quia non habetis*
 28. *Quia non habetis*
 29. *Quia non habetis*
 30. *Quia non habetis*
 31. *Quia non habetis*
 32. *Quia non habetis*
 33. *Quia non habetis*
 34. *Quia non habetis*
 35. *Quia non habetis*
 36. *Quia non habetis*
 37. *Quia non habetis*
 38. *Quia non habetis*
 39. *Quia non habetis*
 40. *Quia non habetis*
 41. *Quia non habetis*
 42. *Quia non habetis*
 43. *Quia non habetis*
 44. *Quia non habetis*
 45. *Quia non habetis*
 46. *Quia non habetis*
 47. *Quia non habetis*
 48. *Quia non habetis*
 49. *Quia non habetis*
 50. *Quia non habetis*
 51. *Quia non habetis*
 52. *Quia non habetis*
 53. *Quia non habetis*
 54. *Quia non habetis*
 55. *Quia non habetis*
 56. *Quia non habetis*
 57. *Quia non habetis*
 58. *Quia non habetis*
 59. *Quia non habetis*
 60. *Quia non habetis*
 61. *Quia non habetis*
 62. *Quia non habetis*
 63. *Quia non habetis*
 64. *Quia non habetis*
 65. *Quia non habetis*
 66. *Quia non habetis*
 67. *Quia non habetis*
 68. *Quia non habetis*
 69. *Quia non habetis*
 70. *Quia non habetis*
 71. *Quia non habetis*
 72. *Quia non habetis*
 73. *Quia non habetis*
 74. *Quia non habetis*
 75. *Quia non habetis*
 76. *Quia non habetis*
 77. *Quia non habetis*
 78. *Quia non habetis*
 79. *Quia non habetis*
 80. *Quia non habetis*
 81. *Quia non habetis*
 82. *Quia non habetis*
 83. *Quia non habetis*
 84. *Quia non habetis*
 85. *Quia non habetis*
 86. *Quia non habetis*
 87. *Quia non habetis*
 88. *Quia non habetis*
 89. *Quia non habetis*
 90. *Quia non habetis*
 91. *Quia non habetis*
 92. *Quia non habetis*
 93. *Quia non habetis*
 94. *Quia non habetis*
 95. *Quia non habetis*
 96. *Quia non habetis*
 97. *Quia non habetis*
 98. *Quia non habetis*
 99. *Quia non habetis*
 100. *Quia non habetis*